

ANICII MANLII

*Torquati Seuerini*

# BOETHII

de consolatione philo-  
sophiæ

LIBRI V.

*Hugo Morrissey Lamb*  
177



*W 15*  
OXONII,

Typis Will. Hall, Anno  
Dom. 1663.

Handwritten text, possibly a signature or date, appearing as "1871" and "1872".



Anicii Manlii Torquati  
**SEVERINI BOETHII**  
 DE  
**CONSOLATIONE**  
**PHILOSOPHIAE.**

Liber I.

METRUM I.

**C**ARMINA qui quondam studio flo-  
 rente peregi,  
 Plebilis heu mæstos cogor inire modos.  
 Ecce mihi laceræ dictant scribenda Camenæ.  
 Et veris elegi fletibus ora rigant.  
 Has saltem nullus potuit pervincere terror.  
 Ne nostrum comites prosequerentur iter.  
 Gloria felicitis olim viridisque juventa  
 Solatur mæsti nunc mea fata senis.  
 Venit enim properata malis inopina senectus,  
 Et dolor ætatem iussit inesse suam.  
 Intempestivi funduntur vertice cani,  
 Et tremis effecto corpore lasa cutis.

Mors hominum felix, qua senec dulcissimū  
 Inferit, & mæstus sæpe vocato venit.  
 Eheu, quam surda miseros avertitur aure,  
 Et flentis oculos claudere sæva negat.  
 Dum levibus malefida bonis fortuna faveret,  
 Pæne caput tristis merserat hora meum.  
 Nunc quia fallacem mutavit nubila vultum,  
 Protahit ingratas impia vita moras  
 Quid me felicem toties iactasti amici?  
 Qui cecidi: stabili non erat ille gradus.

## P R O S A I.

HÆC dum mecum tacitos ipse separarem,  
 querimoniamque lacrymabilem styli officio  
 designarem, adstitisse mihi supra verticem  
 visa est mulier reverendi admodum vultus,  
 oculis ardentibus, & ultra communem ho-  
 minum valentiam perspicacibus, colore vivi-  
 do, atque inexhausti vigoris, quamvis ita  
 ævi plena foret, ut nullo modo nostræ  
 crederetur ætatis: statura discretionis am-  
 bigua. Nam nunc quidem ad communem se-  
 se hominum mensuram cohibebat, nunc vero  
 pulsare cælum summi verticis cacumine vide-  
 batur: quæ cum caput altius extulisset, ipsum  
 etiam cælum penetrabat, respicientiumque  
 hominum

hominum frustrabatur intuitum. Vestes erant tenuissimis filis, subtili artificio, indissolubilique materia perfectæ; quas uti post eadem prodente cognovi, suis manibus ipsa texerat. Quarum speciem, veluti fumosas imagines solet, caligo quidam neglectæ veritatis obduxerat. Harum in extremo margine, in supremo vero ß legebatur intextum. Atque inter utrasque literas, in scalarum modum, gradus quidam insigniti videbantur, quibus ab inferiore ad superius elementum esset adscensus. Eandem tamen vestem violentorum quorundam sciderant manus, & particulas, quas quisque potuit abstulerant. Et dextera quidem ejus libellos, sceptrum vero sinistra gestabat. Quibus poeticas musas vidit, nostro assistentis toro, fletibusque meis verba dictanteis, commota paulisper actoris inflammata luminibus. Quis, inquit, has scenicas meretriculas ad hunc agrum permisit accedere? quæ dolores ejus non modo nullis foverent remediis, verum dulcibus insuper alerent venenis? Hæ sunt enim, quæ infructuosis affectuum spinis, uberem fructibus rationis segetem necant, hominumque mentes assuefaciunt morbo, non liberant. A

si quem profanum, uti vulgo solitum, nobis  
 blanditiæ vestræ detraherent, minus moleste  
 ferendum putarem. Nihil quippe in eo no-  
 stræ operæ læderentur. Hunc vero Eleaticis,  
 atque Academicis studiis attigistis innutri-  
 rum? Sed abire potius Seirenes usque in exi-  
 rium dulces, meisque eum Musis curandum,  
 sanandumque relinquite. His ille chorus in-  
 crepitus, deiecit humi mæstior vultum, con-  
 fessusque rubore verecundiam, limen tristis  
 excessit. At ego, cujus acies lacrymis mersa  
 caligarat, ne dignoscere possem, quænam hæc  
 esset mulier, tam imperiosæ auctoritatis ob-  
 stupui, visuque in terram defixo, quidnam  
 deinceps esset agitur, expectare tacitus cœ-  
 pi. Tum illa propius accedens, in extrema le-  
 ctuli mei parte cecidit, meumque intuens  
 vultum luctu gravem, atq; in humum mærore  
 dejectum, his versibus de nostræ mentis per-  
 turbatione conquesta est.

## M E T R U M II.

*Hæc quam præcipiti mersa profunda  
 Mens hebet, & propria luce relicta,  
 Tendit in externas ire tenebras.*

Terrenis quoties flatibus acta  
 Crescit in immensum noxia cura.  
 Hic quondam cælo liber aperto,  
 Suetus in ætherios ire meatus  
 Cernebat rosei lumina solis,  
 Visibat gelidæ sidera lunæ,  
 Et quæcunque vagos stella recursus  
 Exercet, varios flexa per orbis.  
 Comprehensam numeris victor habebat.  
 Quin etiam causas, unde sonora  
 Flamina sollicitent æquora Ponti,  
 Quis volvat stabilem spiritus orbem,  
 Vel cur Hesperias fidus in undas  
 Casurum rutilo surgat ab ortu?  
 Quis Veris placidas temperet horas,  
 Ut terras roseis floribus ornet:  
 Quis dedit ut pleno fertilis anno  
 Autumnus gravidis influat uvis,  
 Rimari solitus atque latentis  
 Naturæ varias reddere causas.  
 Nunc jacet effæcto lumine mentis,  
 Et pressus gravibus colla catenis.  
 Declivemque gerens pondere vultum,  
 Cogitur, heu, stolidam cernere terram.

## P R O S A II.

SED medicinæ, inquit, potius tempus

est quam querelæ. Tum vero totis in me intentis luminibus : Tu ne es ille, ait, qui nostro quondam lacte nutritus, nostris educatus alimentis, in virilis animi robur evaseras? Atqui talia contuleramus arma : quæ nisi prius abjecisses, invicta te firmitate tuerentur. Agnosceisne me? Quid taces? pudore an stupore siluisti? mallem pudore; sed te, ut video, stupor oppressit. Cumque me non modo tacitum, sed elinguem prostratus, mutumque vidisset, admoveit pectori meo leniter manum. Et nihil, inquit, periculi est, lethargum patitur, communem illis arum mentium morbum. Sui paulisper oblitus est; recordabitur facile, siquidem nos ante cognoverit. Quod ut possit, paulisper lumina ejus, mortalium rerum nube caligantia, tergamus. Hæc dixit, oculosque meos fletibus undantibus, contracta in rugam veste, siccavit.

## M E T R U M III.

*Tunc me discussa liquerunt nocte tenebre,*

*Luminibusque prior rediit vigor;*

*Ut cum præcipiti glomerantur sidera Cælo.*

*Nimbosique polus stetit imbribus,*  
*Sol latet, ac novum cælo venietitibus astris,*

*Desuper in terram nox funditur;*

*Hanc*

P R I M U S.

*Mancsa Thraicio Boreas emissus ab antro  
Verberet, & clausum referet diem,  
Emicat, & subito vibratus lumine Phæbus,  
Mirantis oculos radiis ferit.*

P R O S A III.

HAUD aliter tristitiæ nebulis dissolutis,  
hausi cælum, & ad cognoscendam medican-  
tis faciem mentem recepi. Itaque ubi in eam  
deduxi oculos, intuitumque defixi, respicio  
nutricem meam, in cuius ab adolescentia La-  
ribus versatus fueram, Philosophiam. Et  
quid, inquam, tu in has exilii nostri solitudi-  
nes, ô omnium magistra virtutum, supero car-  
dine delapsa venisti? an ut tu quoque mecum  
æa falsis criminationibus agiteris? An; in-  
quit, illa, te ô alumne, desererem, nec sacri-  
nam, quam mei nominis invidia sustulisti,  
communicato tecum labore partirer? Atqui  
Philosophiæ fas non erat, incomitatum relin-  
quere iter innocentis, meam scilicet crimi-  
nationem vererer? & quasi novi aliquid ac-  
ciderit, sic perhorrescerem? Nunc enim pri-  
mum censes apud improbos, mores lacescitam  
periculis esse sapientiam? Nonne apud vete-  
res quoque ante nostri Platonis ætatem, ma-  
gnam

gnūm saepe certamen, cum stultitiæ temeritate  
 certavimus? eodemque superstite, præcep-  
 tor ejus Socrates injustæ victoriæ mortis  
 me adstante promeruit? Cujus hæreditatem  
 cum deinceps Epicureum vulgus, ac Stoi-  
 cum, ceterique pro sua quisque parte raptum  
 ire molirentur, meque reclamantem, reni-  
 tentemque, velut in partem prædæ, trahe-  
 rent, vestem, quam meis texueram manibus,  
 disciderunt, abreptisque ab ea panniculis, to-  
 tam me sibi cessisse credentes, abiere. In  
 quibus quoniam quædam nostri habitus vesti-  
 gia videbantur, meos esse familiareis impru-  
 dentia rata, nonnullos eorum profanz mul-  
 titudinis errore pervertit. Quod si nec Ana-  
 xagoræ fugam, nec Socratis venenum, nec Ze-  
 nonis tormenta, quoniam sunt peregrina,  
 novisti, at Canios, at Senecas, at Soranos,  
 quorum nec pervetusta, nec incelebris me-  
 moria est, scire potuisti. Quos nihil aliud in-  
 cladem detraxit, nisi quod nostris moribus  
 instituti, studiis improborum dissimillimi vi-  
 debantur. Itaque nihil est quod admirere, si  
 in hoc vitæ solo circumstantibus agitemur  
 procellis, quibus hoc maxime propositum  
 est, pessimis displicere. Quorum quidem  
 tametsi



tametsi est numerosus exercitus, spernendus  
tamen est; quoniam nullo duce regitur; sed  
errore tantum temere, ac passim lymphante  
raptatur. Qui si quando contra nos aciem  
struens valentior incubuerit, nostra quidem  
dux copias suas in arcem contrahit: illi vero  
circa diripiendas inutilibus sarcinulas occu-  
pantur. At nos desuper irridemus, vilissimæ  
rerum quæque rapienteis, securi totius furiosi  
tumultus, eoque vallo muniti, quo grassanti  
stultitiæ adspirare fas non sit.

## M E T R U M IV.

*Quisquis composito serenus ovo,  
Fatum sub pedibus dedit superbum.  
Fertunamque tuens utramque reclus,  
Invictum potuit tenere vultum,  
Non illum rabies, minæque Ponti  
Versum funditus excitantis æstus,  
Nec ruptis quoties vagus caminis  
Torquet fumificos Veservus igneis,  
Aut celsas soliti ferire turreis  
Ardentis vi fulminis movebit.  
Quid tantum miseri feros tyrannos  
Mirantur sine viribus furenteis?  
Nec feros aliquid, nec extimescas:*

EX.

Exarmaveris inpotentis iram !  
 At quisquis trepidus pavet, vel optat,  
 Quod non sit stabilis sui que juris,  
 Abiecit clypeum locoque motus  
 Nectit, quia valeat trahi s catenam.

## P R O S A IV.

SENTISNE, inquit, hæc atque ani-  
 mo illabuntur tuo? Esne οὐκ εἰς πρὸς λυγρῶν  
 Quid fles? Quid lacrymis manas? ἐξ αὐδῆς  
 μὴ καὶ θά νδω. Si operam medicantis exspe-  
 ctas, oportet ut vulnus detogas tuum. Tum  
 ego, collecto in vires animo? Apne adhuc ege-  
 admonitione, nec per se satis eminet fortuna  
 in nos scvientis asperitas? Nihilne te ipsa lo-  
 ci facies movet? Hæcine est bibliotheca  
 quam certissimam tibi sedem nostris in Lari-  
 bus ipsa delegeras? in qua mecum sæpe resi-  
 dens, de divinarum humanarumque rerum  
 scientia differebas? Talis habitus, talisque  
 vultus erat cum tecum naturæ secreta time-  
 rer, cum mihi siderum vias radio describeres  
 cum mores nostros, totiusque vitæ rationes  
 ad celestis ordinis exemplar formares. Hæc  
 ne præmia referimus tibi obsequentes? Atque

ta hanc sententiam Platonis ore sanxisti, Be-  
res fore respublicas, si eas vel studiosi sapien-  
tiae regerent, vel earum rectores studere sa-  
pientiae contigisset! Tu ejusdem viri ore hanc  
sapientibus capescenda respublica necessa-  
riam causam esse monuisti, ne improbis, fla-  
giosisque civibus urbium relicta guberna-  
cula, pestem bonis ac perniciem inferrent.  
Hanc igitur auctoritatem secutus, quod à te  
inter secreta oria didiceram, transferre in a-  
ctum publicae administrationis opravi. Tu mi-  
hi & qui te sapientium mentibus inseruit  
Deus, estis conscii, nullum me ad magistra-  
tum, nisi commune bonorum omnium studium,  
detulisse. Inde cum improbis graves inexora-  
bilesque discordiae; & quod conscientiae liber-  
tas habet, pro tuendo jure sprete potentiorum  
semper offensio: Quoties ego Conigastum in  
imbecillis cujusque fortunas impetum fa-  
cientem obviis excepi! Quoties Triguillam  
regis praepositum domus ab incepta, perpe-  
rataque jam prorsus injuria dejeci! Quoties  
miseros, quos infinitis calumniis impunita  
barbarorum semper avaritia vexabat, obje-  
cta periculis auctoritate protexi! Numquam  
ne ab jure ad injuriam quisquam detraxit.

Pro-

# L I B E R

Provincialium fortunas, tum privatis, rapinis, tum publicis vectigalibus pessumdari, non aliter, quam qui patiebantur, indolui. Cum acerbæ famis tempore gravis atque inexplebilis indicta cœmtio profligatura inopia Campaniam provinciam videretur, certamen adversum præfectum prætorii communis commodi ratione suscepi, rege cognoscente contendere, & ne cœmtio exigeretur evici. Paullinum consularem virum, cuius opes Palatini canes jam spe atque ambitione devorassent, ab ipsis hiantium faucibus traxi. Ne Albinum consularem virum præjudicatæ accusationis pœna corripere, odiis me Cypriani delatoris opposui. Satisne in me magnas videor exacervasse discordias? sed esse apud ceteros tutior debui, qui mihi amore justitiæ nihil apud aulicos, quo magis essem tutior, servavi. Quibus autem deferentibus perculsi sumus? quorum Basilus olim regio ministerio depulsus, in delationem nostri nominis, alieni aris necessitate compulsus est. Opilionem vero, atque Gaudentium, cum ob injurias, atque multiplices fraudes ire in exilium regia censura decrevisset, cumque illi parere nolentes sacra

rum sese adium defensione tuerentur, compertumque id regi foret, edixit, ut nisi intra præscriptum diem Ravenna urbe decederent, notis insigniti frontibus pellerentur. Quid huic severitati posse adstrui videtur? Atqui eodem die deferentibus eisdem, nominis nostri delatio suscepta est. Quid igitur? nostrane artes ita meruerunt? an illos accusatores iustos fecit præmissa damnatio? Itane nihil fortunam puduit, si minus accusata innocentia, at accusantium vilitatis? At, cujus criminis arguimur, summam queris? Senatum dicimur saluum esse voluisse. Modum desideras? delatorum, ne documenta deferret, quibus Senatui maiestatis reum faceret, impedisse criminamur. Quid igitur ô magistra censes? inficiabimur crimen, ne tibi pudori simus? At volui, nec unquam velle desistam. Fatebimur? Sed impediendi delatoris opera cessabit. An optasse illius ordinis salutem nefas vocabo? ille quidem suis de me decretis, uti hoc nefas esset, effecerat. Sed sibi semper mentiens imprudentia rerum, merita non potest immutare: nec mihi Socratico decreto fas esse arbitror, vel occuluisse veritatem, vel concessisse mendacium. Verum id quo modo

modo sit, tuo, sapientiumque iudicio, assi-  
mandum relinquo. Cujus rei seriem, atque  
veritatem, ne latere posteror queat, stylo  
etiam, memorizque mandavi. Nam de com-  
positis falso literis, quibus libertatem ar-  
guor sperasse Romanam, quid attinet dice-  
re? Quarum fraus aperta patuisset, si no-  
bis ipsorum confessione delatorum, quod in  
omnibus negotiis maximas vires habet, uti-  
licuisset. Nam quæ sperari reliqua libertas  
potest? Atque utinam posset ulla! Respon-  
dissem Cani verbo: qui cum a C. Cesare Gar-  
manici filio constans contra se factæ consu-  
rationis fuisse diceretur; Si ego, inquit scis-  
sem, tu nescisses. Qua in re non ita sensus  
nostros maxor hebetavit, ut impios scelerate  
contra virtutem querar molitos; sed quæ spe-  
xaverint effecisse, vehementer admiror. Nam  
deteriora velle, nostri fuerit fortasse defe-  
ctus: posse vero contra innocentiam, quæ  
sceleratus quisque conceperit, inspectante  
Deo, monstri simile est: unde haud injuria  
tuorum quidam familiarium quæsiuit: Siqui-  
dem Deus, inquit, est, unde mala? bona ve-  
ro unde, si non est? Sed fas fuerit nefarios  
homines, qui bonorum omnium, totiusque

que Senatus sanguinem petunt, nos etiam, quos propugnare bonis Senatuque viderant, perditum ire voluisse. Sed num idem de patribus quoque merebatur? Meministi, ut opinor, quoniam me dicturum quid facturumve præsens ipsa semper dirigebas, Meministi, inquam, Veronæ cum rex avidus communis exitii, majestatis crimen in Albinum delatum ad cunctum Senatus ordinem transferre moliretur, universi innocentiam Senatus, quanta mei periculi securitate defenderim. Scis me hæc & vera proferre, & in nulla unquam mei laude jactasse. Minuit enim quodammodo se probantis conscientia secretum quoties ostentando quis factum recipit famæ pretium, Sed innocentiam nostram quis exceperit eventus vides. Pro veræ virtutis præmiis falsi sceleris poenas subimus. Et cujus unquam facinoris manifesta confessio iudices habuit in severitate concordēs, ut non aliquos vel ipse humani error ingenii vel fortunæ conditio cunctis mortalibus incerta submitteret? Si inflammare sacras ædes voluisse, si sacerdotes impio jugulare gladio, si bonis omnibus necem struxisse diceremur, præsentem tamen sententia confessum

B

fessum

fessum convictumve punisset. Nunc quingentis fere passuum millibus procul moti, atque indefensi, ob studium propensius in Senatum, morti proscriptionique damnamur, ô! meritos de simili crimine neminem posse convinci! cujus dignitatem reatus ipsi etiam, qui detulere, viderunt: quam uti alicujus sceleris admittance fuscarent, ob ambitum dignitatis sacrilegio me conscientiam polluisse mentiti sunt. Atqui & tu insita nobis, omnem rerum mortalium cupidinem de nostri animi sede pellebas, & sub tuis oculis, sacrilegio locum esse fas non erat, Instillabas enim auribus, cogitationibusque quotidie meis Pythagoricum illud, *ἴσθι Διὸς*. Nec conveniebat vilissimorum me spirituum præsidia captare, quem tu in hanc excellentiam componebas, ut consimilem Deo faceres. Præterea penetrat innocens domus, honestissimorum cœtus amicorum, socer Symmachus sanctus, & æque actu ipso reverendus ab omni nos hujus criminis suspicione defendunt. Sed ô nefas, illi vero de te tanti criminis fidem capiunt; atque hoc ipso affines fuisse videmur maleficio, quod tuis imbuti disciplinis, tuis instituti moribus sumus. Ita non est satis nihil mihi



mihi profuisse tuam reverentiam, nisi ultro  
tu mea potius offensione lacereris. At vero hic  
etiam nostris malis cumulus accedit, quod  
existimatio plurimorum non rerum merita,  
sed fortunæ spectat eventum; eaque tantum  
judicat esse provisa, quæ felicitas commen-  
daverit. Quo fit, ut existimatio bona prima  
omnium deserat infelices. Qui nunc populi  
rumores, quam dissonæ, multiplicesque sen-  
tentia, piget reminisci. Hoc tantum dixe-  
rim: ultimam esse adversæ fortunæ sarcinam,  
quod dum miseris aliquod crimen affingit-  
tur, quæ perferunt, meruisse creduntur. Et  
ego quidem bonis omnibus pulsus, dignitati-  
bus exutus, existimatione foedatus, ob bene-  
ficio supplicium tuli. Videre autem videor  
nefarias sceleratorum officinas gaudio lætitia-  
que fluitanteis perditissimum quemque no-  
vis delationum fraudibus imminem: ja-  
cere bonos, nostri discriminis terrore prostra-  
tos: flagitiosum quemque ad audiendum  
quidem facinus impunitate, ad efficiendum  
vero præmiis iucitari: insonteis autem non  
modo securitate, verum ipsa etiam defen-  
sione privatos, itaque libet exclamare.

B 2

METRVM

## METRUM V.

O stelliferi conditor orbis,  
 Qui perpetuo nixus solio  
 Rapido cælum turbine versas,  
 Legemque pati sidera cogis,  
 Ut nunc pleno lucida cornu,  
 Totis fratris obvia flammis,  
 Condat stellas Luna minores,  
 Nunc obscuro pallida cornu  
 Phæbo propior lumina perdat.  
 Et qui primæ tempore noctis  
 Agit argenteis Hesperus ortus,  
 Solitas iterum mutat habenas  
 Phæbi pallens Lucifer ortu.  
 Tu frondiflua frigore brumæ  
 Stringis lucem breviora mora  
 Tu cum fervens venerit æstas,  
 Agileis noctis dividis horas  
 Tua vis varium temperat annum,  
 Ut quas Boreæ spiritus aufert,  
 Revehat mitis Zephyrus, frondeis:  
 Quæque arcturus semina vidit,  
 Scirius altas urat segetes.  
 Nihil antiqua lege solutum  
 Linqvit propriæ stationis opus.

Omnia

# P R I M V S

Omnia certo fine gubernans.  
 Hominum solos respicis actus,  
 Merito rector cohibere modo.  
 Nam cur tantas lubrica versat  
 Fortuna vices? premit insontem  
 Debita sceleri noxia pœna:  
 At perversi resident celso  
 Mores solio sanctaque calcant  
 Injusta vice colla nocentes.  
 Latet obscuris condita virtus  
 Clara tenebris, justusque tulit  
 Crimen iniqui.  
 Nil perjuriam, nil nocet ipsis  
 Fraus mendacii compta colore.  
 Sed cum libuit viribus uti,  
 Quos innumeri metuunt populi,  
 Summos gaudent subdere reges.  
 O jam miseras respice terras.  
 Quisquis rerum fœdera necis,  
 Oporis tanti pars non vilis  
 Homines, quatimur fortune salo.  
 Rapidos rector comprime fluctus,  
 Et quod cœlum regis immensum  
 Firma stabileis fœdere terras.

P R O S A

## P R O S A V.

HÆC ubi continuato dolore delatravi illa vultu placido, nihilque meis questibus mota: Cum te, inquit, mæstum, lacrymantemque vidissem, illico miserum exsulemque cognovi. Sed quam id longinquum esset exsilium, nisi tua prodidisset oratio, nesciebam. Sed tu procul à patria non quidem pulsus es, sed aberrasti. At si te pulsus existimari mavis, te potius ipse pepulisti. Nam id quidem de te nunquam cuiquam fas fuisset. Si enim cujus oriundus sis patriæ reminiscaris, non, uti Atheniensium quondam, multitudinis imperio regitur ἀλλὰ τοῖς βασιλεῦσι, οἷς κοίραν, qui frequentia civium, non depulsione latatur: cujus agi frenis, atque obtemperare iustitiæ summa libertas est. An ignoras illam tuæ civitatis antiquissimam legem, qua sancitum est, ei ius exultare non esse, quisquis in ea sedem fundare maluerit? Nam qui vello ejus, ac munimine continetur, nullus metus est, ne exsul esse mereatur. At quisquis inhabitare eam velle desierit, pariter desinit etiam mereri. Itaque non tam  
me

me loci hujus ; quam tua facies mover.  
Nec bibliothecæ potius , comptos ebore,  
ac vitro parietes, quam tuæ mentis sedem  
requiro. In qua non libros, sed id quod libris  
pretium facit, librorum quondam meo-  
rum sententias collocavi. Et tu quidem de  
tuis in commune bonum meritis vera qui-  
dem, sed pro multitudine gestorum tibi,  
pauca dixisti: De objectorum tibi vel hone-  
state vel falsitate, cunctis nota memora-  
sti. De sceleribus fraudibusque delatorum  
recte tu quidem strictim attingendum putasti,  
quod ea melius uberiusque recognoscentis  
omnia vulgi ore celebrentur. Increpui-  
sti etiam vehementer injusti factum Senatus  
De nostra etiam criminatione doluisti, læsæ-  
que opinionis damna fleuisti. Postremus ad-  
versus fortunam dolor incanduit, conque-  
stusque es non æqua meritis præmia pensari.  
In extremo Musæ sævientis, uti quæ cælum,  
terras quoque pax regeret vota posuisti.  
Sed quoniam plurimus tibi affectuum tu-  
multus incubuit, diversumque te dolor,  
ira, mœror distrahunt, sicuti nunc mentis  
es, nondum te validiora remedia contingunt.  
Itaque lenioribus paulisper utemur ut quæ

in tumorem perturbationibus influentibus  
induruerunt, ad acrioris vim medicami-  
nis recipiendam, tactu biandiore molle-  
scant.

## METRUM VI.

Cum Phœbi radiis grave  
Cancris sidus inæstuat;  
Tum qui larga negantibus  
Sulcis semina credidit,  
Elusus Gereris fide,  
Quernas pergit ad arbores  
Nunquam purpureum nemus  
Lecturus violas petas,  
Cum sævis Aquilonibus  
Stridens campus inhorruit.  
Nec queras avida manu  
Vernos stringere palmites,  
Vivis si libeat frui;  
Autumno potius sua  
Bacchus munera contulit.  
Signat tempora propriis  
Apertans officiis Deus;  
Nec quas ipse coercuit,  
Misceri patitur vices,  
Sic quod præcipiti via

Certum

*Certum deserit ordinem,  
 Latos non habet exitus.*

## P R O S A VI.

P R I M V M igitur paterisne me pauculis roagationibus statum tuæ mentis attingere, atque tentare; ut qui modus sit tuæ curationis intelligam? Tu vero arbitrato, inquam, tuo quæ voles, ut responsurum rogato. Tum illa, Huncceine, inquit mundum temerariis agi, fortuitisque casibus putas? an ullum credis ei inesse regimen rationis? Atqui, inquam, nullo existimaverim modo, ut fortuita temeritate tam certa moveantur. Verum operi suo conditorem præsidere Deum scio: nec unquam fuerit dies, qui me ab hac sententiæ veritate depellat. Ita est, inquit. Nam id etiam paullo ante cecinisti, hominesque tantum divinæ exsortes curæ esse deplorasti. Nam de ceteris, quin ratione regerentur, nihil movebare. Papæ autem vehementer admiror, cur, in tam salubri sententia locutis, ægrotes. Verum altius perscrutemur, nescio, quid abesse coniecto. Sed dic mihi, quoniam à Deo mundum regi non ambigis, quibus

Quibus etiam gubernaculis regatur advertis  
Vix, inquam, rogationis tuæ sententiam no-  
sco, nedum ad inquisita respondere queam.  
Num me, inquit, fefellit abesse aliquid per  
quod, velut hiantē valli robore, in animum  
tuum perturbationum morbus irrepperit? Sed  
dic mihi, meministine, quis sit rerum finis?  
quoque totius naturæ tendat intentio? Au-  
dieram, inquam, sed memoriam maior  
hebetavit. At qui scis, unde cuncta processe-  
rint? Novi, inquam, Deumque esse respondi.  
Et qui fieri potest, ut principio cognito,  
quis sit rerum finis ignores? Verum hi per-  
turbationum mores sunt, ea valentia est, ut  
movere quidem loco hominem possint; con-  
vellere autem, sibi que totum extirpare  
non possint. Sed hoc quoque respondeas  
velim. hominemne te esse meministi?  
Quid ni, inquam, meminerim? Quid igi-  
tur homo sit, poterisne proferre? Hoccine  
interrogas, an esse me sciam rationale animal,  
atque mortale? Scio, & id me esse confiteor.  
Et illa? Nihilne aliud esse novisti? Nihil.  
Jam scio morbi tui, inquit, aliam vel ma-  
ximam causam; quid ipse sis nosse desisti.  
Quare plenissime vel ægitudinis tuæ ratio-

nem



nem, vel aditum reconciliandæ sospitatis inveniri. Nam quoniam tui oblivione confundere, et exsulem, & expoliatum propriis bonis esse doluisti. Quoniam vero, quis sit rerum finis, ignoras, nequam homines, atque nefarios, potenteis, felicesque arbitraris. Quoniam vero quibus gubernaculis mundus regatur oblitus es, has fortunarum vices existimas sine rectore fluitare. Magnæ non ad morbum modo, verum ad interitum quoque causæ. Sed sospitatis auctori grates quod te nondum totum natura destituit. Habemus maximum tuæ fomitem salutis, veram de mundi gubernatione sententiam, quod eam non casuum temeritati, sed divinæ rationi subditam credis. Nihil igitur pertimescas. Jam tibi ex hac minima scintillula vitalis calor illuxerit. Sed quoniam firmioribus remediis nondum tempus est uti, & eam mentium constat esse naturam, ut quoties abjecerint veras, falsis opinionibus induantur, ex quibus orta perturbationum caligo verum illum confundit intuitum; hanc paulisper lenibus, mediocribusque fomentis attenuare tentabo, ut dimotis fallaciarum affectionum tenebris splendorem veræ lucis possis agnoscere.

M E.

## METRUM VII.

NVBIBVS atris,

Conditam nullum

Fundere possunt

Sidera lumen.

Si mare volvens

Turbidus Auster

Misceat aestum.

Vitrea dudum,

Parque serenis

Vnda diebus,

Mox resoluta

Sordida ceno

Visibus obstat.

Quique vagatur

Montibus altis

Defluns amnis,

Sæpe resistit

Rupe soluti

Obiice saxi.

Tu quoque si vis

Lumine claro

Cernere verum,

Tramite recto

Carpere callem :

Gaudia pelle,

Pelle timorem ;

Spem

*Spemque fugato,  
Nec dolor adsit.  
Nubila mens est.  
Vinctaque frenis,  
Hæc ubi regnant.*

## L I B E R   S E C V N D V S.

## P R O S A   I.

**P**ost hæc paulisper obticuit : atque ubi attentionem meam modesta taciturnitate collegit sic exorsa est. Si penitus ægritudinis tuæ causas habitumque cognovi, fortunæ prioris affectu desiderioque tabescis : ea tantum animi tui statum, sicuti tu tibi fingis, mutata pervertit. Intelligo multiformeis illius prodigii fucos ; & eo usque cum iis, quos eludere nititur, blandissimam familiaritatem exercet, dum intollerabili dolore confundat, quos insperata reliquerit, cujus si naturam, mores ac meri um reminiscare, nec habuisse te in ea pulchrum aliquid, nec amisisse cognosces. Sed ut arbitror, haud multum tibi hæc in memoriam revocare laboraverim. Solebas enim præsentem quoque blandientemque virilibus incessere verbis ; eamque de nostro adyto prolatis insectabare sententiis, Verum omnis subita  
mutatio

mutatio rerum non sine quodam quasi fluctu contingit animorum. Sic factum est, ut tu quoque paulisper à tua tranquillitate discesseris. Sed tempus est, haurire te aliquid ac degustare molle, atque jucundum, quod ad interiora transmissum validioribus haustibus viam fecerit. Adsit igitur rhetorica suadela dulcedinis quæ tunc tantum recto calle procedit, cum nostra instituta non deserat; cumque hac Musica Laris nostri vernula nunc leviores, nunc graviores modos succinat. Quid est igitur o homo, quod te in maritiam, luctumque deiecit? novum credo aliquid, inusitatumque vidisti. Tu, si fortunam putas erga te esse mutatam, erras. Hi semper ejus mores sunt, hæc natura est. Servavit circa te propriam potius in ipsa sui mutabilitate constantiam Talis erat, cum blandiebatur, cum tibi falsæ illecebris felicitatis alluderet, Deprehendisti cæci Numinis ambiguos vultus. Quæ sese adhuc velat aliis, tota tibi prorsus innotuit. Si probas, utere moribus, ne queraris. Si perfidiam perhorrescis, sperne atque abjice perniciose alludentem. Nam quæ nunc maroris tibi causa tanti est, hæc eadem tranquillitatis esse debuisset. Reliquit enim te, quam  
non

non relicturam nemo unquam poterit esse securus. An vero tu pretiosam æstimas abituram felicitatem? & cara tibi est fortunapræsens, nec manendi fida, & cum discesserit allatura maiorem? Quod si nec arbitrio retineri potest, & calamitosos fugiens facit? quid est aliud fugax, quam futuræ quoddam calamitatis, indicium? Neque enim quod ante oculos situm est, suffecerit intueri Rerum exitus prudentia metitur eademq; in alterutro mutabilitas, nec formidandas fortunæ minas, nec exoptandas facit esse blanditias. Postremo æquo animo tolere oportet, quidquid intra fortunæ aream geritur, cum semel iugo ejus colla submiseris. Quod si manendi, abeundiq; scribere legem velis ei quam tu dominā sponte elegisti, nonne injurius fueris: & impatientia tua sortem exa cerbabis, quam permutare non possis? Si ventis vela committeres, non quo voluntas peteret, sed quo flatus impelleret, promovereris. Si arvis semina crederes, feraces inter se annos, sterileisque pensares. Fortunæ te regendum dedisti, domine moribus oportet obtemperes. Tu vero volventis rotæ impetum retinere conaris? At omnium mortalium stolidissime, si manere incipit, fors esse desistit.

M E.

## M E T R U M I.

*Hæc cum superba verterit vices dextra,  
 Et æstuantis more fertur Euripi,  
 Dudum tremendos sæva poterit reges,  
 Humilemque victi subleuat fallax vultum;  
 Non illa miseros audit, haud curat fletus;  
 Vltroque gemitus, dura quos fecit, ridet.  
 Sic illa ludis, sic suas probat vires,  
 Magnumque suis monstrat ostentum, si quis  
 Visatur una stratus ac felix hora.*

## P R O S A I I.

VELLEM autem puces tecum fortunæ  
 ipsius verbis agitare. Tu igitur an jus postulet,  
 animadverte. Quid tu ô homo ream me quo-  
 tidianis agis querelis. Quam tibi fecimus  
 injuriam? Quæ tua tibi detraximus bona?  
 Quo vis iudice de opum, dignitarumque me-  
 cum possessione contende. Et si cuiusquam  
 mortalium proprium quid horum esse mon-  
 straveris ego jam tua fuisse quæ repetis, sponte  
 concedam. Cum te matris ex utero natura  
 produxit, nudum rebus omnibus, inopem-  
 que suscepi, meis opibus fovi, & quod te  
 nunc impatientem nostri facit, favore prona  
 indulgentius educavi, & omnium, quæ mei  
 sunt

sunt juris affluentia, & splendore circumde-  
di. Nunc mihi retrahere manum libet; ha-  
be gratiam, velut usus alienis. Non habes  
jus querelæ, tanquam tua prorsus perdideris.  
Quid ergo ingemiscis? nulla tibi à nobis illa-  
ta est violentia. Opes, honores, ceteraque  
talium mei sunt juris. Dominam famulæ co-  
gnoscent: mecum veniunt, me abeunte dis-  
cedunt. Audacter affinitatem, si tua forent,  
quæ amissa conquereris, nullo modo perdi-  
disses. An ego sola meum jus exercere prohi-  
beor? Licet cælo proferre lucidos dies, eos-  
demque tenebrosis noctibus condere. Licet  
anno terræ vultum nunc floribus frugibusque  
redimire, nunc nimbis, frigoribusque confun-  
dere. Jus est mari, nunc strato æquore blan-  
diri, nunc procellis, ac fluctibus inhorrescere.  
Nos ad constantiam nostris moribus alienam  
inexpleta hominum cupiditas alligabit? Hæc  
nostra vis est, hunc continuum ludum lu-  
dimus. Rotam volubili orbe versamus, in-  
fima summis, summa infimis mutare gau-  
demus. Adscende si placet, sed ea lege, ne uti,  
cum ludicri mei ratio posceret, descendere  
injuriam putes. An tu mores ignorabas  
meos? Nesciebas Croesum regem Lydorum,

Cyro paullo ante formidabilem mox deinde  
 miserandum rogi flammis traditum, misso  
 calitus imbre defensum? Nū te præterit Paul-  
 lum Persi regis à se capti calamitatibus pias  
 impendisse lacrymas? Quid tragoediarum cla-  
 mor aliud deflet, nisi indiscreto ictu fortunam  
 felicia regna vertentē? Nonne adolescentulus  
 οὐ τοὺς πίθους, τὸν μὲ ἕνα κακῶν, τὸν  
 δὲ ἑπερον καλῶν in Jovis limine facere  
 didicisti? Quid si uberius de bonorum parte  
 sumisti? quid si à te non tora discessi? quid  
 si hæc ipsa mei mutabilitas justa tibi causa  
 est sperandi meliora! Tamen ne animo con-  
 tabescas, & intra commune omnibus regnum  
 locatus, proprio jure vivere desideres.

## M E T R U M II.

*Si quantus rapidis flatibus intitus  
 Pontus versat arenas,  
 Aut quot stelliferis edita noctibus  
 Cælo sydera fulgent:  
 Tantas fundat opes nec retrahat manum.  
 Pleno copia cornu.  
 Humanum miseras haud ideo genus  
 Cesset flere querelas.*

Quant



*Quamvis vota libens excipiat Deus  
Multi prodigus auri,  
Et claris avidos ornet honoribus,  
Nil jam parva videntur :  
Sed quæ sita vorans sæva rapacitas  
Alios pandit hiatus.  
Quæ jam præcipientem frena Cupidinem  
Certo sine retentent,  
Largis cum potius muneribus fluens  
Sitis ardescit habendi ?  
Nunquam dives agit qui trepidus gemen  
Sese credit egentem.*

## P R O S A    I I I .

HIS igitur si pro se tecum fortuna loqueretur, quid profecto contra hisceres non haberes. At si quid est, quo querelam tuam iure tuearis, proferas oportet; dabimus dicendi locum. Tum ego: Speciosa quidem ista sunt, inquam oblitaque rhetoriæ, ac musicæ melle dulcedinis; tum tantum, cum audiuntur, ablectant. Sed miseris malorum altior sensus est. Itaque cum hæc auribus insonare desierint, infusus animum maior prægravat. Et illa Ita est, inquit. Hæc enim nondum morbi tui remedia, sed adhuc contuma-

cis adversus curationem doloris fomenta quædam sunt. Nam quæ in profundum sese penetrent, cum tempestivum fuerit, admovebo. Verum tamen ne te miserum existimari velis, an numerum modumque tuæ felicitatis oblitus es? Taceo quod desolatum parente, summorum te virorum cura suscepit, delectusque in affinitatem principum civitatis, quod pretiosissimum propinquitatis genus est, prius carus, quam proximus esse coepisti. Quis non te felicissimum cum tanto splendore socerorum, cum conjugis pudore, tum masculæ quoque prolis opportunitate prædicavit? Prætereo (libet enim præterire communia) sumtas in adolescentia negatas senibus dignitates: ad singularem felicitatis tuæ cumulum venire delectat. Si quis rerum mortalium fructus ullum beatitudinis pondus habet, poteritne illius memoria lucis, quantalibet ingruentiam malorum mole dele-  
ri? cum duos pariter consules liberos tuos domo provehi, sub frequentia patrum, sub plebis alacritate vidisti; cum eisdem in curia curules insidentibus, tu regiæ laudis orator, ingenii gloriam, facundiaque mervisti: cum in circo duorum medius consulum circumfusa mul-

multitudinis expectationem, triumphali largitione satiasti. Dedisti, ut opinor verba fortunæ, dum te illa demulcet, dum te, ut suas delicias, fovet. Munus, quod nulli unquam privato commodaverat, abstulisti. Vine igitur cum fortuna calculum ponere? Nunc te primum liventi oculo præstrinxit. Si numerum, modumque lætorum tristiumve consideres, adhuc te felicem negare non possis. Quod si idcirco te fortunatum esse non existimas, quoniam quæ tunc læta videbantur, abierunt, non est quod te miserum putes, quoniam quæ nunc mæsta creduntur, prætereunt. An tu in hanc vitæ scenam nunc primum subitus, hospesque venisti? ullamne humanis rebus inesse constantiam reris; cum ipsum sæpe hominem velox hora dissolvat? Nam etsi rara est fortuitis manendi fides, ultimus tamen vitæ dies mors quædam fortunæ est etiam manentis. Quid igitur referre putas? Tunc illam moriendo deseras, illa ante fugiendo?

## M E T R U M    I I I.

*Cum polo Phæbus roseis quadrigis  
Lucem spargere cæperit,*

C 3

Pallet

Pallet albenteis hebetata vultus  
 Flammi stella prementibus.  
 Cum nemus flatu Zephyri tepentis  
 Vernis irrubuit rosis.  
 Spiret insanum nebulosus Auster,  
 Iam spinis abeat decus.  
 Sæpe tranquillo radiat sereno.  
 Immotis more fluctibus.  
 Sæpe ferventeis Aquilo procellas  
 Verso concitat æquore.  
 Rara si constat sua forma mundo,  
 Si tantas variat vices,  
 Crede fortunis hominum caducis,  
 Bonis crede fugacibus.  
 Constat, æterna positumque lege est,  
 Ut constet genitum nihil.

## P R O S A IV.

TUM ego, Vera, inquam, commemoro-  
 ras ô virtutum omnium nutrix, nec inficiari  
 possum prosperitatis meæ velocissimum cur-  
 sum. Sed hoc est, quod recolentem me ve-  
 hementius coquit. Nam in omni adversita-  
 te fortunæ infelicissimum genus est infortu-  
 nii, fuisse felicem. Sed quod tu, inquit, falsæ  
 opinionis supplicium luis, id rebus jure impu-  
 rare

tare non possis. Nam si te hoc inane nomen  
fortuitæ felicitatis mover, quam plurimis  
maximisque abundes, tecum reputes licet.  
Igitur si quod in omni fortunæ censu præcio-  
sissimum possidebas, id tibi divinitus illa-  
sum adhuc, inviolatumque servatur, poteris-  
ne meliora quæque retinens, de infortunio  
jure causari? Atqui viget incolumis illud præ-  
tiosissimum generis humani decus, Symma-  
chus, socer; & quod vitæ pretio non segnis  
emeret, vir totus ex sapientia, virtutibusque  
factus, suarum securus, tuis ingemiscit in-  
juriis. Vivit uxor ingenio modesta, pudici-  
tiæ pudore præcellens, & ut omneis ejus do-  
tes breviter includam, patri similis. Vivit,  
inquam, tibi que tantum vitæ hujus exosa  
spiritum servat. Quo uno felicitatem minui  
tuam, vel ipsa concesserim, tui desiderio la-  
crymis ac dolore tabescit. Quid dicam libe-  
ros consulares, quorum jam, ut in id ætatis  
pueris, vel aviti, vel paterni specimen elu-  
cet ingenii? Cum igitur præcipua sit morta-  
libus vitæ cura retinendæ, ô te, si tua bona  
cognoscas, felicem, cui suppetunt etiam  
nunc, quæ vita nemo dubitat esse cariore.  
Quare sicca jam lacrymas. Nondum est ad

unum omneis exosa fortuna , nec tibi nimium valida tempestas incubuit ; quoniam tenaces hærent ancoræ , quæ nec præsentis solamen , nec futuri spem temporis abesse patiantur. Et hæreant , inquam , precor : illis namque manentibus , utcumque se res habeant , enarabimus. Sed , quantum ornamenti nostris decesserit , vides. Et illa , promovimus , inquit , aliquantulum , si te nondum totius tuæ fortis piget. Sed delicias tuas ferre non possum , qui abesse aliquid tuæ beatitudini tam luctuosus , atque anxius conqueraris. Quis est enim tam compositæ felicitatis , ut non aliqua ex parte cum status sui qualitate rixetur ? Anxia enim res est humanorum conditio bonorum , & quæ vel nunquam tota proveniat , vel nunquam perpetua subsistat. Huic census exuberat , sed est pudori degener sanguis. Hunc nobilitas notum facit , sed angustia rei familiaris inclusus , esse mallet ignorus. Ille utroque circumfluit vitam calibem deflet. Ille nuptiis felix , orbus liberis , alieno censum vitrit hæredi. Alius prole latus , filii , filixve delictis mæstus illacrymat. Idcirco nemo facile cum fortunæ suæ conditione concordat. In est enim singulis , quod in-

ex-

expertus ignoret, expertus exhorreat. Adde quod felicissimi cuiusque delicatissimus sensus est, &, nisi ad nutum cuncta suppetant, omnis adversitatis insolens, minimis quibusque prostermitur; adeo perexigua sunt, quæ fortunatissimis beatitudinis summam detrahunt. Quam multos esse conjectas, qui sese cælo proximos arbitrentur, si de fortunæ tur-  
p reliquiis pars eis minima contingat? Hic ipse locus, quem tu exsiliū vocas, incolentibus patria est. Adeo nihil est miserum, nisi cum pures; contraque beata fors omnis est æquanimitate tolerantis. Quis est ille tam felix, qui cum dederit impatientiæ manus, statum suum mutare non optet? Quam multis amaritudinibus humanæ felicitatis dulcedo respersa est! quæ si etiam fruenti jucunda esse videatur, tamen, quo minus, cum velit, abeat, retineri non possit. Liquet igitur quam sit mortalium rerum misera beatitudo, quæ nec apud æquanimos perpetua perdurat, nec anxios tota delectat. Quid igitur ô mortales extra petitis intra vos positam felicitatem? Error vos, insciriæque confundit. Ostendam breviter tibi summæ cardinem felicitatis, Estne aliquid tibi teipso preciosius? Nihil, In-  
quies

quies. Igitur si tui compos fueris, possidebis quod nec tu unquam amittere velis, nec fortuna possit auferre. Atque ut agnoscas in his fortuitis rebus beatitudinem constare non posse, sic collige. Si beatitudo est summum naturæ bonum ratione degentis, nec illud est summum bonum, quod eripi ullo modo potest: quoniam præcellit id, quod nequeat auferri manifestum est, quod ad beatitudinem percipiendam fortunæ instabilitas aspirare non possit. Ad hæc, quem caduca ista felicitas vehit, vel scit eam, vel nescit esse mutabilem. Si nescit, quænam beata sors esse potest ignorantix in cæcitate? Si scit, metuar necesse est, ne amittat, quod amitti posse non dubitat; quare continuus timor non finit esse felicem. An si amiserit, negligendum putat? Sic quoque perexile bonum est, quod æquo animo feratur amissam. Et quoniam tu idem es, cui persuasum esse, atque insitum permultis demonstrationibus scio, menteis hominum nullo modo esse mortaleis: cumque sit clarum fortuitam felicitatem corporis, morte finiri dubitari nequit. si hæc asserere beatitudinem non potest, quin omne mortalium genus in miseriam,  
mortis



mortis fine, labatur. Quod si multos scimus  
beatitudinis fructum non morte solum, ve-  
rum etiam doloribus suppliciiisque quæsisse,  
quonam modo præsens vita facere beatos po-  
test, quæ miseros transacta non efficit?

## M E T R U M IV.

*Quisquis volet perennem  
Cautus ponere sedem,  
Stabilisque nec sonori  
Sterni flatibus Euri,  
Et fluctibus minantem  
Curat spernere Pontum,  
Montis cacumen alti  
Bibulas vitet arenas.  
Illud protervus Auster  
Totis viribus urget.  
Hæ pendulum solutz  
Pondus ferre recusant.  
Fugiens periculosam  
Sortem sedis amænz,  
Humili domum memento  
Certus figere saxo.  
Quamvis tonet ruinis  
Miscens æquora ventus*

*Tu conditus quieti  
Felix robore valli,  
Ducis serenus ævum.  
Ridens ætheris iras.*

## P R O S A V.

SED quoniam rationum jam in te mearum fomenta descendunt, paulo validioribus utendum puto. Age enim, si jam caduca, & momentanea fortunæ dona non essent, quid in eis est, quod aut vestrum umquam fieri queat, aut non perspectum, consideratumque vilescat? Divitiæne vel vestri, vel sui natura præciosæ sunt? Quid earum potius? aurumne, an vis congestæ pecuniæ? Atqui hæ effundendo magis, quam coacervando melius nitent: siquidem avaritia semper odiosos, clara largitas facit. Quod si manere apud quemquam non potest, quod transferatur in alterum: tunc est præciosa pecunia, cum translata in alios largendi usu desinit possideri. At eadem si apud unum, quanta est ubique gentium congeratur, cæteros sui inopes fecerit. Et vox quidem tota pariter multorum replet auditum: vestræ vero divitiæ, nisi comminutæ, in plures transire non possunt,

sunt, quod cum factum est, pauperes necesse est faciant, quos relinquunt. O igitur angustas, inopesque divitias, quas nec habere totas pluribus licet, & ad quemlibet sine ceterorum paupertate non veniunt. An gemmarum fulgor oculos trahit? Sed si quid est in hoc splendore præcipui, gemmarum est lux illa, non hominum: quas quidem mirari homines vehementer admiror. Quid est enim carens animæ motu, atque membrorum compage, quod animæ, rationabilique naturæ pulchrum esse jure videatur? Quæ tamen si conditoris sunt opera, sui que distinctione postremæ aliquid pulchritudinis trahunt, infra vestram tamen excellentiam collocatæ, admirationem vestram nullo modo merebantur. An vos agrorum pulchritudo delectas? Quid ni? Est enim pulcherrimi operis pulchra portio. Sic quondam sereni maris facie gaudemus: sic cælum, sidera, Solem, Lunamque miramur. Num te horum aliquid attingit, num audes alicujus talium splendore gloriari? An vernis floribus ipse distingueris? aut tua in æstivos fructus intumescit ubertas? Quid inanibus gaudiis raperis? quid externa bona pro tuis amplexaris? Numquam tua faciet

ciet esse fortuna, quæ à te natura rerum fecit aliena. Terrarum quidem fructus, animantium proculdubio debentur alimentis. Sed si, quod naturæ satis est, replere indigentiam velis, nihil est quod fortunæ affluentiam petas. Paucis enim minimisque natura contenta est: cuius satietatem si superfluis urgere velis, aut injucundum, quod infuderis, fiet, aut noxium. jam vero pulcrum variis fulgere vestibis putas: quarum si grata intuitu species est, aut materiz naturam, aut ingenium mirabor artificis. An vero longus ordo famulorum facit esse felicem? Qui si vitiosi moribus sunt, perniciofa domus sarcina, & ipsi domino vehementer inimici: sin vero probi, quonam modo in tuis opibus aliena probitas numerabitur? Ex quibus omnibus nihil horum, quæ in tuis computas bonis, tuum esse bonum liquido monstratur. Quibus si nihil inest appetendæ pulchritudinis, quid est, quod vel amissis doleas, vel læteris retentis! Quod si natura pulchra sunt, quid id tua refert? Nam hæc per se à tuis quoq; opibus sequestrata placuissent. Neque enim idcirco sunt pretiosa, quod in tuas venire divitias: sed quoniam pretiosa videban-

tur, tuis ea divitiis annumerare maluisti. Quid autem tanto fortunæ strepitu desideratis? Fugare, credo, indigentiam copia quæritis. Atqui hoc vobis in contrarium cedit. Pluribus quippe adminiculis opus est ad tuendam prætiosæ suppellectilis varietatem, verumque illud est, permultis indigere eos, qui permulta possideant: contraque minimo, qui abundantiam suam naturæ necessitate, non ambitus superfluitate meriantur. Itane autem nullum est proprium vobis atque insitum bonum, ut in externis, ac sepositis rebus bona vestra quæritis? Sic rerum versa conditio est, ut divinum merito rationis animal, non aliter sibi splendere, nisi inanimatæ suppellectilis possessione videatur? Et alia quidem suis contenta sunt: vos autem Deo mente consimiles, ab rebus infimis excellentis naturæ ornamenta captatis: nec intelligitis quantam conditori vestro faciat injuriam. Ille genus humanum terrenis omnibus præstare voluit: vos dignitatem vestram infra infima quæque dertuditis. Nam si omne cuiusque bonum, eo cuius est, constat esse preciosius, cum vilissima rerum vestra bona esse judicatis, eisdem vosmetipsos vestra æstima-

æstimatione summittitis : quod quidem hand immerito cadit. Humanæ quippe naturæ hæc conditio est , ut cum tantum cæteris rebus , cum se cognoscit , excellat : eadem tamen infra bestias redigatur , si se nosse desierit. Nam ceteris animantibus sese ignorare , natura est ; hominibus verò , vitio venit. Quam vero late patet vester hic error, qui ornari posse aliquid ornamentis existimatis alienis ? At id fieri nequit : Nam si quid ex appositis luceat , ipsa quidem, quæ sunt apposita, laudantur ; illud vero his tectum , atque velatum in sua nihilominus foeditate perdurat. Ego vero nego illud esse bonum , quod noceat habenti. Num id mentior ? Minime, inquires. Atqui divitiæ possidentibus sæpe nocuerunt , cum pessimus quisque , eoque alieni magis avidus, quidquid usquam auri, gemmarum est , se solum, qui habeat, dignissimum putat. Tu igitur , qui nunc contum , gladiumque sollicitus pertimescis , si vitæ hujus callem vacuus viator intrasses, coram latrone cantares. O præclara opum mortalium beatitudo , quam cum adeptus fueris, securus esse desisti !

M E T R U M V.

*Felix nimium prior ætas.  
Contenta fœdelibus arvis,*

*Nec*

Nec inerti perdita luxu ;  
 Facili quæ sera solebat  
 Iejunia solvere glande.  
 Nec Bacchica munera norat  
 Liquido confundere melle.  
 Nec lucida vellera Serum  
 Tyrio miscere veneno.  
 Somnos dabat herba salubreis :  
 Potum quoque lubricus amnis ;  
 Umbras altissima pinus ;  
 Nondum maris alta secabat ,  
 Nec mercibus undique lectis  
 Nova litora viderat hospes.  
 Tunc classica sava tacebant ,  
 Odis neque fusus acerbis  
 Cruor horida tinxerat arma.  
 Quid enim furor hostibus ulla  
 Vellet prior arma movere ,  
 Cum vulnera sava videret ,  
 Nec præmia sanguinis ulla ?  
 Vinam modo nostra redirent  
 In mores tempora priscos ,  
 Sed serior ignibus ætæ  
 Fervens amor ardet habendi ,  
 Heu , quis primus fuit ille ,  
 Auri qui pondera tecti ,

D

Gemmaſque

Nec

*Germanique latere volenteis,  
Preciosa pericula fodit?*

## P R O S A VI.

Q V I D autem de dignitatibus, potentia-  
que differam, quas vos veræ dignitatis ac  
potestatis inscitæ cœlo exequatis? Quæ si in  
improbissimum quemque ceciderint, quæ in-  
cendia flammis Ætæ eructantibus, quod dî-  
luvium tantas strages dederit? Certe, uti me-  
minisse te arbitror, consulare imperium, quod  
libertatis principiū fuerat, ob superbiam con-  
sulum vestri veteres abolere cupierunt: qui  
ob eandem superbiam prius regium de civi-  
tate nomen abstulerant. At, si quando, quod  
perrarum est, probis honores deferantur, quid  
in eis aliud, quam probitas utentium, placet?  
Ita fit, ut non virtutibus ex dignitate, sed ex  
virtute dignitatibus honor accedat. Quæ vero  
est ista vestra expetibilis, ac præclara potentia?  
Nonne ô terrena animalia consideratis, qui-  
bus præsidere videamini? Nam si inter mures  
videris unum aliquem jus sibi, ac potestatem  
præ cæteris vindicantem; quanto movereris  
cachinno? Quid vero, si corpus spectes,  
imbecillius homine reperire queas, quos saepe  
muscu-



muscularum quoque vel morsus, vel in secreta quæque reptantium necat introitus? Quo vero quisquam jus aliquod in quempiam nisi in solum corpus, & quod infra corpus est fortunam loquor, possit exercere? Num quidquam unquam libero imperabis animo? num mentem firma sibi ratione coherentem de statu propriæ quietis amovebis? Cum liberum quendam virum suppliciis se tyrannus additurum putaret, ut adversum se factæ conjurationis conscios proderet, linguam ille momordit atque abscidit, & in os tyranni sævientis abjecit: ita cruciatus, quos putabat tyrannus materiam crudelitatis, vir sapiens fecit etiam virtutis. Quid autem est, quod in alium quisquam facere possit, quod sustinere ab alio ipse non possit? Busiridem accepimus necare hospites solitum, ab Hercule hospite fuisse mactatum. Regulus plures Pœnorum bello captos in vincula conjecerat: sed mox ipse victorum catenis manus præbuit. Ullamne igitur ejus hominis potentiam putas, qui, quod ipse in alio potest, ne id in se alter valeat efficere non possit? Adhæc, si ipsis dignitatibus ac potestatibus inesset aliquid naturalis ac proprii boni nunquam pessimis proveni-

rent. Neque enim sibi solent adversa sociari. Natura respuit, ut contraria quæque jungantur. Ita cum pessimos plerumque dignitatibus fungi dubium non sit, illud etiam liquet, natura sui bona non esse, quæ se pessimis hære patiantur. Quod quidem de cunctis fortunæ muneribus dignius existimari potest, quæ ad improbissimum quemquam uberiora proveniunt. De quibus etiam illud considerandum puto, quod nemo dubitat esse fortem, cui fortitudinem inesse conspexerit: & cuicumque velocitas adest, manifestum est, esse velocem. Sic musica quidem musicos, medicina medicos, rhetorica rhetores facit. Agit enim cuiusque rei natura, quod proprium est. nec contrariarum rerum miscetur effectibus, sed ultro quæ sunt adversa, depellit. Atqui nec opes inexpletam restinguere avaritiam queunt, nec potestas sui compotem fecerit, quem vitiosæ libidines insolubilibus adstrictum retinent catenis, & collata improbis dignitas, non modo non efficit dignos, sed prodit potius, & ostendat indignos. Cur ita provenit? Gaudetis enim sese res aliter habentes falsis compellare nominibus, quæ facile ipsarum rerum redarguuntur effectus: itaq; nec illæ divitiæ, nec illa potentia,

potentia, nec hæc dignitas jure appellari potest. Postremo idem de tota fortuna concludere licet, in qua nihil expetendum, nihil nativæ bonitatis inesse manifestum est: quæ nec se bonis semper adjungit; & bonos, quibus fuerit adjuncta non efficit.

## M E T R V M VI.

*Novimus quantas dederit ruinas,  
Urbe flammata, patribusque caesis,  
Fratre qui quondam ferus interemto,  
Matris effuso maduit cruore;  
Corpus & visu gelidum pererrans,  
Ora non tixit lacrymis, sed esse  
Censor extincti potuit decoris.  
Hic tamen sceptro populos regebat,  
Quos videt condens radios sub undas  
Phæbus extremo veniens ab ortu;  
Quos premunt septem gelidi triones,  
Quos Notus sicco violentus æstu  
Torret, ardenteis recoquens arenas.  
Celsa num tandem voluit potestas  
Vertere insani rabiem Neronis?  
Heu gravem sortem, quoties iniquus  
Additur sævo gladius veneno!*

## P R O S A VII.

**T V M** ego Scis, inquam, ipsa minimum  
nobis

nobis ambitionem mortalium rerum fuisse dominatam: sed materiam gerendis rebus opravimus, quo ne virtus tacita consenesce-  
ret. Et illa: Atqui hoc unum est, quod præ-  
stantes quidem natura mentes, sed nondum  
ad extremam manum virtutum perfectione  
perductas allicere possit, gloriæ scilicet cupi-  
do, optimorum in rempublicam fama meri-  
torum: quæ quam sit exilis & totius ponderis  
vacua, sic considera. Omnem terræ ambitum,  
sicuti astrologicis demonstrationibus acce-  
pisti, ad cæli spatium, puncti constat obtinere  
rationem; id est, ut si ad cælestis globi magni-  
tudinem conferatur, nihil spatii prorsus ha-  
bere judicetur. Hujus igitur tam exiguæ in  
mundo regionis quarta fere portio est, sicut  
Ptolomæo probante didicisti, quæ à nobis co-  
gnitis animantibus incolatur. Huic quartæ,  
si quantum maria, paludesque premunt, sit  
vasta regio distenditur, cogitatione subtraxe-  
ris vix angustissima inhabitandi hominibus  
area relinqueretur. In hoc igitur minimo puncti  
quodam puncto circumsepti, atque conclu-  
si, de pervulganda fama, de proferendo nomi-  
ne cogitatis? At quid habet amplum, magni-  
ficumque gloria, tam angustis exiguisque  
limitibus

limitibus arctata? Adde quod hoc ipsum brevis habitaculi septum plures incolunt nationes, lingua, moribus, totius viræ ratione distantes: ad quas tum difficultate itinerum, tum loquendi diversitate, tum commercii insolentia, non modo fama hominum singulorum, sed ne urbium quidem pervenire queat. Ætate denique Marci Tullii, sicut ipse quodam loco significat, nondum Caucasum montem Romanæ reipublicæ fama transcenderat, & erat tunc adulta, Parthis etiam, ceterisque id locorum gentibus formidolosa. Videsne igitur quam sit angusta, quam compressa gloria, quam propagare ac dilatare laboratis? An ubi Romani nominis transire fama nequit, Romani hominis gloria progredietur? Quid, quod diversarum gentium mores inter se, atque instituta discordant, ut quod apud alios laude, apud alios supplicio dignum iudicetur. Quo sit, ut si quem famæ prædicatio delectat, huic, in plurimos populos nomen proferre, nullo modo conducatur. Erit igitur pervagata inter suos gloria quisque contentus, & intra unius gentis terminos præclara illa famæ immortalitas coarctabitur. Sed quam multos clarissimos suis temporibus viros scri-

ptorum inops delevit oblivio, Quamquam quid ipsa scripta proficiunt, quæ cum suis auctoribus premit longior, atque obscura vetustas? Vos autem immortalitatem vobis propagare videmini, cum futuri famam temporis cogitaris. Quod si ad æternitatis infinita spatia pertractes, quid habes, quod de tui nominis diuturnitate læteris? Vnius enim mora momenti, si decem millibus conferatur annis, quoniam utrumque spatium definitum est, minimam licet, habet tamen aliquam portionem. At hic ipse numerus annorum, ejusque quantumlibet multiplex, ad interminabilem diuturnitatem ne comparari quidem potest. Etenim finitis ad se invicem fuerit quædam: infiniti vero, atque finiti, nulla unquam poterit esse collatio. Ita fit, ut quamlibet prolixi temporis fama, si cum inexhausta æternitate cogitetur, non parva, sed plane nulla esse videatur. Vos autem nisi ad popularis auras, inanisque rumores, recte facere nescitis, & relicta conscientia, virtutisque præstantia de alienis præmiis sermunculis postulatis. Accipe in hujusmodi arrogantia levitate quam festive aliquis alluserit. Nam cum quidam adortus esset hominem contumellis, qui

qui non ad veram virtutis usum, sed ad superbam gloriam falsum sibi philosophi nomen induerat, adjecissetque jam se sciturum, an ille philosophus esset, siquidem illatas injurias leniter, patienterque tollerasset. Ille patientiam paulisper assumpsit: acceptaque contumelia velut insultans, Jam tandem, inquit, intelligisne me esse philosophum? Tum ille nimium mordaciter, Intellexeram, inquit, si tacuisses. Quid autem est quod ad præcipuos viros (de his enim sermo est) qui virtute gloriam petunt: quid, inquam, est quod ad hos fama post resolutum morte suprema corpus attineat? Nam si, quod nostræ rationes credi vetant, toti moriuntur homines, nulla est omnino gloria: cum is, cujus ea esse dicitur non exstet omnino. Sin vero sibi mens bene conscia, tereno carcere resoluta, cælum libera petit, nonne omne terrenum negotium spernet, quæ se, cælo fruens, terrenis gaudet exemptam?

## M E T R V M V I I

*Quicumque solam mente præcipiti petit,  
 Summumque credit gloriam;  
 Late patentes ætheris cernit plagas;  
 Arcumque terrarum situm:*

*Brevem*

Brevem replere non valentis ambitum

Pudebit aucti nominis.

Quid ô superbi colla mortali iugo

Frustra levare gestiunt.

Licet remotos fama per populos means

Diffusa, linguas explicet,

Et magna titulus fulgeat claris domus,

Mors spernit altam gloriam;

Involvit humile pariter, & celsum caput,

Aequatque summis infima.

Vbi nunc fidelis ossa Fabricii jacent?

Quid, Brutus, aut rigidus Cato?

Signat superstes fama tenuis pauculis

Inane nomen litteris

Sed quod decora novimus vocabula,

Nun scire consumptos datur?

Iacetis ergo prorsus ignorabiles,

Nec fama notos efficit.

Quod si putatis longius vitam trahi

Mortalis aura nominis,

Cum fera vobis rapiet hoc etiam dies,

Iam vos secunda mors manet.

#### PROSA VIII.

SED ne me inexorabile contra fortunam  
genere bellum putes, est aliquando cum de  
hominibus illa fallax non nihil bene merea-  
tur;



tur ; tum scilicet, cum se aperit, cum frontem  
detegit moresque proficitur. Nondum forte  
quid loquar, intelligis. Mirum est, quod dice-  
re gestio, eoque sententiam verbis explicare  
vix queo. Etenim plus hominibus reor adver-  
sam quam prosperam prodesse fortunam. Illa  
enim semper specie felicitatis, cum videtur  
blanda mentitur : hæc semper vera est, cum se  
instabilem mutatione demonstrat. Illa fallit ;  
hæc instruit : illa mendax specie bonorum  
mentes fruuentium ligat ; hæc cognitione fra-  
gilis felicitatis absoluit. Itaque illam videas-  
ventosam fluentem, sui que semper ignaram :  
hanc sobriam, succinctamque & ipsius adver-  
sitatis exercitatione prudentem. Postremo  
felix, à vero bono devios blanditiis trahit, ad-  
versa plerumque ad vera bona reducens, unco  
retrahit. An hoc inter minima æstimandum  
putas, quod amicorum tibi fidelium menteis  
hæc aspera, hæc horribilis fortuna detexit : hæc  
tibi certos sodalium vultus, ambiguosque se-  
crevit : discedens, suos abstulit, tuos reliquit :  
Quanti hoc integer, &c, ut videbaris tibi, for-  
tunatus emissus ? Desine nunc amissas opes  
quærere, quod pretiosissimum genus divitia-  
rum est, amicos invenisti.

METRVM

## M E T R V M VIII.

Quod mundus stabili fide  
Concordes variat vices,  
Quod pugnancia semina  
Fœdus perpetuum tenent,  
Quod Phœbus roseum diem  
Curru provehit aureo,  
Ut quas duxerit Hesperus  
Phœbe noctibus imperet,  
Ut fluctus avidum mare  
Certo fine coerceat,  
Ne terris liceat vagis  
Letos tundere terminos,  
Hanc rerum seriem ligat,  
Terras ac pelagus regens,  
Et cœlo imperitans amor.  
Hic si frena remiserit,  
Quidquid nunc amat invicem,  
Bellum continuo geret:  
Et quam nunc socia fide  
Pulchris motibus incitant,  
Certant solvere machinam.  
Hic sancto populos quoque  
Iunctos fœdere continet:  
Hic & conjugii sacrum  
Castis nequit amoribus

Hic

*Hic fides etiam sua  
Dicat jura sodalibus.  
O felix hominum genus  
Si vestros animos amor,  
Quo cælum regitur, regat,*

## L I B E R T E R T I V S.

## P R O S A I.

**I**A M cantum illa finierat, cum me audien-  
di avidum, stupentemque arrectis adhuc  
auribus carminis mulcedo defixerat. Itaque  
paullo post, ô, inquam summum lassorum so-  
lamen animorum, quantum me vel sententia-  
rum pondere, vel canendi etiam jucunditate  
refovisti? adeo ut jam me posthac imparem  
fortunæ ictibus non arbitrer. Itaque remedia,  
quæ paullo ante acriora esse dicebas, non mo-  
do non perhorresco, sed audiendi avidus vehe-  
menter efflagito. Tum illa, Senti inquit, cum  
verba nostra tacitus, attentusque rapiebas,  
eumque tuæ mentis habitum vel exspectavi,  
vel, quod est verius, ipsa perfeci. Talia sunt  
quippe quæ restant, ut degustata quidē morde-  
ant, interius autē recepta dulcescant. Sed quod  
tu te audiendi cupidum ducis quanto ardore  
flagra-

flagrantes, si, quoniam te ducere aggrediamur agnosceres? Quoniam inquam? ad veram, inquit, felicitatem, quam tuus quoque somniar animus: sed occupato ad imagines visu, ipsum illam nonpotes intueri. Tum ego: Fac obsecro, & que illa vera sit, sine cunctatione demonstra, Faciam, inquit illa, tui causa libenter: sed que tibi causa notior est, eam prius designare verbis atque informare conabor: ut ea perspecta, cum in contrariam partem flexeris oculos vere beatitudinis specimen possis agnoscere.

## M E T R V M I.

*Qui serere ingennum velet agrum,  
Liberat arva primis fruticibus,  
Falso rubos, filicemque refecat,  
Vt nova fruge gravis Ceres eat.  
Dulcior est apium mage labor,  
Si malus ora prius sapor edat.  
Gratius astra nitent, ubi Notus  
Desinit imbriferos dare sonos.  
Lucifer ut tenebras pepulerit,  
Pulcra dies roseos agit equos,  
Tu quoque falsa tuens bona prius  
Incipe colla iugo retrahere;  
Vera de hinc animum subierent.*

P R O S A

## P R O S A II.

T V M defixo paullulum visu , & velut in angustam suæ mentis sedem recepta , sic cœpit. Omnis mortalium cura, quam multiplicium studiorum labor exercet, diverso quidem calle procedit. sed ad unum tamen beatitudinis finem nititur venire. Id autem est bonum, quo quis adepto, nihil ulterius desiderare queat. Quod quidem est omnium summum bonorum, cunctaque intra se bona continens ; cui si quid abforet, summum esse non posset , quoniam relinqueretur extrinsecus, quod posset optari. Liquet igitur, beatitudinem esse statum bonorum omnium congregatione perfectum. Hunc, uti diximus, diverso tramite mortales omnes conantur adipisci. Est enim mentibus hominum veri boni naturaliter inserta cupiditas : sed ad falsa devius error abducit. Quorum quidem alii summum esse bonum nihilo indigere credentes, ut divitiis affluant , elaborant : alii vero bonum quod sit dignissimum veneratione, judicantes, adeptis honoribus, reverendi civibus suis esse nituntur. Sunt qui summum bonum in summa potentia esse constituent : hi vel regnare ipsi volunt, vel regnantibus adhz-  
rere

rere conantur. At quibus optimum quiddam claritas videtur, hi vel belli, vel pacis artibus gloriosum nomen propagare festinant; Plurimi vero boni fructum gaudio, lætitiæque metiuntur: hi felicissimum putant voluptate diffuere. Sunt etiam, qui horum fineis causasque alterutro permutant: ut, qui divitias ob potentiam, voluptatesque desiderant, vel qui potentiam seu pecuniæ causa seu proferendi nominis petunt. In his igitur, ceterisque talibus humanorum actuum, votorumque versatur intentio, veluti nobilitas favorque popularis, quæ videntur quandam claritudinem comparare, uxor, ac liberi, qui jucunditatis gratia petuntur. Amicorum vero, quod sanctissimum quidem genus est, non in fortuna, sed in virtute numeratur. Reliquum vero vel potentiz causa, vel delectationis assumitur. Jam vero corporis bona promptum est, ut ad superiora referantur. Robur enim magnitudoque videntur præstare valentiam; pulchritudo atque velocitas celebritatem; salubritas, voluptatem. Quibus omnibus solam beatitudinem desiderari liquet. Nam quod quisque præ ceteris petit, id summum judicat bonum. Sed summum bonum beatitudinem esse

esse definimus. Quare beatum esse judicat statum, quem præ ceteris quisque desiderat. Habes igitur ante oculos propositam fere formam felicitatis humanæ, opes, honores, potentiam, gloriam, voluptates. Quæ quidem sola considerans Epicurus, consequenter sibi summum bonum voluptatem esse constituit, quod cetera omnia jucunditatem animo videantur asferre. Sed ad hominum studia revertor: quorum animus etsi caligante memoria, tamen bonum summum repetit; sed velut ebrius domum quo tramite revertatur, ignorat. Num enim videntur errare hi, qui nihilo indigere nituntur? Atqui non est aliud quod æquè perficere beatitudinem possit, quam copiosus honorum omnium status, nec alieni egens, sed sibi ipsi sufficiens. Num vero labuntur hi, qui quod sit optimum, id etiam reverentiæ cultu dignissimum putant? minime. Neque enim vile quiddam, contemnendumque est, quod adipisci omnium fere mortalium laborat intentio. An in bonis non est numeranda potentia? Quid igitur? Num imbecillum, ac sine viribus æstimandum est, quod omnibus rebus constat esse præstantius? An claritudo nihili pendenda est? Sed sequenti

E strari

strari nequit, quin omne quod excellentissimum sit, id etiam videatur esse clarissimum. Nam non esse anxiam, tristemque beatitudinem, nec doloribus molestiisque subjectam, quid attinet dicere; quando in minimis quoque rebus id appetitur, quod habere, fruique deficiet. Atqui hæc sunt quæ adipisci homines volunt; eaque de causa divitias, dignitates, regna, gloriam voluptatesque desiderant, quod per hæc sibi sufficientiam, reverentiam, potentiam, celebritatem, lætitiā credunt esse venturam. Bonum est igitur, quod tam diversis studiis homines petunt: in quo quanta sit naturæ vis, facile monstratur, cum licet variaz dissidenteque sententiæ, tamen indeligendo boni fine consentiunt.

## METRUM II.

Quantas rerum flectat habenas  
 Natura potens, quibus immensum  
 Legibus orbem provida servet;  
 Stringatque ligans, irresoluto  
 Singula nexu, placet argento  
 Fidibus lentis promere ranti.  
 Quamvis Pœni pulcra leones  
 Vincula gestent, manibusque datas  
 Capient escas, metuantque truce  
 Soliti verbera ferre magistrum:

Si



Si cruor horrida tinxerit ora,  
 Resides olim redeunt animi,  
 Fremituque gravi meminere sui;  
 Laxant nodis calla solutis,  
 Primusque lacer dente cruento  
 Domitor rabidas imbuit iras.  
 Que samit altis garrula ramis  
 Ales, cavez clauditur antro:  
 Huic licet illita potula melle,  
 Largasque dapes dulci studio  
 Ludens hominum cura ministret,  
 Si tamen arcto saliens tecto,  
 Nemorum gratas videris umbras,  
 Sparsas pedibus proterit escas,  
 Silvas tantum mesta requirit,  
 Silvas dulci voce susurrat.  
 Validis quondam viribus acta,  
 Pronum flectit virga cacumen:  
 Hanc si curvans dextra remisit,  
 Recto spectat vertice cælum.  
 Cadit Hesperias Phæbus in undas:  
 Sed secreto tramite rursus  
 Currum solitos vertit ad ortus.  
 Repetunt proprios quæque recursus,  
 Redituque suo singula gaudent.  
 Nec manet ulli traditus ordo.

*Nisi quod sint junxerit ortum,  
Stabilemque sui fecerit orbem.*

## PROSA III.

VOS quoque ô terrena animalia, tenui licet imagine, vestrum tamen principium somniaris, verumque illum beatitudinis finem, licet minime perspicaci, qualicumque tamen cogitatione perspicitis, coque vos, & ad verum bonum naturalis ducit intentio, & ab eodem multiplex error abducit. Considera namque, an per ea, quibus se homines adepturos beatitudinem putant, ad destinatum finem valeant pervenire. Si enim vel pecunia, vel honores, ceteraque tale quid afferunt, cui nihil bonorum abesse videatur, nos, quoque fateamur fieri aliquos horum adeptione felices. Quod si neque id valent efficere, quod promittunt, bonisque pluribus earent, nonne liquido falsa in eis beatitudinis species deprehenditur? Primum igitur te ipsum, qui paulo ante divitiis affuebas? interrogo. Inter illas abundantissimas opes nunquamne animum tuum concepta ex qualibet injuria confudit anxietas? Atqui, inquam, tam libero me fuisse animo, quin aliquid semper angetet, reminisci nequeo. Nonne quia vel aberat, quod abesse non

velles : vel aderat , quod adesse noluisses ? Ita est, inquam. Illius igitur presentiam , hujus absentiam desiderabas. Confiteor , inquam. Eget vero, inquit, eo , quod quisque desiderat ? Eget , inquam. Qui vero eget aliquo , non est usquequaque sibi ipse sufficiens ? Minimè, inquam. Tu itaque hanc insufficientiam plenus, inquit, opibus sustinebas ? Quid ni ? inquam. Opes igitur nihilo indigentem , sufficientemque sibi facere nequeunt, & hoc erat, quod promittere videbantur. Atqui hoc quoque maxime considerandum puto, quod nihil habeat suapte natura pecunia , ut his à quibus possidetur , invitis nequeat auferri. Fateor , inquam. Quidni fateare, cum eam quotidie valentior aliquis eripiat invito ? Unde enim forenses querimoniz, nisi quod vel vi vel fraude à nolentibus pecuniz repetuntur ereptz ? Ita est, inquam. Egebit igitur, inquit , extrinsecus perito presidio , quo suam pecuniam quisque rueatur. Quis id , inquam , neget ? Atqui non egeret eo, nisi possideret pecuniam, quam possit amittere. Dubitari, inquam, nequit. In contrarium igitur relapsa res est : nam quz sufficientes sibi facere putabantur opes , alieno potius presidio faciunt indigentes. Quis au-

tem modus est, quo pellatur divitiis indigentia? Num enim divites esurire nequeunt? num sitire non possunt? num frigus hibernum pecuniosorum membra non sentiunt? Sed adest, inquires, opulentis, quo famem satient, quo sitim, frigusque depellant. Sed hoc modo consolari quidem divitiis, indigentia potest, auferri penitus non potest. Nam si hæc hians semper, atque aliquid poscens, opibus expletur, maneat necesse est, quæ possit expleri. Taceo, quod naturæ minimum, quod avaritiæ nihil satis est. Quare si opes nec summovere indigentiam possent, & ipsæ suam faciunt, quid est quod eas sufficientiam præstare credatis?

## M E T R U M III.

*Quamvis fluente dives auri gurgite  
Non expletur as cogat avarus opes,  
Ornetque baccis colla rubri litoris  
Ruraque centeno scindat opima bove:  
Nec cura mordax deserit superstitem,  
Defunctumque leves non comitantur opes.*

## P R O S A IV.

SED dignitates honorabilem, reverendumque, cui provenerint, reddunt. Num vis ea est magistratibus, ut utentium mentibus virtutibus

virtutes inferant, vitia depellant? Atqui non fugare, sed illustrare potius nequitiam solent, quo fit, ut indignemur eas sæpe nequissimis hominibus contigisse. unde Catullus licet in curuli Nonium sedentem, strumam appellat, Videſne quantum dedecus malis adſiciant dignitates? Atqui minus eorum patebit indignitas, ſi nullis honoribus inclareſcant. Tu quoque nunc tandem tot periculis adduci potuiſti, ut cum Decorato gerere Magiſtratum puſares, cum in eo mentem nequiſſimi ſcueris, delatoriſque reſpiceres? Non enim poſſumus ob honores reverentia dignos judicare, quos iſtis honoribus judicamus indignos. At ſi quem ſapientia præditum videres, num poſſes eum vel reverentia, vel ea qua præditus eſt, ſapientia, non dignum putare? Minime. In eſt enim dignitas propria virtuti, quam protinus in eos, quibus fuerit adjuñcta, transfundit. Quod quia populares nequeunt facere honores, liquet eos propriam dignitatis pulcritudinem non habere. In quo illud eſt animadvertendum magis: nam ſi eo abjectior eſt, quo magis à pluribus quiſque contemnitur, cum reverendos facere nequeant, quos pluribus oſtentat deſpectiores, po-

tius dignitas improbos facit. Verum non impune, reddunt namque improbi parem dignitatibus vicem, quas sua contagione commutulant. Atque ut agnoscess veram illam reverentiam per has umbratilis dignitates non posse contingere, sic collige. Si quis multiplici consultatu functus in Barbaras nationes forte devenerit, venerandumne Barbaris honor faciet? Atqui si hoc naturale munus dignitatibus foret, ab officio suo quoque gentium nullo modo cessarent. sicut ignis ubique terrarum, nunquam tamen calere desistit. Sed quoniam id eis non propriis, sed hominum fallax annectit opinio, vanescunt illico, cum ad eos venerint, qui dignitates eas esse non aestimant. Sed hoc apud exterarum nationes. Inter eos vero, apud quos ortæ sunt, num perpetuo perdurant? Atqui præfectura magna olim potestas, nunc iocunde nomen est, & Senatorii census gravis sarcina. Si quis quondam populi curasset annonam, magnus habebatur. Nunc ea præfectura quid abjectius? Ut enim paulo ante diximus, quod nihil habet proprii decoris, opinione utentium nunc splendorem accipit, nunc amittit. Si igitur reverendos facere nequeant dignitates

gnitates , si ultro improborum contagione  
sordescunt, si mutatione temporum splende-  
re desinunt , si gentium æstimatione vilescunt.  
quid est , quod in se expetendæ pul-  
critudinis habeant , ne dum aliis præstent ?

## M E T R U M IV.

*Quamvis se Tyrio superbus ostro*

*Comeret, & niveis lapillis,*

*Invisus tamen omnibus vigebas*

*Luxurie Nero sævientis,*

*Sed quondam dabat improbus verendis*

*Patribus indecores curules,*

*Quis illos igitur putet beatos,*

*Quos miseri tribuunt honores ?*

## P R O S A V.

A N vero regna , Regumque familiaritas  
efficere potentem valent ? Quid ni , quando  
eorum felicitas perpetuò perdurat ? Atqui  
plena est exemplorum vetustas , plena etiam  
præsens ætas , qui Reges felicitatem calami-  
tate mutaverint. O præclara potentia , quæ  
nec ad conservationem quidem sui satis ef-  
ficax invenitur ? Quod si hæc regnorum po-  
testas beatitudinis auctor est , nonne si qua  
parte defuerit , felicitatem minuat , miseriam  
importet ? Sed quamvis late humana tenden-

tur

tur imperia, plures necesse est gentes relinqui, quibus Regum quisque non imperet. Quæ vero parte beatos faciens desinit potestas, hæc impotentia subintrat, quæ miseròs facit: hoc igitur modo majorem Regibus inesse necesse est miseræ portionem. Expertus sortis suæ periculorum Tyrannus, regni metus pendentis supra verticem gladii terrore simulavit. Quæ est igitur hæc potestas, quæ solitudinum morsus expellere, quæ formidinum aculeos vitare nequit? Atqui vellent ipsi vixisse securi, sed nequeunt: dehinc de potestate gloriantur. An tu potentem censes, quem videas velle, quod non possit efficere? Potentem censes, qui satellitè latus ambit: qui quos terret, ipse plus metuit; qui ut potens esse videatur, in servientium manu situm est? Nam quid ego de Regum familiaribus disseram, cum regnà ipsa tantæ imbecillitatis plena demonstrerem? quos quidem regia potestas sæpe incolumis, sæpe autem lapsa prostermit? Norq Senecam familiarem, præceptoremque suum ad eligendæ mortis coegit arbitrium. Papinianum diu inter aulicos potentem, militum gladiis Antoninus objecit. Atqui uterque potentis suæ renunciare voluerunt: quorum Seneca



neca opes etiam suas tradere Neroni, seque in  
 orium conferre conatus est. Sed dum ruitu-  
 ros moles ipsa trahit, neuter, quod voluit,  
 effecit. Quæ est igitur ista potentia, quam  
 pertimescunt habentes: quam, nec cum ha-  
 bere velis, tutus sis; & cum deponere cu-  
 pias, vitare non possis? An præsidio sunt ami-  
 ci, quos non virtus, sed fortuna conciliat?  
 Sed quem felicitas amicum fecit, infortu-  
 nium faciet inimicum. Quæ vero pestis ef-  
 ficacior ad nocendum, quam familiaris ini-  
 micus?

## M E T R U M V.

*Qui se volet esse potentem,  
 Animos domet ille feroces,  
 Nec victa libidine colla  
 Fædis summittat habenti.  
 Etenim licet Indica longè  
 Tellus tua jura tremiscat,  
 Et serviat ultima Thule;  
 Tamen atras pellere curas,  
 Miserasque fugare querelas  
 Non posse, potentia non est.*

## P R O S A VI.

GLORIA vero quam fallax saepe, quam  
 turpis

turpis est? Unde nō injuria Tragicus exclamat:

ὦ δόξα, δόξα μάλιστα δὴ βροτῶν,  
ἔσθ' ἡγεῖσσι βίοντι ὠκυνοσσι μέγαν.

Plures enim magnum saepe nomen, falsis vulgi opinionibus abstulerunt, quo quid turpius extogitari potest? Nam qui falso praedicantur, suis ipsi necesse est laudibus erubescant. Quae si etiam meritis conquistae sint, quid tamen sapientis adjecerint conscientiae, qui bonum suum non populari rumore, sed conscientiae veritate metitur. Quod si hoc ipsum propagasse nomen, pulcrum videtur; consequens est, ut foedum non extendisse iudicetur. Sed cum, uti paulo ante disserui, plures gentes esse necesse sit, ad quas unius fama hominis nequeat pervenire, sit, ut quem tu aestimas gloriosum, proxima parte terrarum videatur inglorius. Inter haec vero popularem gloriam, ne commemoratione quidem dignam puto, quae nec iudicio provenit, nec umquam firma perdurat. Jam vero quam sit inane, quam futile nobilitatis nomen, quis non videat? quae si ad claritudinem refertur, aliena est. Videtur namque esse nobilitas, quaedam de meritis veniens laus parentum. Quod si claritudinem praedicatio facit, illi sint clari necesse

necesse est, qui prædicantur. Quare splendidum te, si tuam non habes, aliena claritudo non efficit. Quod si quid est in nobilitate bonum, id esse arbitror solum, ut imposita nobilibus necessitudo videatur, ne à majorum virtute degenerent.

## M E T R U M VI.

*Omne hominum genus in terris*

*Simili surgit ab ortu:*

*Vnus enim rerum pater est,*

*Vnus cuncta ministrat:*

*Ille dedit Phæbo radios,*

*Dedit & cornua Luce.*

*Ille homines etiam terris*

*Dedit, & sidera celo.*

*Hic clausi membris animos*

*Celsa sede petitos,*

*Mortaleis igitur cunctos.*

*Edit nobile germen.*

*Quid genus, & prae vos strepitus?*

*Si primordia vestra,*

*Auctoremque Deum species,*

*Nullus degener exstat,*

*Ni vitii pejora fovens*

*Proprium deserat ortum.*

PROSA

## PROSA VII.

QUID autem de corporis voluptatibus loquar; quarum appetentia quidem plena est anxietatis, satietas vero poenitentiae? Quantos illa morbos, quam intolerabiles dolores, quasi quendam fructum nequitiae fruendum solent referre corporibus! quarum motus quid habeat iucunditatis, ignoro. Tristeis vero esse voluptatum exitus, quisquis reminisci libidinum suarum volet, intelliget. Quae si beatos explicare possunt, nihil causae est, quin pecudes quoque beatæ esse dicantur, quarum omnis ad explendam corporalem lacunam festinat intentio. Honestissima quidem conjugis foret, liberorumque iucunditas; sed nimis è natura dictum est, nescio quem filios invenisse tortores: quorum quàm sit mordax quaecunque conditio, neque alias expertum te, neque nunc anxium necesse est admonere. In quo Euripidis mei sententiam probo, qui carentem liberis infortunio dixit esse felicem.

## METRUM VII.

*Habet omnis hoc voluptas,  
Stimulis agit fruentes  
Apiumque par volantum,  
Vbi grata mella fudit;*

*Fugit,*

*Fugit, & nimis tenaci  
Ferit ita corda morfu.*

## P R O S A VIII.

NIHIL igitur dubium est, quin hæc ad beatitudinem vix devia quædam sint, nec perducere eo quemquam valeant, ad quod se perducere esse promittunt. Quâvis vero, implicitæ malis sint, brevissime monstrabo. Quid enim? pecuniamne congregare conaberis? sed eripies habenti. Dignitatibus fulgere velis? danti supplicabis, &, qui præire ceteros honore cupis, poscendi humilitate vilesces. Potentiamne desideras? subjectorum insidiis obnoxius, periculis subjacebis. Gloriam petis? sed per aspera quæque distractus, securus esse defestis. Voluptariam vitam degas, sed quis non spernat, atque abiciat vilissimæ fragilissimæque rei corporis servitium? Jam vero qui bona præ se corporis ferunt, quam exigua, quam fragili possessione nituntur! Num enim elephantes mole, tauros robore superare poteritis? num tigres velocitate præibitis? Respicite cælis spatium, firmitudinem, celeritatem, & aliquando definite vilia mirari. Quod quidem cælum non his potius est, quam sua, qua regitur, ratione, mirandum. Formæ vero  
nitor

nitor ut rapidus est , ut velox , & vernalium  
 florum mutabilitate fugacior ? Quod si , ut  
 Aristoteles ait , Lynceis oculis homines uterentur ,  
 ut eorum visus obstantia penetraret , nonne introspectis visceribus , illud Alcibiadis  
 superficie pulcherrimum corpus , turpissimum videretur ? Igitur te pulcrum videri , non  
 tua natura , sed oculorum spectantium reddit infirmitas . Sed æstimate , quam vultis  
 nimio corporis bona ; dum sciatis hoc , quodcumque miramini , triduanæ febris igniculo  
 posse dissolvi . Ex quibus omnibus illud in summam redigere licet : quod hæc , quæ nec  
 præstare , quæ pollicentur , bona possunt , nec omnium bonorum congregatione perfecta  
 sunt ; ea nec ad beatitudinem , quasi quidam calles , ferunt , nec beatos ipsa perficiunt .

## M E T R U M VIII.

*Eheu , quam miseros tramite devio*

*Abducit ignorantia !*

*Non aurum in viridi quaritis arbore ,*

*Nec vite gemmas carpitis ,*

*Non altis laqueos montibus additis ,*

*Ut pisce ditetis dapes .*

*Nec*

*Nec vobis capreas si libeat sequi,  
Tyrreæ captatis vada.*

*Ipsos quin etiam fluctibus abditos  
Norunt recessus æquoris.*

*Quæ gemmis niveis unda feracior,  
Vel quæ rubentis purpure:*

*Nec non quæ tenero pisce, vel asperis  
Præstent echinis littora.*

*Sed quonam lateat, quod cupiunt bonum,  
Nescire cæci sustinent,*

*Et quod stelliferum transiit polum,  
Telluri demersi petunt.*

*Quid dignum stolidis mentibus imprecet?  
Opes honores ambient,*

*Et cum falsa gravi mole paraverint,  
Tum vera cognoscant bona.*

## P R O S A I X.

HACTENUS mendacis formam felicitatis ostendisse suffecerit; quam si perspicaciter intueris, ordo est deinceps, quæ sit vera monstrare. Atqui video, inquam, nec opibus sufficientiam, nec regnis potentiam, nec reverentiam dignitatibus, nec celebritatem gloriæ, nec latitiam voluptatibus posse contingere. An etiam causas, cur id ita sit, deprehendisti? Tenui quidem veluti rimula mihi

F

videor

videor intueri: sed ex te cognoscere apertius malim. Atqui promptissima ratio est. Quod enim simplex est, indivisumque natura, id error humanus separat, & à vero atque perfecto ad falsum, imperfectumque traducit. An tu arbitraris, quod nihilo indigeat, egere potentia? minime, inquam, Recte tu quidem: nam si quid est, quod in ulla re imbecillioris valentia sit, in hac praesidio necesse est egeat alieno. Ita est inquam. Igitur sufficientia, potentiaque una est, eademque natura. Sic videtur. Quod vero huiusmodi sit spernendum ne esse censes, an contra rerum omnium veneratione dignissimum? At hoc, inquam, ne dubitari quidem potest. Addamus igitur sufficientia, potentiaque reverentiam, ut hæc tria unum esse judicemus. Addamus, siquidem vera volumus confiteri. Quid vero, inquit, obscurumne hoc atque ignobile censes esse, an omni celebritate clarissimum? Considera vero, ne, quod nihilo indigere, quod potentissimum, quod honore dignissimum esse concessum est, egere claritudine, quam sibi præstare non possit, atque ob id aliqua ex parte videatur abiectius. Non possum inquam, quin hoc uti est, ita etiam celeberrimum esse confitear.



fitear. Consequens igitur est, ut claritudinem superioribus tribus nihil differre fateamur. Consequitur, inquam. Quod igitur nullius egeat alieni, quod suis cuncta viribus possit, quod sit clarum, atque reverendum, nonne hoc etiam constat esse lætissimum? Sed unde huic, inquam, tali maior ullus obrepat, ne cogitare quidem possum quare plenum esse lætitiæ, siquidem superiora manebunt, necesse est confiteri. Atqui illud quoque per eadem necessarium est, sufficientiæ, potentiæ, claritudinis, reverentiæ, jucunditatis nomina quidem esse diversa, nullo vero modo discrepare substantiam. Necesse est, inquam. Hoc igitur, quod est unum, simplexque natura, pravitas humana dispertit, & dum rei quæ partibus caret, partem conatur adipisci, nec portionem, quæ nulla est, nec ipsam, quam minime affectat assequitur. Quoniam, inquam modo? Qui divitias inquit, petit, penuriæ fuga, de potentia nihil laborat: vilis, obscurusque esse mavult, multas etiam sibi naturales quoque subtrahit voluptates, ne pecuniam, quam paravit, amittat. Sed hoc modo ne sufficientia quidem contingit ei, quem valentia deserit, quem molestia pungit,

quem vilitas abiecit, quem recondit obscuritas. Qui vero solum posse desiderat, profligat opes, despicit voluptates honoremque potentia carentem, gloriam quoque nihili pendit. Sed huic quoque quam multa deficient, vides. Fit enim ut aliquando necessariis egeat, ut anxietatibus mordeatur; cumque hæc depellere nequeat, etiam id quod maxime petebat, potens esse desistit. Similiter ratiocinari de honoribus, gloria voluptatibus licet. Nam cum unumquodque horum idem quod cetera fit, quisquis horum aliquid sine ceteris petit, ne illud quidem, quod desiderat, apprehendit. Quid igitur? inquam. Si quis cuncta simul cupiat adipisci, summam quidem ille beatitudinis velit: sed num in his eam reperiet, quæ demonstravimus, id, quod pollicentur, non posse conferre? Minime inquam. In his igitur, quæ singula quæque expetendorum præstare creduntur, beatitudo nullo modo investiganda est. Fateor, inquam & hoc nihil dici verius potest. Habes igitur, inquit, & formam falsæ felicitatis, & causas: desce nunc in adversum mentis intuitum; ibi enim veram, quam promissimus, statim videbis. Atqui hæc inquam, exco perspicua est, eamque tu paullo  
ante

ante monstrasti, dum falsæ beatitudinis causas  
aperire conabaris. Nam, ni fallor, ea vera est,  
& perfecta felicitas, quæ sufficientem, po-  
tentem, reverendum, celebrem, latumque  
perficiat. Atque ut me interius animadver-  
tisse cognoscas, quæ unum horum, quoniam  
idem cuncta sunt, veraciter præstare potest,  
hanc esse plenam beatitudinem sine ambigui-  
tate cognosco. O te alumne hac opinione  
felicem sentio, siquidem hoc, inquit, adjeceris  
Quidnam? inquam. Essene aliquid in his  
mortalibus caducisque rebus putas, quod hu-  
jusmodi statum possit asserre? Minime, in-  
quam, puto; idque à te nihil ut amplius desi-  
deretur ostensum est, Hæc igitur vel imagines  
veri boni, vel imperfecta quædam dare bona  
mortalibus videntur: verum autem, atque  
perfectum bonum conferre non possunt. As-  
sentior, inquam. Quoniam igitur agnovisti,  
quæ vera illa sit, quæ autem beatitudinem  
mentiantur, nunc superest, ut unde veram  
hanc perere possis agnoscas. Id quidem, in-  
quam, jamdudum vehementer exspecto.  
Sed cum, uti in Timæo Platoni, inquit, nostro  
placet in minimis quoque rebus divinum præ-  
sidium debeat implorari, quid nunc facien-

cum censes, ut illius summi boni sedem reperire mereantur? Invocandum, inquam rerum omnium patrem, quo prætermisso, nullum rite fundatur exordium. Recte, inquit ac simul ita modulata est.

## M E T R V M I X.

O qui perpetua mundum ratione gubernas,  
Terrarum calique sator, qui tempus ab ævo  
Ire jubes stabilisque manens das cuncta moveri.  
Quem non externa pepulerunt fingere causæ  
Materie fluitantis opus; verum insita summi  
Forma boni, livore carens, tu cuncta superno  
Ducis ab exemplo: pulchrum pulcherrimus ipse  
Mundum mente gerens, similique in imagine  
formans,

Perfectasque jubens perfectum absolvere partes,

Tu numeris elementa ligas, ut frigora flammis,  
Arida conveniunt liquidis: ne purior ignis  
Evolet, aut mersas deducant pondera terras.  
Tu triplicis mediam natura cuncta moventem  
Connectens animam per consona membra resolvis

Quæ cum secta duos motum glomeravit in orbeis  
In semet reditura meat, mentemque profundam  
Circuit, & simili convertit imagine calum,

Tu

*Tu caussis animas paribus, vitasque minores  
 Provehis, & levibus sublimeis curribus aptans  
 In cælum, terramque seris: quas lege benigna  
 Ad te converjas reduci facis igne reverti,  
 Da pater augustam menti conscendere sedem,  
 Da fontem lustrare boni, da luce reperta  
 In te conspicuos animi defigere visus.  
 Deice terrena nebulas & pondera molis,  
 Atque tuo splendere mica: tu namque serenum,  
 Tu requies tranquilla piis: te cernere finis,  
 Principium, vector, dux, semita, terminus idem.*

## P R O S A X.

QVONIAM igitur quæ sit imperfecti,  
 quæ etiam perfecti boni forma vidisti: nunc  
 demonstrandum reor, quoniam hæc felicitatis  
 perfectio constituta sit. In quo illud primum  
 arbitror inquirendum, an aliquid huiusmodi  
 quale paulo ante definisti, in rerum natura  
 possit existere, ne nos præter rei subjectæ ve-  
 ritatem cassa cognitionis imago decipiat. Sed  
 quin existat, sitque hoc veluti quidam omni-  
 um fons bonorum, negari nequit. Omne e-  
 nim quod imperfectum esse dicitur, id diminu-  
 tione perfecti imperfectum esse perhibetur.  
 Quo fit, ut si in quolibet genere imperfectum  
 quid esse videatur in eo, perfectum quoque a-

liquid esse necesse sit. Erenim perfectione sublata, unde illud, quod imperfectum prohibetur, exstiterit, ne fingi quidem potest. Neque enim à diminutis, inconsummatisque natura rerum cepit exordium, sed ab integris absolutisque procedens, in hæc extrema atque effera dilabitur. Quod si, ut paullo ante monstravimus, est quædam boni fragilis imperfecta felicitas : esse aliquam solidam perfectamque, non potest dubitari. Firmissime, inquam, verissimeque conclusum est. Quo vero, inquit, habiter, ita considera. Deum rerum omnium principem, bonum esse, communis humanorum conceptio probat animorum. Nam cum nihil Deo melius excogitari queat, id, quo melius nihil est, bonum esse quis dubitet? ita vero bonum esse Deum ratio demonstrat, ut perfectum quoque bonum in eo esse convincat. Nam si tale sit rerum omnium princeps esse non poterit, erit enim eo præstantius aliquid perfectum possidens bonum, quod hoc prius, atque antiquius esse videatur : omnia namque perfecta minus integris priora esse claruerunt quare ne in infinitum ratio prodeat, confitendum est summum Deum, summi perfectique boni esse plenissimum. Sed perfectum

Perfectum bonum veram esse beatitudinem  
Constituimus, veram igitur beatitudinem in  
summo deo firmam esse, necesse est. Accipio,  
inquam, nec est quod contradici ullo modo  
queat. Sed quæso, inquit, te, vide quam id  
sanctæ atque inviolabiliter probes, quod boni  
summi summum Deum diximus esse plenissi-  
mum. Quonam, inquam, modo? Ne hunc  
rerum omnium patrem illud summum bo-  
num, quo plenus esse perhibetur, vel extrinse-  
cus accepisse, vel ita naturaliter habere præ-  
sumas, quasi habentis Dei, habitæque beati-  
tudinis diversam cogites esse substantiam.  
Nam si extrinsecus acceptum putes, præstan-  
tius id quod dederit, eo quod acceperit, exi-  
stimare possis. Sed hunc esse rerum omnium  
præcellentissimum, dignissime confitemur.  
Quod si natura quidem inest: sed ratione di-  
versum, cum de rerum principe loquamur  
Deo, fingat qui potest, quis hæc diversa con-  
iunxerit? Postremo quod à qualibet re diver-  
sum est, id non est illud, à quo intelligitur  
esse diversum. Quare quod à summo bono  
diversum est sui natura, id summum bonum  
non est: quod nefas est de Deo cogitare, quo  
nihil constat esse præstantius. Omnino enim  
nullius

nullius rei natura suo principio melior poterit existere quare quod omnium principium sit, id etiam sui substantia summum esse bonum verissima ratione concluderim. Rectissime, inquam. Sed summum bonum beatitudinem esse concessum est. Ita est, inquam. Igitur, inquit, Deum esse ipsam beatitudinem, necesse est confiteri. Nec propositis, inquā prioribus refragari queo, & ab illis hoc illarum consequens esse perspicio. Respice, inquit, an hinc quoque idem firmitus approbetur, quod duo summe bona, quæ à se diversa sunt, esse non possunt. Etenim quæ discrepant bona, non esse alterum, quod sit alterum, liquet: quare neutrum poterit esse perfectum, cum alterutri alterum deest. Sed quod perfectum non sit, id summum non esse manifestum est: nullo modo igitur quæ summa sunt bona, ea possunt esse diversa. Atqui & beatitudinem, & Deum summum bonum esse colligimus: quare ipsam necesse est summā esse beatitudinem, quæ sit summa divinitas. Nihil, inquam nec re ipsa verius, nec ratioeinatione firmitus, nec Deo dignius concludi potest. Super hæc, inquit, igitur veluti geometræ solent demonstratis propositis aliquid inferre, quæ



quæ Πορῆματα ipsi vocant, ita ego quoque tibi veluti corollarium dabo. Nam quoniam beatitudinis adeptione fiunt homines beati, beatitudo vero est ipsa divinitas, divinitatis adeptione fieri beatos, manifestum est. Sed uti iustitiæ adeptione iusti, sapientiæ sapientes fiunt, ita divinitatem adeptos, deos fieri simili ratione necesse est. Omnis igitur beatus, Deus; sed natura quidem unus, participatione vero nihil prohibet esse quam plurimos. Et pulchrum, inquam, hoc, atque pretiosum, sive πόρισμα, sive corollarium vocari mavis. Atque hoc quoque pulcrius nihil est, quod his annectendum esse ratio persuadet. Quid, inquam? Cum multa, inquit, beatitudo continere videatur, utrumne hæc omnia unum veluti corpus beatitudinis quadam partium varietate conjungant, an sit eorum aliquid, quod beatitudinis substantiam compleat, ad hoc vero cetera referantur? Vellem, inquā, id ipsarum rerum commemoratione patefaceres. Nonne, inquit, beatitudinem bonum esse censemus? Ac summum quidem inquam. Addas, inquit hoc omnibus licet. Nam eadem sufficientia summa est, eadem summa potentia, reverentia quoque claritas, & voluptas

- luptas beatitudo esse judicatur. Quid igitur?  
Hæcine omnia bona, sufficientia, potentia,  
ceteraque veluti quædam beatitudinis mem-  
bra sunt, an ad bonum veluti ad verticem cun-  
cta referuntur? Intelligo, inquam, quid inve-  
stigandum proponas: sed quid constituas, au-  
dite desidero. Huius rei discretionem sic acci-  
pe. Si hæc omnia beatitudinis membra forent,  
à se quoque invicem discreparent. Hæc est  
enim partium natura, ut unum corpus diversa  
componant. Atqui hæc omnia idem esse mon-  
strata sunt. Minime igitur membra sunt: al-  
lioquin ex uno membro beatitudo videbitur  
esse conjuncta, quod fieri nequit. Id quidem,  
inquam dubium non est: sed id, quod restat,  
exspecto. Ad bonum vero cetera referri  
palam est. Idcirco enim sufficientia petitur,  
quoniam bonum esse judicatur, idcirco po-  
tentia, quoniam id quoque esse creditur bo-  
num. Idem de reverentia, claritudine, jucun-  
ditate, conjectare licet. Omnium igitur ex-  
petendorum summa atque causa bonum est.  
Quod enim neque re, neque similitudine ul-  
lum in se retinet bonum, id expeti nullo mo-  
do potest. Contraque etiam, quæ natura bo-  
na non sunt, tamen si esse videantur, quasi  
vera

vera bona sint, appetuntur. Quo fit uti summa cardo, atq; causa expetendorum omnium bonitas esse jure credatur. Cujus vero causa quid expetitur, id maxime videtur optari. Veluti si salutis causa quispiam velit equitare, non tam equitandi motum desiderat, quam salutis effectum. Cum igitur omnia boni gratia petantur, non illa potius quam bonum ipsum desideratur ab omnibus. Sed propter quod cetera optantur, beatitudinem esse concessimus: quare sic quoque sola quaeritur beatitudo. Ex quo liquido apparet, ipsius boni & beatitudinis unam atque eandem esse substantiam. Nihil video, cur dissentire quispiam possit. Sed Deum veramque beatitudinem unum atque idem esse monstravimus. Ita inquam. Secure igitur concludere licet, Dei quoque in ipso bono, nec usquam alio, sitam esse substantiam.

## M E T R V M X.

*Huc omnes pariter venite capti,  
Quos fallax ligat improbis catenis  
Terrenis habitans libido menteis.  
Heic erit vobis requies laborum,  
Heic portus placida manens quiete,  
Hoc patens unum miseris asylum*

Non

*Non quidquid Tagus aureis arenis  
 Donat, aut Hermus rutilante ripa,  
 Aut Indus calido propinquius orbi,  
 Candidis miscens virideis lapillos  
 Illustrant aciem, magisque cecos  
 In suas condunt animos tenebras.  
 Hoc quidquid placet, excitatque mentes,  
 Infimus tellus aluit cavernis,  
 Splendor quo regitur, vigetque cælum,  
 Vitat obscuras anima ruinas,  
 Hanc quisquis poterit notare lucem,  
 Candidos Phœbi radios negabit.*

## PROSA XI.

ASSENTIOR, inquam, Cuncta enim firmissimis nexa rationibus constant. Tum illa, quanti, inquit, æstimabis, si bonum ipsum quid sit, agnoveris? Infiniti inquam: siquidem mihi pariter Deum quoque qui bonum est continget agnoscere. Atqui hoc verissima inquit, ratione patefaciam, maneat modo quæ paullo antè conclusa sunt. Manebunt inquam. Nonne, inquit, monstravimus ea, quæ appetuntur à pluribus, idcirco vera, perfecta quæ bona non esse, quoniam à se invicem discreparent, cumque alteri abesset alterum, plenum absolutumque bonum asferre  
 non

non posse? Tum autem verum bonum fieri, cum in unam veluti formam, atque efficientiam colliguntur, ut| quæ sufficientia est, eadem sit potentia, reverentia, claritas, atque jucunditas. Nisi vero unum, atque idem omnia sint, nihil habere, quo inter expetenda numerentur. Demonstratum est, inquam, nec dubitari ullo modo potest. Quæ igitur, cum discrepant, minime bona sunt; cum vero unum esse coeperint, bona fiunt: nonne hac ut bona sint, unitatis fieri adeptione contingit? Ita, inquam, videtur. Sed omne quod bonum est boni participatione bonum esse concedis, an minime? Ita est. Oporteret igitur idem esse unum, atque bonum simili ratione concedas. Eadem namque substantia est eorum, quorum naturaliter non est diversus effectus. Negare inquam, nequeo. Nostine igitur, inquit omne quod est tam diu manere atq; subsistere, quam diu sit unum; sed interire atque dissolvi pariter, atque unum esse destiterit? Quonam modo ut in animalibus, inquit, cum in unum coeunt, ac permanent anima corpusque, id animal vocatur. Cum vero hæc unitas utriusque separatione dissolvitur, interire. nec jam esse animal liquet. Ipsum quoque  
corpus

corpus cum in una forma, membrorum conjunctione, permanet, humana visitur species. At si distributz, segregatzque partes corporis distraxerint unitatem, desinit esse quod fuerat. Eoque modo percurrenti cetera proculdubio patebit subsistere unumquodque, dum unum est: cum vero unum esse desinit, interire. Consideranti inquam mihi plura, minime aliud videtur. Estne igitur, inquit, quod in quantum naturaliter agat, relicta, sustinendi appetentia, venire ad interitum, corruptionemque desideret? Si animalis, inquam, considerem, quæ habent aliquam volendi nolendique naturam, nihil invenio, quod, nullis extra cogentibus, abjiciant manendi intentionem, & ad interitum sponte festinant. Omne namque animal tueri salutem laborat: mortem vero perniciemque devitat. Sed quid de herbis, arboribusque, quid de inanimatis omnino consentiam rebus, prorsus dubito. Atqui non est, quod de hoc possis ambigere, cum herbas, atque arbores intuearis, primum sibi convenientibus innasci locis, ubi quantum earum natura queat, cito exarescere, atque interire non possunt. Nam aliz quidem campis, aliz montibus oriuntur, alias  
ferunt

ferunt paludes , alia saxis hærent, aliarum fecundæ, aliarum sunt steriles arenæ, quas si in alia quispia loca transferre conetur, arescant. Sed dat cuique natura quod convenit , & , ne dum manere possunt, intereant, elaborat. Quid dicam , quod omnes , veluti in terras ore demerso, trahunt alimenta radicibus ; ac per medullas robur, corticemque diffundunt ? Quid, quod mollissimum quodque , sicuti medulla est , interiore semper sede reconditur , extra vero quadam ligni firmitate tegitur : ultimus autem cortex adversum cæli intemperiem , quasi malipatiens defensor opponitur ? Jam vero quanta est naturæ diligentia, ut cuncta semine multiplicato propagentur. quæ omnia non modo ad tempus manendi , verum , generatim quoque quasi in perpetuum permanendi , veluti quasdam machinas esse quis nesciat ? Ea etiam quæ inanimata esse creduntur , nonne quod suum est , quæque simili ratione desiderant ? Cur enim flammæ quidem sursum levitas vehit, terras vero deorsum pondus deprimat , nisi quod hæc singulis loca , motionesque conveniunt ? Porro autem quod cuique consentaneum est, id unumquodque conservat ; sicuti ea, quæ sunt inimi-

ca, currunt. Jam vero quæ dura sunt, ut lapides, adhærent tenacissime partibus suis, & ne facile dissolvantur, resistunt. Quæ vero liquentia, ut aër, atque aqua, facile quidem dividendibus cedunt, sed cito in ea rursus, à quibus sunt abscissa, relabuntur. Ignis vero omnem refugit sectionem. Neque nunc nos de voluntariis animæ cognoscentis motibus, sed de naturali intentione tractamus. Sicuti est, quod acceptas escas sine cogitatione transigimus, quod in somno spiritum ducimus nescientes. Nam ne in animalibus quidem manendi amor ex animæ voluntatibus, verum ex naturæ principiis venit. Nam sæpe mortem cogentibus causis, quam natura reformidat voluntas amplectitur: contraque illud, quo solo mortalium rerum durat diuturnitas, gignendi opus, quod natura semper appetit, interdum coercet voluntas. Adeo hæc sui caritas non ex animali motione, sed ex naturali intentione procedit. Dedit enim providentia creatis à se rebus hanc vel maximam manendi causam, ut quoad possunt, naturaliter manere desiderent: quare nihil est, quod ullo modo queas dubitare, cuncta, quæ sunt, appetere naturaliter constantiam permanendi, devitare.



devitare perniciem. Confiteor, inquā, nunc me indubitato cernere, quæ dudum incerta videbantur. Quod autem, inquit, subsistere ac permanere appetit, id unum esse desiderat: hoc enim sublato, ne esse quidem cuiquam permanebit. Verum est, inquā. Omnia igitur, inquit, unum desiderent. Consensu. Sed unum id ipsum monstravimus esse; quod bonum est. Ita quidem. Cuncta igitur bonum petunt; quod quidem ita describas licet, ipsum bonum esse quod desideretur ab omnibus. Nihil, inquā, verius excogitari potest. Nam vel ad nihilum cuncta referuntur, & uno, veluti vertice destituta, sine rectore, fluitabunt; aut si quid est, ad quod universa festinent, id erit omnium summum bonorum. Et illa nimium, inquit, ô alumne lætor: ipsam enim mediæ veritatis notam mente fixisti, sed in hoc paruit tibi, quod ignorare te paulo ante dicebas. Quid? inquā. Quis esset, inquit, rerum omnium finis? Id est enim profecto, quod desideratur ab omnibus: quod quia bonum esse collegimus oportet, rerum omnium finem bonum esse, fateamur.

## M E T R U M X I.

*Quinquis profunda mente vestigat verum.*

G. 2.

Cupit.

Cupitque nullis ille deviis falli,  
 In se revolvat intimi lucem visus,  
 Longosque in orbem cogat inflectens motus,  
 Animumque deceat quidquid extra molitur,  
 Suis retrusum possidere thesauris.  
 Dudum quod atra texit erroris nubes,  
 Lucebit ipso perspicacius Phœbo.  
 Non omne namque mente depulit lumen,  
 Obliviosam corpus invehens molem.  
 Hæret profecto semen introrsum veri,  
 Quod excitatur ventilante doctrina.  
 Nam cur rogati sponte recta censetis.  
 Ni mersus alto viveret fomes corde?  
 Quid si Platonis Musa personat verum,  
 Quod quisque discit, immemor recordatur.

## P R O S A XII.

TUM Ego, Platoni, inquam, vehementer assentior: nam me horum jam secundo commemoras. Primum, quod memoriam corporea contagione, dehinc cum mœroris mole pressus, amisi. Tum illa, si superiora, inquit, concessa respicias, ne illud quidem longius aberit, quin recorderis quod te dudum nescite, confessus es. Quid? inquam. Quibus ait illa, gubernaculis mundus regatur. Memini, inquam, me inscitiam meam fuisse confessum:

sum: sed quid afferas, licet jam prospiciam, planius tamen ex te audire desidero. Mundum hunc, inquit, à Deo regi paulo ante minime dubitandum putabas. Ne nunc quidem arbitrator,inquam; nec unquam dubitandum putabo, quibusq; in hoc rationibus accedam, brevitur exponam.. Mundus hic ex tam diversis contrariisque partibus in unam formam minime convenisset, nisi unus esset qui tam diversa conjungeret; conjuncta vero naturarum ipsa diversitas, invicem discors, dissociaret, atque divelleret: nisi unus esset, qui quod nexuit, contineret. Non tam vero certus naturæ ordo procederet, nec tam dispositos motus, locis, temporibus, efficientia spatiis, qualitatibus explicaret, nisi unus esset, qui has mutationum varietates manens ipse disponderet. Hoc quidquid est, quo condita manent, atque agitantur, usitato cunctis vocabulo Deum nomino. Tum illa, cum hæc, inquit, ita sentias, parvam tibi restare operam puro, ut felicitatis compos, patriam sospes revisas: sed quæ proposuimus, intueamur. Nonne in beatitudine sufficientiam numeravimus, Deumque beatitudinem ipsam esse concessimus? Ita quidem. Et ad mundum

igitur, inquit, regendum nullis extrinsecus adminiculis indigebit: alioquin si quo egeat, plenam sufficientiam non habebit. Id, inquam, ita est necessarium. Per se igitur solum cuncta disponit. Negari, inquam, nequit. Atqui Deus ipsum bonum esse monstratus est. Memini, inquam. Per bonum igitur cuncta disponit; siquidem per se regit omnia, quem bonum esse concessimus, & hic est veluti quidam clavus atque gubernaculum, quo mundana machina stabilis atque incorrupta servatur. Vehementer assentiar inquam, & id re paulo ante dicturam, tenui licet suspitione, prospexi. Credo, inquit; jam enim, ut arbitror, vigilantius ad cernenda vera oculos deducis: sed quod dicam non minus ad congruendum patet. Quid? inquam. Cum Deus, inquit, omnia bonitatis clavo gubernare jure credatur, eademque omnia, sicuti docui, ad bonum naturali intentione festinent, num dubitari potest, quin voluntarie regantur, seque ad disponentis nutum, veluti convenientia, contemperataque rectori, sponte convertant? Ita, inquam, necesse est: nec beatum regimen esse videretur; siquidem detrectantium jugum foret, non obtemperantium salus. Nihil

hil est igitur , quod naturam servans , Deo  
contraire conetur. Nihil , inquam. Quid si  
conetur ait , num tandem proficiet quidquam  
adversus eum , quem jure beatitudinis poten-  
tissimum esse concessimus ? Prorsus , inquam,  
nihil valeret. Non est igitur aliquid , quod sum-  
mo huic bono vel velit , vel possit obistere.  
Non , inquam , arbitror. Est igitur , inquit ,  
summum bonum , quod regit cuncta fortiter ,  
suaviterque disponit. Tum ego , quam , in-  
quam , me non modo ea , quæ conclusa est ,  
summa rationum , verum multo magis , hæc  
ipsa verba , quibus uteris , delectant , ut tan-  
dem aliquando stultitiam magna latrantem  
sui pudeat. Accepisti , inquit , in fabulis laces-  
senteis cælum Gigantes ; sed illos quoque , uti  
condignum fuit , benigna fortitudo deposuit.  
Sed visne rationes ipsas invicem collidamus ?  
forsitan ex hujusmodi conflictatione pulcra  
quædam veritatis scintilla diffiliet. Tuo , in-  
quam , arbitrato. Deum , inquit , esse omnium  
potentem nemo dubitaverit. Qui quidem , in-  
quam , mente consistat , nullus prorsus ambi-  
gat. Qui vero est , inquit , omnium potens ,  
nihil est , quod ille non possit. Nihil inquam.  
Num igitur Deus facere malum potest ? Mi-

nime, inquam. Malum igitur, inquit, nihil est, cum id facere ille non possit, qui nihil non potest. Ludisne, inquam, me, inextricabilem Labyrinthum rationibus texens, quo nunc quidem, qua egrediaris, introeas; nunc vero quo introieris, egrediare: an mirabilem quendam divinæ simplicitatis orbem complicas? Etenim paulo ante à beatitudine incipiens, eam summum bonum esse dicebas, quam in summo bono sitam loquebare: ipsum quoque Deum summum esse bonum, plenamque beatitudinem differebas: ex quo neminem beatum fore, nisi qui pariter Deus esset, quasi munusculum dabas. Rursus ipsam boni formam, Dei, ac beatitudinis loquebaris esse substantiam: ipsumque unum id ipsum esse bonum dicebas, quod ab omni rerum natura peteretur: Deum quoque bonitatis gubernaculis universitatem regere, disputabas, volentiaque cuncta parere, nec ullam mali esse naturam: atque hæc nullis extrinsecus sumtis, sed altero ex altero fidem trahente, insitis, domesticisque probationibus explicabas. Tum illa, minimè, inquit, ludimus, semque omnium maximam Dei munere, quem dudum deprecabamur, exegimus. Ea est enim divinæ forma

ma substantiæ, ut neque in externa dilabatur, nec in se externum aliquod ipsa suscipiat : sed sic ut de ea Parmenides ait : Πάντεσιν ὁν κῶκλοισι φέρειν ὑαλίχκιον ὄγκον. Quod si rationes quoque non extra petitas, ed intra rei quã tractabamus, ambitum collocatas agitavimus ; nihil est quod admirere, cum Platone sanciente didiceris cognatos, de quibus loquimur, rebus oportere esse sermones.

## M E T R U M XII.

*Felix, qui potuit boni Cũ flagrantior intima  
Fontem visere lucidum: Ferror pectoris ureret.  
Felix, qui potuit gravis Nec qui cuncta subege-  
Terræ solvere vincula. rant,  
Quondã funera conjugis Mulcerẽt dominũ modi,  
Vates Threicius gemens, Immiteis superos que-  
Postquã flebilibus mo-rens,  
dis Infernas adiit domos.  
Silvas currere, mobileis. Illic blanda sonantibus  
Ammeis stare coegerat, Chordis carmina tem-  
Iunxitque intrepidum perant,  
latus Quidquid præcipuis dex  
Sævis cerva leonibus, Matris fontibus hause-  
Nec visum timuit lepus rat,  
Iam cantu placidum Quod luctus dabat im-  
canem, potens,*

Quod

Quod luctum geminans Donemus comitem viro  
 amor Emtam carmine conju-  
 Deslet, Tenara commo- gem :  
 vent, Sed lex dona coërceat,  
 Et dulci veniam prece Ne, dū Tartara liquerit,  
 Vmbrarum dominos ro- Fas sit fumina flectere.  
 gat, Quis legē det amanti-  
 Stupet tergeminus novo bus ?  
 Captus carmine janitor, Major lex amor est sibi.  
 Quæ fontes agitāt metu Heu, noctis prope ter-  
 Vltrices scelerum dex minos  
 Iam mæstæ lacrimis Orpheus. Eurydicē suā  
 madent. Vidit, perdidit, occidit.  
 Non Ixionium caput Vos hæc fabula respicit,  
 Velox præcipitat rota, Quicumque in superum  
 Et longa site perditus diem  
 Spernit flumina Tam- Mentē ducere quæritis.  
 talus, Nam qui Tartareum in  
 Vultur dū satur est mo- specus  
 dis, Victus lumina flexerit,  
 Non traxit Titii jecur. Quidquid præcipuum  
 Tandem, vincimur, ar- trahit,  
 biter Perdit, dum videt infe-  
 Vmbrarū miserans ait : ros.



## LIBER QUARTUS

## PROSA I.

**H**ÆC cum Philosophia, dignitate vultus, & oris gravitate servata, leniter, suaviterque cecinisset, tum ego, nondum penitus insiti moeroris oblitus, intentionem dicere adhuc aliquid parantis abrui. Et ô, inquam, veri prævia luminis, quæ usque adhuc tua fudit oratio, tum sui speculatione divina, tum tuis rationibus invicta patuerunt; eaque mihi, etsi ob injuriæ dolorem nuper oblita, non tamen ante hac prorsus ignorata dixisti. Sed ea ipsa est vel maxima nostri causa moeroris, quod cum rerum bonus rector existat, vel esse omnino mala possint, vel impunita prætereant. Quod solum quanta dignum sit admiratione, profecto considera. At huic aliud majus adjungitur: nam imperante, florenteque nequitia virtus non solum premiis caret, verum etiam sceleratorum pedibus subiecta calcatur, & in locum facinorum supplicia luit. Quæ fieri in regno scientis omnia, potentis omnia, sed bona tantummodo volentis Dei, nemo satis potest nec admirari, nec conqueri. Tum illa, & esset, inquit, infiniti stuporis,

stuporis, omnibusque horribilius monstris, si, uti tu existimas, in tanti velut patrisfamilias dispositissima domo, vilia vasa colerentur, pretiosa sordescerent? sed non ita est. Nam si ea, quæ paulo ante conclusa sunt, inconvulsa servantur, ipso, de cuius nunc regno loquimur auctore cognosces semper quidem potentes bonos esse, malos vero abjectos semper, atque imbecilleis; nec sine poena unquam esse vitia; nec sine præmio virtutes: bonis felicia, malis semper infortunata contingere, multaque id genus, quæ sopitis querelis firma te soliditate corroborarent. Et quoniam veræ formam beatitudinis me dudum monstrante vidisti, quo etiam sita sit agnovisti, decursis omnibus, quæ prætermittere necessarium puto, viam tibi, quæ te domum revehat, ostendam. Pennas etiam tuæ menti, quibus se in altum tollere possit, affigam, ut perturbatione depulsa, solpes in patriam, meo ductu, mea scientia, meis etiâ vehiculis revertaris.

## M E T R U M I.

*Sunt enim pennæ volucres mihi,  
 Quæ celsa conscendant poli:  
 Quas sibi cum velox mens induit,  
 Terras peroso despicit,*

Aeris

*Aeris immensi superat globum,  
 Nubesque post tergum videt,  
 Quisque agili motu calet aetheris,  
 Transcendit ignis verticem,  
 Donec in astriferas surgat domos,  
 Phaëboque conjungat vias.  
 Aut comitetur iter gelidi senis,  
 Miles corusci sideris,  
 Vel quocunque micans nox pingitur,  
 Recurrat astri circulum,  
 Atque ubi jam exhausti fuerit satis,  
 Polum relinquat extimum,  
 Dorsaque velocis premat aetheris  
 Compos verendi luminis.  
 Heic regum sceptrum dominus tenet,  
 Orbisque habenas temperat,  
 Et volucrem currum stabilis regit,  
 Rerum coruscus arbiter.  
 Huc te si reducem referat via,  
 Quam nunc requiris immemor,  
 Hæc dices, memini, patria est mihi,  
 Hinc ortus heic sistam gradum,  
 Quod si terrarum placeat tibi  
 Noctem relictam visere,  
 Quos miseri torvos populi timent,  
 Cernes tyrannos exsules.*

PROSA

TU M ego, Papæ, inquam, ut magna promittis ! nec dubito quin possis efficere : tu modo quem excitaveris ; ne moreris. Primum igitur, inquit, bonis semper adesse potentiam, malos cunctis viribus esse desertos, agnoscas licebit : quorum quidem alterum demonstratur ex altero. Nam cum bonum, malumque contraria sint, si bonum potens esse constituerit, liquet imbecillitas mali : at si fragilitas clarescat mali, boni firmitas nota est. Sed uti nostræ sententiæ fides abundantior sit, alterutro calle procedam, nunc hinc, nunc inde proposita confirmans. Duo sunt, quibus omnis homanorum actuum constat effectus, voluntas scilicet, ac potestas : quorum si alterutrum desit, nihil est quod explicari queat. Deficiente etenim voluntate, ne aggreditur quidem quisque quod non vult : at si potestas absit, voluntas frustra sit. Quo fit, ut si quem videas velle adipisci, quod minime adipiscatur, huic obtinendi quod voluerit, defuisse valentiam dubitare non possis. Perspicuum est, inquam, nec ullo modo negari potest. Quem vero effecisse, quod voluerit, videas, num etiam potuisse dubitabis ? Minimè. Quod vero

vero quisque potest, in eo validus; quod vero non potest, in hoc imbecillis esse censendus est. Fateor', inquam. Meministine igitur, inquit, superioribus rationibus esse collectum, intentionem omnem voluntatis humanæ, quæ diversis studiis agitur, ad beatitudinem festinare? Memini, inquam, id quoque esse demonstratum. Num recordaris beatitudinem ipsum esse bonum; eoque modo cum beatitudo petitur, ab omnibus desiderari bonum? Maximè, inquam, recordor, quoniam id memoriæ fixum teneo. Omnes igitur homines boni pariter, ac mali, indiscreta intentione ad bonum pervenire nituntur? Ita, inquam, consequens est. Sed certum est, adeptione boni, bonos fieri. Certum. Adipiscuntur igitur boni, quod appetunt? Sic videtur. Mali vero si adipiscerentur, quod appetunt, bonum, mali esse non possent. Ita est. Cum igitur utrique bonum petant, sed hi quidem adipiscantur, illi vero minime; non dubium est bonos quidem potentes esse; qui vero mali sunt, imbecilles. Quisquis, inquam, dubitat, nec rerum naturam, nec consequentiam potest considerare rationum. Rursus inquit: Si duo sint, quibus idem secundum naturam propositum sit,

fit, eorumque unus naturali officio idipsum agat, atque perficiat; alter vero naturale illud officium minimè administrare queat, alio vero modo, quam naturæ convenit, non quidem impleat propositum suum, sed imitetur implentem; quemnam horum valentiorē esse, decernis? Et si conjecto, inquam, quid velis, planius tamen audire desidero. Ambulandi, inquit, motum secundum naturam esse hominibus num negabis? Minimè, inquam. Ejusque rei pedum officium esse naturale num dubitas? Ne hoc quidem, inquam. Si quis igitur pedibus incedere valens ambulet, aliusque, cui hoc naturale pedum desit officium, manibus nitens, ambulare conetur, quis horum jure valentior existimari potest? Contexe, inquam, cætera: nam quin naturalis officii potens, eo, qui idem nequeat, valentior sit, nullus ambigit. Sed summum, inquit, bonum, quod æque malis bonisque propositum est, boni quidem naturali officio virtutum petunt; mali vero variam per cupiditatem, quod adipiscendi boni naturale officium non est, id ipsum conantur adipisci. An tu aliter existimas? Minimè, inquam; nam etiam, quod est consequens, patet. Ex his enim quæ concesseram, bonos quidem

dem potenteis, malos vero esse necesse est imbecilleis, Recte, inquit, percurris : idque , uti medici sperare solent, indicium est erectæ jam, resistentisque naturæ. Sed quoniam te ad intelligendum promptissimum esse conspicio , crebras coacervabo rationes. Vide enim quanta vitiosorum hominum pateat infirmitas, qui ne ad hoc quidem pervenire queunt , ad quod eos naturalis ducit , ac pæne compellit intentio. Et quid ? si hoc tam magno , ac pæne invicto præeuntis naturæ defererentur auxilio ? Considera vero quanta sceleratos homines habeat impotentia. Neque enim levia , ac ludicra præmia petunt , quæ consequi , atque obtinere non possunt ; sed circa ipsam rerum summam verticemque deficiunt , nec in eo miseris contigit effectus , quod solum dies , noctesque moliuntur , in qua re bonorum vires eminent. Sicut enim eum qui pedibus incedens , ad eum locum usque pervenire potuisset , quo nihil ulterius periculum jaceret incessui , ambulandi potentissimum esse censeret : ita eum , qui expetendorum finem , quo nihil ultra est , apprehendit , potentissimum necesse esse judices. Ex quo fit , quod huic objaçet , ut iidem

H

sceleſti,

ſceleſti, iidem viribus omnibus videantur eſſe deſerti. Cur enim relictâ virtute vitia ſeſtantur? inſcitiane bonorum? ſed quid enervatus ignorantia cæcitate? An ſectanda novērunt? ſed tranſverſos eos libido præcipitat: ſic quoque facit intemperantia fragiles, qui obluſtari vitio nequeunt. An ſcientes volentesque bonum deſerunt, ad vitia deſleſtunt. Sed hoc modo non ſolum potenteis eſſe ſed omnino eſſe deſinunt. Nam qui communem omnium quæ ſunt, finem relinquunt, pariter quoque eſſe deſiſtunt. Quod quidem cuiſpiam mirum forte videatur, ut malos, qui plures hominum ſunt, eoſdem non eſſe dicamus, ſed ita ſeſe res habet. Nam qui mali ſunt, eos malos eſſe non abnuo: ſed eoſdem eſſe pure atque ſimpliciter, nego. Nam uti cadaver hominem mortuum dixeris, ſimpliciter vero hominem appellare non poſſis: ita vitioſos malos quidem eſſe conceſſerim: ſed eſſe abſolute, nequeam confiteri. Eſt enim, quod ordinem retinet, ſervatque naturam: quod vero ab hac deficit eſſe etiam, quod in ſui natura ſitum eſt, derelinquit. Sed poſſunt, inquires, mali: Nec ego quidem negaverim: ſed hæc eorum potentia non à viribus, ſed



sed ab imbecillitate descendit. Possunt enim mala, quæ minime valerent, si in bonorum efficientia manere potuissent. Quæ possibilitas eos evidentius nihil posse demonstrat. Nam si uti paullo ante collegimus, malum nihil est, cum mala tantummodo possunt, nihil posse improbos liquet. Perspicuum est. Atqui ut intelligas, quanam sit hujus potentix vis summo bono nihil potentius esse, paullo ante definivimus. Ita est, inquam. Sed idem, inquit malum facere nequit. Minime. Est igitur, inquit, aliquis, qui omnia posse homines putet? Nisi quis insaniat, nemo. Atqui iidem possunt mala. Vtinam quidem, inquam non possunt? Cum igitur bonorum tantummodo potens possit omnia, non vero queant omnia potentes etiam malorum, eosdem, qui mala possunt, minus posse manifestum est. Huc accedit, quod omnem potentiam inter expetenda numerandam, omniaque expetenda referri ad bonum, velut ad quoddam naturæ suæ cacumen, ostendimus. Sed parandi sceleris possibilitas referri ad bonum non potest. Expetenda igitur non est. Atqui omnis potentia expetenda est. Liquet igitur malorum possibilitatem

ratem non esse potentiam. Ex quibus omnibus bonorum quidem potentia, malorum vero minimè dubitabilis apparet infirmitas: Veramque illam Platonis esse sententiam liquet. Solos, quod desiderent, facere posse sapientes: improbos vero exercere quidem quod libeat; quod vero desiderent, explere non posse. Faciunt enim quælibet, dum per ea, quibus delectantur, id bonum, quod desiderant, se adeptutos putant; sed minimè adipiscuntur, quoniam ad beatitudinem probra non veniunt.

## METRUM II.

*Quod vides sedere celso  
Solii culmine reges,  
Purpura claros nitente,  
Septos tristibus armis,  
Ore torvo comminantes,  
Rabie cordis anhelos,  
Detrahit si quis superbis  
Vani tegmina cultus,  
Iam videbit intus arctas  
Dominos ferre catenas;  
Hinc enim libido versas  
Aridis corda venenis:*

Hinc

*Hinc flagellat ira mentem  
Fluctus turbida tollens,  
Mæror aut captos fatigat,  
Aut spes lubrica torquet.  
Ergo, cum caput tot unum  
Cernas ferre tyrannos,  
Non facit, quod optat, ipse  
Dominus pressus iniquis,*

P R O S A III.

VIDES ne igitur, quanto in cœno probra volvantur, qua probitas luce resplendeat? In quo perspicuum est, nunquam bonis præmia, numquam sua sceleribus deesse supplicia. Rerum enim quæ geruntur, illud propter quod unaquæque res geritur, ejusdem rei præmium esse non injuria videri potest: uti currenti in stadio, propter quam curritur, jacet præmium corona. Sed beatitudinem esse idem ipsum bonum, propter quod omnia geruntur, ostendimus. Est igitur humanis actibus ipsum bonum, veluti præmium commune propositum. Atqui hoc à bonis non potest separari. Neque enim bonus ultra jure vocabitur, qui careat bono: quare probos mores sua præmia non relinquunt. Quantumlibet igitur sciant mali,

sapienti tamen corona n. decideret, non aresceret. Neque enim probis animis proprium decus aliena decerpit improbitas. Quod si extrinsecus accepto lætaretur, poterat hoc vel alius quispiam vel ille etiam, qui contulisset, auferre. Sed quoniam id sua cuique probitas confert, tum suo præmio carebit, cum probus esse desierit. Postremo, cum omne præmii idcirco appetatur, quoniam bonum esse creditur, quis boni compotem, præmii iudicet expertem? At cuius præmii? omnium pulcherrimi, maximique. Memento enim illius corollarii, quod paulo ante præcipuum dedi; ac sic collige: Cum ipsam bonum beatitudo sit, bonos omnes ex ipso quod boni sint, fieri beatos liquet. Sed qui beati sunt, Deos esse convenit. Est igitur præmium bonorum, quod nullus deterat dies, nullius minnat potestas, nullius fuscet improbitas, Deos fieri. Quæ cum ita sint, de malorum quoque inseparabili pœna dubitare sapiens nequeat. Nam cum bonum malumque item pœna atque præmium adversa fronte dissideant, quæ in boni præmio videmus accidere, eadem necesse est in mali pœna contraria parte respondeant. Sicut igitur probis probitas ipsa sit præmium:

præmium : ita improbis nequitia ipsa supplicium est. Jam vero quisquis afficitur pœna, malo se affectum esse non dubitat. Si igitur sese ipsi existimare velint, possuntne sibi supplicii expertes videri, quos omnium malorum extrema nequitia non afficit modo verumetiam vehementer inficit? Vide autem ex adversa parte bonorum, quæ improbos pœna comitetur. Omne namque quod sit, unum esse ipsumque unum bonum esse paullo ante didicisti : cui consequens est, ut omne quod sit, id etiam bonum esse videatur. Hoc igitur modo quidquid à bono deficit, esse desistit : quo fit, ut mali desinant esse quod fuerant. Sed fuisse homines adhuc ipsa humani corporis species ostendat, quare versi in malitiam, humanam quoque amisere naturam. Sed cum ultra homines quemque provehere sola probitas possit necesse est, ut quos ab humana conditione deiecit, infra hominibus meritum detrudat improbitas. Evenit igitur ut quem transformatum vitiis videas, homines existimare non possis. Avaritia fervet alienarum opum violentus ereptor? similem lupi dixeris. Ferox atque inquietus linguam litigiis exercet? cani comparabis.

parabis. Insidiator occultis surripuisse fraudibus gaudet? vulpeculis exæquetur. Iræ intemperans fremit? leonis animum gestare credatur. Pavidus ac fugax non metuenda formidat? cervis-similis habeatur. Segnis, ac stupidus torpet? asinum vivit. Levis, ac inconstans studia permutat? nihil ab avibus differt. Fœdis, immundisque libidinibus immergitur? sordidæ suis voluptate detinetur. Ita fit, ut qui, probitate deserta, homo esse defierit, cum in divinam conditionem transire non possit, vertatur in belluam.

## M E T R U M III.

*Vela Neritii ducis,  
Et vagas pelago rates  
Eurus appulis insulæ,  
Pulcra qua residens dea  
Solis edita femine,  
Miscet hospitibus novis  
Tacta carmine pocula.  
Quos ut in varios modos  
Vertit herbipotens manus:  
Hunc apri facies tegit;  
Ille Marmaricus leo  
Dente crescet, & unguibus:  
Hic lupus super additus*

Pleræ

Flere dum putat ululat :  
 Ille , tigris ut Indica  
 Tecta mitis obambulat ,  
 Sed licet variis malis  
 Numen Arcadis alitis  
 Obsitum miserans ducem  
 Peste solverit hospitibus.  
 Tam tamen mala reniges  
 Ore pocula traxerant :  
 Iam fues Cerealia  
 Glande pabula verterant.  
 Et nihil manet integrum  
 Voce , corpore , perditis  
 Sola mens stabilis , super  
 Monstra quæ patitur , gemit.  
 O levem nimium manum ,  
 Nec potentia gramina ,  
 Membra quæ valeant licet ,  
 Corda vertere non valent !  
 Intus est hominum vigor  
 Arce conditus abdita.  
 Hæc venena potentius  
 Detrahunt hominem sibi  
 Dira , quæ penitus meant ,  
 Nec nocentia corpori  
 Mentis vulnera sæviunt.

PROSA

## PROSA IV

TV M ego fateor, inquam, nec injuria dici video vitiosos, tametsi humani corporis speciem servant, in belluas tamen animorum qualitate mutari. Sed quorum atrox scelerataque mens bonorum perniciæ sævit, id ipsum eis licere noluissem. Nec licet, inquit, uti couenienti monstrabitur loco, sed tamen si id ipsum quod eis licere creditur, auferatur, magna ex parte sceleratorum hominum pœna relevatur. Etenim, quod incredibile forte cuiquam videatur, infeliciores esse necesse est malos, cum cupita perfecterint, quam si ea, quæ cupiunt, implere non possunt. Nam si miserum est voluisse prava, potuisse miserius est, sine quo voluntatis miseræ langueret effectus itaque cum sua singulis miseria sit, triplici infortunio necesse est ut urgeantur, quos videas scelus velle posse perficere. Accedo, inquam; sed uti hoc infortunio cito careant, patrandi sceleris possibilitate differti, vehementer exopto. Carebunt, inquit, ocyus, quam vel tu forsitan velis, illi sese existiment esse carituros. Neque enim est aliquid in tam brevibus vitæ metis ita serum, quod expectare longum immortalis



talís præsertim animus putet : quorum magna spes , & excelsa facinorum machina repentino atque inseparato sæpe sine destruitur. quod quidem illis miseriæ modum statuit. Nam si nequitia miseros facit, miserior sit necesse est diuturnior nequam : quos infelicissimos esse judicarem, si non eorum malitiam saltem mores extrema finiret. Etenim si de pravitatis infortunio vera conclusimus , infinitam liquet esse miseriam, quam esse constat æternam. Tum ego mira quidem, inquam, & concessu difficilis illatio : sed his ea, quæ prius concessa sunt, nimium convenire cognosco. Recte inquit, existimas : sed qui conclusioni accedere durum putet, equum est vel falsum aliquid præcessisse demonstrer, vel collationem propositionum non esse efficacem necessariæ conclusionis ostendat : alioquin concessis præcedentibus , nihil prorsus est, quod de illatione causetur. Nam hoc quoque quod dicam, non minus mirum videatur, sed ex his quæ sumpta sunt, æque est necessarium. Quidnam ? inquam. Feliciores, inquit, esse improbos supplicia luentes, quam si eos nulla justitiæ pœna coerceat. Neque id nunc molior, quod cuivis veniat in mentem, corrigi

corrigi ultione pravor mores , & ad rectum supplicii terrore deduci, ceteris quoque exemplum esse culpanda fugiendi: sed alio quodam modo infeliciores esse improbos arbitror impunitos, tam etsi nulla ratio correctionis, nullus respectus habeatur exempli. Et quis erit, inquam, præter hos alius modus? Et illa, Bonos, inquit, esse felices, malos vero miseros nonne concessimus? Ita est, inquam. Si igitur, inquit, miseræ cujuscpiam bonum aliquid addatur, nonne felicior est eo, cujus pura ac solitaria sine cujuscquam boni admistione miseria est? Sic, inquam, videtur. Quid si eidem misero, qui cunctis careat bonis, præter ea, quibus miser est, malum aliud fuerit annexum, nonne multo infelicior eo censendus est, cujus infortunium boni participatione relevatur? Quid ni? inquam. Habent igitur improbi, cum puniuntur, quidem boni aliquid annexum, poenam ipsam scilicet, quæ ratione justitiæ bona est: iidemque cum supplicio carent, inest eis aliquid ulterius mali, ipsa impunitas, quam iniquitatis merito malum esse confessus es. Negare non possum. Multo igitur infeliciores improbi sunt injusta impunitate donati, quam justa ultione puniri.

-Sed

Sed puniri improbos justum ; impunitos vero elabi , iniquum esse manifestum est. Quis id neget ? sed ne illud quidem , ait , quisquam negabit , bonum esse omne , quod justum est ; contraque quod injustum est , malum liquet esse. Tum ego : Ista quidem consequentia sunt eis , quæ paulo ante conclusa sunt. Sed quæso , inquam , te , nullane animarum supplicia post defunctum morte corpus relinquis ? Et magna quidem , inquit : quorum alia pœnali acerbitate , alia vero purgatoria clementia exerceri puto. Sed nunc de his differere consilium non est. Id vero hætenus egimus , ut , quæ indignissima tibi videbatur , malorum potestas , eam nullam esse cognosceres : quosque impunitos querebare , videres nunquam improbitatis suæ carere suppliciis. Licentiam , quam cito finiri precabaris , nec longam esse disceres : infelicioremque fore , si diuturnior ; infelicissimam vero , si esset æterna. Post hæc miseriore esse improbos , injusta impunitate dimissos , quam justa ultione punitos. Cui sententiæ consequens est , ut tum demum gravioribus suppliciis urgeantur , cum impuniti esse credantur. Tum ego,

ego, cum tuas, inquam rationes considero, nihil dici verius puto. At si ad hominum iudicia revertar quis ille est, cui hæc non credenda modo, sed saltem non audienda videntur? Ita est, inquit illa. Nequeunt enim oculos tenebris assuetos ad lucem perspicuæ veritatis attollere: similesque avibus sunt, quarum intuitum nox illuminat, dies cæcat: dum enim non rerum ordinem, sed suos inveniuntur affectus vel licentiam, vel impugnantem scelerum putant esse felicem. Vide autem quid æterna lex sanciat. Melioribus animum si conformaveris, nihil opus est iudice præmium deferente: tu te ipse excellentioribus addidisti. Si studium ad peiora deflexeris, extra ne quaeris ultorem; tu te ipse in deteriora detrusisti: veluti si vicibus sordidam humum, cælumque respicias cunctis extra cessantibus, ipsa cernendi ratione nunc cæno, nunc sideribus interesse videaris. At vulgus ista non respicit. Quid igitur? his ne accedamus quos belluis simileis esse monstravimus? Quid, si quis amisso penitus visu, ipsum etiam se habuisse oblivisceretur intuitum, nihilque sibi ad humanam perfectionem deesse arbitraretur, num videntes eadem cæcos putaremus?

mus? nam ne illud quidem acquiescent, quod æque validis rationum nititur firmamentis, infelicioris esse eos, qui faciunt, quam qui patiuntur injuriam. Vellem inquam, has ipsas audire rationes. Omnem, inquit, improbum num supplicio dignum negas? Minime. Infelices vero esse, qui sunt improbi, multipliciter liquet. Ita est, inquam. Qui igitur supplicio digni sunt, miseros esse non dubitas. Convenit, inquam. Si igitur cognitor, ait, resideres, cui supplicium inferendum putares, eum qui fecisset, an qui pertulisset injuriam? nec ambigo, inquam, quin perpeffo satisfacerem dolore facientis. Miserior igitur tibi inuriæ illator, quam acceptor esse videretur. Consequitur, inquam. Hinc igitur, aliisque de causis ea radice nitentibus, quod turpitudine suapte natura miseros faciat, apparet, illatam cuilibet injuriam non accipientis, sed inferentis esse miseriam. Atqui nunc, ait, contra faciunt oratores, pro his enim qui grave quid, acerbumque perpeffi sunt miserationem judicum excitare conantur, eum magis admittentibus justior misratio debeat: quos non ab iratis, sed a propitiis potius miserantibusq; accusatoribus ad iudicium,

cium, veluti ægros ad medicum duci oportebat, ut culpæ morbos supplicio reseccarent: quo pacto defensorum opera, vel tota frigeret, vel si prodesse hominibus mallet, in accusationis habitum verteretur. Ipsi quoque improbi, si eis aliqua rimula virtutem relictam fas esset ad spicere, vitiorumque sordes poenarum cruciatibus se deposituros viderent, compensatione adipiscendæ probitatis, nec hos cruciatus esse ducerent, defensorumque operam repudiarent, ac se totos accusatoribus iudiciibusque permetterent, quo fit, ut apud sapientes nullus prorsus odio locus relinquatur. Nā bonos quis nisi stultissimus oderit? malos vero odisse ratione caret. Nam sicuti corporum languor, ita vitiositas quidam est quasi morbus animorum. Cum ægros corpore minimè dignos odio, sed potius miseratione iudicemus, multo magis non insequendi, sed miserandi sunt, quorum mentes omni languore atrocior urget improbitas.

## M E T R U M IV.

*Quid tantos iuvat excitare motus,*

*Et propria fatum sollicitare manu?*

*Si mortem petitis, propinquat ipsa*

*Sponte sua, volucreis nec remoratur equos,*

*Quos serpens leo, tigris, ursus, aper*

*Dente petunt, iidem se tamē ense petunt. An*

*An distant quia, dissidentque mores,  
Injustas acies, & fera bella movent.  
Alternis que volunt perire telis?  
Non est justa satis scvitix ratio.  
Vis aptam meritis vicem referre?  
Dilige jure bonos, & miseresce malis.*

PROSA V.

HEIC ego, video, inquam, quæ sit vel felicitas, vel miseria in ipsis proborum atque improborum meritis constituta. Sed in hac ipsa fortuna populari, non nihil boni, malive inesse perpendo. Neque enim sapientum quiscquam exsul, inops, ignominiosusque esse malit potius, quam pollens opibus, honore reverendus, potentia validus, in sua permanens urbe florere. Sic enim clarius, testatiusque sapientia tractatur officium, cum in contingenteis populos regentium quodam modo beatitudo transfunditur: cum præsertim carcer, lex, ceteraque legalium tormenta poenarum perniciosius potius civibus, propter quos etiam constituta sunt, debeantur. Cur hæc igitur versa vice mutantur, scelerumque supplicia bonos præmant, præmia virrutum mali rapiant, vehementer admiror; quæque tam injustæ confusionis ratio videatur, ex te scire

desidero. Minus enim mirarer, si misceri omnia fortuitis casibus crederem. Nunc stuporem meum Deus rector exaggerat, qui cum sæpe bonis jucunda, malis aspera; contraque bonis dura tribuat, malis optata concedat; nisi causa deprehendatur, quid est quod à fortuitis casibus differre videatur? Nec mirum, inquit, si quid ordinis ignorata ratione temerariū, confusumque credatur. Sed tu quamvis causam tantæ dispositionis ignores, tamen quoniam bonus mundum rector temperat, recte fieri cuncta ne dubites.

## M E T R U M V.

*Si quis Arcturi sidera nescit  
Propinqua summo cardine labi,  
Cur legat tardus plaustra Bootes,  
Mergatque seras æquore flammis;  
Cum nimis celeres explicet ortus,  
Legem stupebit ætheris alti.  
Palleant plena cornua Luna  
Infecta metis noctis opacæ,  
Quæque fulgenti texerat ore  
Confusa Phœbe detegat astra.  
Commovent genteis publicus error,  
Lassantque crebris pulsibus æra:  
Nemo miratus flamina Cori*

Littus



*Litus frementi tundere fluctu,  
Nec nimis duram frigore molem  
Ferventi Phœbi solvitur æstu.  
Hæc enim causas cernere promptum est;  
Illic latentes pectora turbant  
Cuncta, quæ rara provehit ætas,  
Stupetque subitis mobile vulgus.  
Cedat incertitia nubilus error,  
Cessent profecto mira videri.*

P R O S A VI.

ITA est, inquam. Sed cum tui muneris sit latentium rerum causas evolvere, velatasque caligine explicare rationes: quæso uti hinc decernas, & quoniam hoc me miraculum maximè perturbat, edisseras. Tum illa paulisper arridens. Ad rem me, inquit, omnium quæsitum maximam vocas, cui vix exhausti quiddam satis sit. Talis namque materia est, ut una dubitatione succisa, innumerabiles alia, velut hydræ capita succrescant: nec ullus fuerit modus, nisi quis eas vivacissimo mentis igne coerceat. In hac enim de providentiæ simplicitate, de fati serie, de repentinis casibus, de cognitione, ac prædestinatione divina, de arbitrii libertate quæri solet: quæ quanti oneris sint, ipse perpendis. Sed quoniam hæc

quoque te nosse, quædam medicinz tuæ portio est, quamquam angusto limite temporis septi, tamen aliquid delibare conabimur. Quod si te musici carminis oblectamenta delectant, hanc oportet paullisper differas voluptatem, dum nexas tibi ordine contexo rationes. Ut libet, inquam. Tum velut ab alio orsa principio, ita differuit. Omnium generatio rerum, cunctusque mutabilium naturarum progressus, & quidquid aliquo movetur modo, causas, ordinem, formas, ex divinæ mentis stabilitate sortitur. Hæc in suæ simplicitatis arce composita, multiplicem rebus gerendis modum statuit: qui modus cum in ipsa divinæ intelligentiæ puritate conspicitur, Providentia nominatur: cum vero ad ea quæ movet, atque disponit, refertur, Fatum veteribus appellatum est. Quæ diversa esse, facile liquebit, si quis utriusque vim mente conspexerit. Nam providentia est illa ipsa divina ratio in summo omnium principe constituta, quæ cuncta disponit; fatum vero inhærens rebus mobilibus dispositio, per quam providentia suis quæque connectit ordinibus. Providentia namque cuncta pariter, quamvis diversa, quamvis infinita, complectitur: fatum vero singula digerit in motum

roum, locis, formis, ac temporibus distributa :  
 ut hæc temporalis ordinis explicatio, in divi-  
 næ mentis adunata prospectu providentia sit :  
 eadem vero adunatio digesta, atque explicata  
 temporibus, fatum vocetur. Quæ licet diversa  
 sint, alterum tamen pendet ex altero. Ordo  
 namque fatalis ex providentiæ simplicitate  
 procedit. Sicut enim artifex faciendæ rei for-  
 mam mente percipens, movet operis affectum,  
 & quod simpliciter, præsentarieque prospexe-  
 rat, per temporaleis ordines ducit : ita Deus  
 providentia quidem singulariter, stabiliterque  
 facienda disponit : fato vero hæc ipsa, quæ di-  
 sposuit, multipliciter ac temporaliter admi-  
 nistrat. Sive igitur, famulantibus quibusdam  
 providentiæ divinis spiritibus, fatum exerce-  
 tur, seu anima, seu tota inserviente natura,  
 seu cælestibus siderum moribus, seu angelica  
 virtute, seu dæmonum varia sollertia, seu ali-  
 quibus horum, seu omnibus, fatalis series te-  
 xitur : illud certe manifestum est, immobilem,  
 simplicemque gerendarum formam rerum  
 esse providentiam : fatum vero eorum, quæ  
 divina simplicitas gerenda esse disposuit, mo-  
 bilem nexum, atque ordinem temporalem.  
 Quo fit, ut omnia quæ fato subsunt, pro-

videntia quoque subjecta sint: cui ipsum etiam subjacet fatum. Quædam vero, quæ sub providentia locata sunt, fati seriem superant. Ea vero sunt, quæ primæ propinqua divinitati stabiliter fixa, fatalis ordinem mobilitatis excedunt. Nam ut orbium circa eundem cardinem sese vertentium, qui est intimus, ad simplicitatem medietatis accedit, ceterorumque extra locatorum veluti cardo quidam, circa quem versentur, existit, extimus vero majore ambitu rotatus, quanto à puncti media individuitate discedit, tanto amplioribus spatiis explicatur: si quid vero illi se medio connectat & societ, in simplicitatem cogitur, diffundique, ac diffuere cessat. Simili ratione, quod longius à prima mente discedit, majoribus fati nexibus implicatur, ac tanto aliquid fato liberum est, quanto illum rerum cardinē vicinior patitur. Quod si superioris mentis hæserit firmitati, motu carens fati quoque supergreditur necessitatem. Igitur uti est ad intellectum ratiocinatio; ad id quod est, id quod gignitur; ad aternitatem tempus: ad puncti medium circulus: ita est fati series mobilis ad providentia stabilem simplicitatem. Ea series cælum ac sidera movet, elementa in se invicem temperat,

perat , & alterna commutatione transformat. Eadem nascentia , occidentiaque omnia per simileis fatuum , seminumque renovat progressus. Hæc actus etiam , fortunæque hominum indissolubili causarum connectione constringit : quæ cum ab immobilis providentiæ proficiantur exordiis , ipsas quoque immutabileis necesse est esse. Ita enim res optime reguntur , si manens in divina mente simplicitas , indeclinabilem causarum ordinem promat : hic vero ordo res mutabileis , & alioquin temere fluituras propria incommutabilitate coerceat. Quo fit , ut tametsi vobis hunc ordinem minimè considerare valentibus , confusa omnia perturbataque videantur , nihilominus tamen suus modus ad bonum dirigens cuncta disponat. Nihil est enim quod mali causa nec ab ipsis quidem improbis fiat ; quos , ut uberrime demonstratum est , bonum quærentes pravus error avertit , ne dum ordo de summi boni cardine proficiscens , à suo quemquam deflectat exordio. Quæ vero , inquires , potest ulla iniquior esse confusio , quam ut bonis tum adversa , tum prospera ; malis etiam tum optata , tum odiosa contingant ? Num igitur ea

mentis integritate homines degunt, ut quos probos improbosve censuerint, eos quoque, uti existimant, esse necesse sit? Atqui in hoc hominum judicia depugnant: & quos alii præmio, alii supplicio dignos arbitrantur. Sed concedamus, ut aliquis possit bonos, malosve discernere. Nū igitur poterit intueri illam intimam tempestem, veluti in corporibus dici solet, animorum? Non enim dissimile est miraculum nescienti, cur sanis corporibus, his quidem dulcia, illis vero amara conveniant. Cur ægri etiam quidam lenibus, quidam vero tacribus adjuvenrur. At hoc medicus, qui sanitatis ipsius, atque ægritudinis modum temperamentumque dignoscit, minimè miratur. Quid vero animorum aliud salus videtur esse, quam probitas? quid ægritudo, quam vitia? Quis autem alius vel servator bonorum, vel malorum depulsor, quam rector ac moderator mentium Deus? Qui, cum ex alta providentiæ specula respicit, quod unicuique conveniat, agnoscit, & quod convenire novit, accommodat. Hinc jam sit illud fatalis ordinis insigne miraculum, cum à sciente geritur, quod stupeant ignorantes. Nam ut pauca, quæ ratio valet humana, de divina pro-

profunditate perstringam, de hoc, quem tu  
justissimum, & æqui servantissimum putas,  
omnia scienti providentiæ diversum videtur.  
Et victricem quidem causam diis, victam ve-  
ro Catoni placuisse familiaris noster Luca-  
nus admonuit. Hic igitur quidquid citra  
spem videas geri, rebus quidem rectus ordo  
est: opinioni vero tuæ perversa confusio.  
Sed sit aliquis ita bene moratus, ut de eo di-  
vinum iudicium pariter, humanumque con-  
sentiât: sed est animi viribus infirmus: cui  
si quid eveniat adversi, desinet colere forsi-  
tan innocentiam, per quam non potuit reti-  
nere fortunam. Parcitur itaque sapiens dispen-  
satio ei, quem deteriores facere possit adver-  
sitas, ne cui non convenit laborare, patia-  
tur: Est alius cunctis virtutibus absolutus,  
sanctusque, ac Deo proximus: hunc contin-  
gi quibuslibet adversis nefas providentia ju-  
dicat, adeo, ut ne corporeis quidem mor-  
bis agitari sinat. Nam ut quidam me quoque  
excellenter ait, *Ἀνδρὸς ἰσχυρὸν σῶμα δύ-  
ναμιν δὲ δικαιοσύνην*. Fit autem sæpe, uti bo-  
nis summa rerum gerenda deferatur, ut exu-  
berans retundatur improbitas. Aliis mista  
quædam pro animorum qualitate distribuit:  
quos-

quosdam remordet , ne longa felicitate luxurient : alios duris agitari sinit , ut virtutes animi patientiæ usu , atque exercitatione confirment. Alii plus æquo metuunt , quod ferre possunt : alii plus æquo despiciunt , quod ferre non possunt : hos , in experimentum sui , tristibus ducit. Nonnulli venerandum sæculi nomen gloriosæ precio mortis emerunt. Quidam suppliciis inexpugnabiles exemplum cæteris prætulerunt , invictam malis esse virtutem : quæ quam recte atque dispositæ , & ex eorum bono , quibus accidere videntur , fiant , nulla dubitatio est. Nam illud quoque , quod improbis nunc tristia , nunc optata proveniunt , ex eisdem ducitur causis. Ac de tristibus quidem nemo miratur , quod eos male meritos omnes existimant : quorum quidem supplicia , tum ceteros ab sceleribus deterrent ; tum ipsos , quibus invehuntur , emendant : læta vero magnum bonis argumentum loquuntur , quid de hujusmodi felicitate debeant judicare , quam famulari sæpe improbis cernant. In qua re illud etiam dispensari credo , quod est forsitan alicujus tam præceps atque importuna natura , ut eum in scelera potius exacerbare possit rei fami-



familiaris inopia, hujus morbo providentia collatæ pecuniæ remedio medetur. Hic fœdatam probis conscientiam spectans, & secum fortunam suam comparans, forsitan pertimescit, ne rei, cujus jucundus usus est, sit tristis amissio. Mutabit igitur mores, ac dum fortunam metuit amittere, nequitiam derelinquit. Alios in eadem meritam præcipitavir indignè aucta felicitas. Quibusdam permissum puniendi jus, ut exercitii bonis, & malis esset causa supplicii. Nam uti probis atque improbis nullum fœdus est, ita ipsi inter se improbi nequeunt convenire. Quid ni? cum à semetipsis, disceptantibus conscientiam vitiis quique dissentiant, faciantque sæpe, quæ cum gesserint, non fuisse geranda decernant? Ex quo sæpe summa illa providentia protulit insigne miraculum, ut malos mali bonos facerent. Nam dum iniqua sibi à pessimis quidam perpeti videntur, noxiorum odio flagrantés ad virtutis frugem redire, dum se eis dissimileis student esse, quos oderant. Sola est enim divina vis, qui mala quæque bona sint, cum eis competenter utendo, alicujus boni elicit effectum. Ordo enim quidam cuncta complectitur, ut quod ab assignata ordinis

ordinis ratione discesserit, hoc idem licet in alium, tamen in ordinem relabatur, ne quid in regno providentiæ liceat temeritati. Ἀρχαλέον δ' ἐμὲ ταῦτα θεῶν ὡς παντ' ἀγορεύων, neque enim fas est homini cunctas divini operis machinas vel ingenio comprehendere, vel explicare sermone. Hoc tantum prospexisse sufficiat, quod naturarū omnium proditor Deus idem ad bonum dirigens cuncta disponat: dumque ea quæ protulit, in sui similitudinem retinere festinat, malum omne de reipublicæ suæ terminis per fatalis seriem necessitatis eliminat. Quo fit, ut quæ in terris abundare creduntur, si disponentem providentiam spectes, nihil usquam mali esse perpendas. Sed video jam dudum te & pondere quæstionis oneratum, & rationis prolixitate fatigatum, aliquam carminis expectare dulcedinem. Accipe igitur haustum, quo refectus, firmior in ulteriora contendas.

## M E T R U M VI.

*Si vis celsi jura tonantis  
Pura sollers cernere mente,  
Adspice summi culmina cæli.  
Illic justo fœdere rerum  
Veterem servant sidera pacem.*

Non

# QUARTUS.

145

Non sola rutilo concitus igne  
 Gelidum Phœbes impedit axem.  
 Nec quæ summo vertice mundi  
 Flectit rapidos, Versa meatus,  
 Nunquam occiduo lota profundo,  
 Cetera cernens sidera mergi,  
 Cupit Oceano tingere flammæ.  
 Semper vicibus temporis æquis  
 Vesper seras nunciat umbras.  
 Revehitque diem Lucifer alnum,  
 Sic æternos reficit cursus  
 Alternus amor: sic astringeris  
 Bellum discors exsulat oris.  
 Hæc concordia temperat æquis  
 Elementa modis, ut pignantia  
 Vicibus cedant humida siccis,  
 Iungantque fidem frigora flammis,  
 Pendulus ignis surgat in altum,  
 Terræque graves pondere sidant.  
 Hisdem causis vere tepente  
 Spirat florifer annus odores.  
 Æstas Cererem fervida siccât,  
 Remeat pomis gravis autumnus,  
 Hiemem defluus irrigat imber.  
 Hæc temperies alit, ac profert  
 Quidquid vitam spirat in orbe:

Eadem

Eadem rapiens condit, & aufert,  
Obitu mergens orta supremo.  
Sedet interea conditor altus,  
Rerumque regens flectit habenas.  
Rex & dominus, fons & origo,  
Lex & sapiens arbiter æqui,  
Et quæ motu concitat ire,  
Sistit retrahens; ac vaga firmat:  
Nam nisi rectos revocans illos,  
Flexos iterum cogat in orbeis.  
Quæ nunc stabilis continet ordo;  
Dissepia suo fonte fatiscant.  
Hic est cunctis communis amor,  
Repetuntque boni sine teneri.  
Quia non aliter durare queant,  
Nisi converso rursus amore  
Refluant causæ, quæ dedit esse.

## P R O S A VII.

J A M N E igitur vides, quid hæc omnia,  
quæ diximus, consequatur? Quid nam? in-  
quam. Omnem, inquit, bonam prorsus esse  
fortunam. Et quid, inquam, fieri potest?  
Attende, inquit, cum omnis fortuna vel ju-  
cunda, vel aspera, tum remunerandi, exer-  
cendive bonos, tum puniendi, corrigendique  
improbos causa deferatur, pater quod omnis  
bona.

bona est, quam vel justam constat esse, vel utilem. Nimis quidem, inquam, vera ratio: & si quam paulo ante docuisti providentiam, fatumve considerem: firmis viribus est nixa sententia. Sed eam, si placet, inter ea quas inopinabileis paulo ante posuisti, numeremus. Quid? inquit: Quia id hominum sercommunis usurpat, & quidem crebro, quorundam malam esse fortunam. Visne igitur, inquit, paulisper vulgi sermonibus accedamus, ne nimium velut ab humanitatis usu recessisse videamur? Ut placet, inquam. Nonne igitur bonum censes esse, quod prodest? Ita est, inquam. Quæ vero aut exercet, aut corrigit, prodest? Fateor, inquam. Bona igitur? Quid ni? Sed hæc eorum est, qui vel in virtute positi, contra aspera bellum gerunt, vel à vitiis declinantes, virtutis iter arripiunt. Negare, inquam, nequeo. Quid vero jucunda, quæ in præmium tribuitur bonis, num vulgus malam esse decernit? Nequaquam, verum uti est, ita quoque esse optimam censet. Quid reliqua, quæ cū sit aspera, & iusto supplicio malos coerceat, nū bonam populus putat? Immo omnium, inquam, quæ excogitari possunt, judicat esse miserrimam. Vide igitur,  
ne

ne opinionem populi sequentes quiddam valde inopinabile confecerimus? Quid? inquam. Ex his enim, ait, quæ concessa sunt, evenit, eorum quidem, qui sunt vel in possessione, vel in propectu, vel in adeptione virtutis, omnem, quæcumque sit, bonam, in improbitate vero manentibus, pessimam esse fortunam. Hoc, inquam, verum est, tamen si nemo audent confiteri. Quare, inquit, ita vir sapiens moleste ferre non debet, quoties in fortunæ certamen adducitur: ut virum fortem non decet indignari, quoties increpuit bellicus tumultus. Utrique enim, huic quidem gloriæ propagandæ illi vero confirmandæ sapientiæ difficultas ipsa, materia est. Ex quo etiam virtus vocatur, quod suis viribus nitens non superetur adversis. Neque enim vos in propectu positi virtutis; diffuere deliciis, & emarcescere voluptate venistis: sed prælium cum omni fortuna nimis acre conseritis, ne vos aut tristis opprimat, aut iucunda corrumpat: firmis medium iter viribus occupate. Quidquid autem infra subsistit, aut ultra progreditur, habet contemptum felicitatis, non habet præmium laboris. In vestra est enim situm manu, qualem vobis fortunam malitis.

Omnis

Omnis enim, quæ videtur aspera, aut exerceat,  
aut corrigit, aut punit.

METRUM VII.

Bella his quinis operatus armis  
Uxor Atreides, Phrygia ruinis  
Fratris amissos thalamos piavit.  
Ille dum Graia dare vela classi  
Optat, & ventos redimit cruore.  
Exiit patrem, miserumque tristis  
Fœderat gnatae jugulum sacerdos.  
Elevit amissos Ithacus sodales,  
Quos ferus vasto recubans in antro,  
Mersit immani Polyphemus alvo  
Sed tamen cæco furibundus ore,  
Gaudium mæstu lacrymis rependit.  
Herculem duri celebrant labores:  
Ille Centauros domuit superbos,  
Abstulit sævo spoliū leoni,  
Fixit & certis volucres sagittis:  
Poma cernenti rapuit draconi,  
Aureo læva gravior metallo:  
Cerberum traxit triplici catena.  
Victor immitem posuisse fertur  
Pabulum sævis dominum quadrigis.  
Hydra combusto periit veneno;  
Fronte turbatus Aëtelous amnis,

Ora demersit pudibunda ripis;  
 Stravit Antæum Libycis arenis,  
 Cacus Evandri satiauit iras,  
 Quosque pressurus foret altus orbis  
 Setiger spumis humeros notavit,  
 Vltimus cælum labor irreflexo  
 Sustulit collo, pretiumque rursus  
 Vltimi cælum meruit laboris.  
 Ite nunc fortes, ubi celsa magni  
 Ducit exempli viat, cur inertes  
 Terga nudatis? superata tellus  
 Sidera donat.

## LIBER QUINTUS.

## PROSA I.

**D**IXERAT, orationisque cursum ad  
 alia quædam tractanda, & expedienda  
 vertebat. Tum ergo. recta quidem,  
 inquam, exhortatio, tuaque prorsus aucto-  
 ritate dignissima. Sed quod tu dudum de pro-  
 videntia quæstionem pluribus aliis implici-  
 tam esse dixisti, re experior. Quæro enim,  
 an esse aliquid omnino, & quidnam esse ca-  
 sum arbitrere. Tum illa, festino, inquit,  
 debitum promissionis absolvere; viamque ti-  
 bi, qua patriam reveharis, aperire. Hæc au-  
 tem



tem et si perutilia cognitu, tamen à proposito nostri tramite paulisper averſa ſunt: verendumque eſt, ne deviis fatigatus, ad emerendum rectum iter ſufficere non poſſis. Ne id, inquam, prorsus vereare. Nam quietis mihi loco fuerit ea, quibus maxime delector, agnoſcere, ſimiliter cum omne diſputationis tuæ latus indubitata fide conſtiterit, nihil de ſequentibus ambigitur. Tum illa, morem inquit, geram tibi, ſimulque ſic exorſa: Siquidem, inquit, aliquis eventum temerario motu, nullaſque cauſarum connexioneproductum, caſum eſſe definiat, nihil omnino caſum eſſe confirmo, & præter ſubjectæ rei ſignificationem inanem prorsus vocem eſſe decerno. Quis enim, coercente ordinem cuncta Deo, locus eſſe ullus temeritati reliquus poteſt? Nam nihil ex nihilo exiſtere, vera ſententia eſt: cui nemo unquam veterum refragatus eſt: quamquam id illi non de operante principio, ſed de materiali ſubjecto, hoc eſt, de natura omnium rationum, quaſi quoddam jecerint fundamentum. At ſi nullis ex cauſis aliquid oriatur, id de nihilo ortum eſſe videbitur. Quod ſi hoc fieri nequit, nec caſum quidem huiusmodi eſſe poſſibile eſt, qualem paulo

ante definivimus. Quid igitur? inquam. Nihilne est, quod vel casus, vel fortuitum jure appellari queat? An est aliquid, tametsi vulgus lateat, cui vocabula illa conveniant? Aristoteles meus id; inquit, in *Physicis* & brevi & veri propinqua ratione definivit. Quonam, inquam, modo? Quoties, ait, aliquid cujuspiam rei gratia geritur, aliudque quibusdam de causis, quam, quod intendebatur, obtingit, casus vocatur: ut, si quis colendi agri causa fodiens humum, defossi auri pondus inveniat. Hoc igitur fortuito quidem creditur accidisse: verum non de nihilo est, nam proprias causas habeat: quarum improvisus inopinatusque concursus casum videtur operatus. Nam nisi cultor agri humum foderet, nisi eo loco pecuniam suam depositor obruisset, aurum non effer inventum. Hæ sunt igitur fortuiti causæ compendii, quod ex obviis sibi, & confluentibus causis, non ex gerentis intentione provenit. Neque enim, vel qui aurum obruit, vel qui agrum exercuit, uti ea pecunia reperiretur, intendit: sed, ut dixi, quod ille obruit, hunc fodisse convenit, atque concurrat. Licet igitur definire casum esse inopinatum, ex confluentibus causis. In his, quæ ob aliquid gerun-

geruntur, eventum. Concurrere vero, atque confluere causas, facit ordo ille inevitabili connexione procedens, qui de providentiæ fonte descendens, cuncta suis locis, temporibusque disponit.

## M E T R U M I.

*Rupis Achæmeniz scopulis, ubi versa sequentū  
Peccloribus figit spicula pugna fugax,  
Tigris & Euphrates, uno se fonte resolvunt,  
Et mox abjunctis dissociantur aquis.*

*Si coeant, cursumque iterū revocentur in unum,  
Confluat alterni, quod trahit unda vadi:  
Convenient pupes, & vulsi flumine trunci,  
Mistaque fortuitos implicet unda modos:  
Quos tamen ipsa vagos terræ declivia casus  
Gurgitis & lapsi defluus ordo regit.*

*Sic, quæ permissu fluitare videtur habenis  
Fors, patitur frenos, ipseque lege meat.*

## P R O S A II.

ANIMADVERTO, inquam, idque uti tu dicis, ita esse consentio. Sed in hac hærentium sibi serie causarum, estne ulla nostri arbitrii libertas, an ipsos quoque humanorum motus animorum fatalis catena coustringit? Est, inquit. Neque enim fuerint ulla rationalis natura, quin eidem libertas

ad sit arbitrii. Nam quod ratione uti naturali-  
 ter potest, id habet iudicium, quo quodque dis-  
 cernat per se, igitur fugienda, optandave dignos-  
 cit. Quod vero quis optandū iudicat esse, petit:  
 refugit vero, quod existimat esse fugiendum.  
 Quare quibus inest ratio, ipsis etiam inest vo-  
 lendi, nolendiq; libertas. Sed hanc non in om-  
 nibus æquā esse constituo. Nam supernis, divi-  
 nisq; substantiis & perspicax iudicium, & in-  
 corrupta voluntas & efficax optatorum præsto  
 est potestas. Humanas vero animas liberiores  
 quidem esse necesse est, cum se in mentis divi-  
 næ speculatione conservant: minus vero, cum  
 dilabuntur ad corpora, minusque etiam, cum  
 terrenis artibus colligantur. Extrema vero est  
 servitus, cum vitiis deditæ rationis propriæ  
 possessione ceciderint. Nam ubi oculos à sum-  
 mæ luce veritatis ad inferiora, & tenebrosa  
 dejecerint, mox inscitæ nube caligant, perni-  
 ciosis turbantur affectibus; quibus acceden-  
 do, consentiendoque, quam invexere sibi, ad-  
 juvant servitutem, & sunt quodam modo pro-  
 pria libertate captiva. Quæ tamen ille, ab  
 æterno cuncta prospiciens; providentiæ cer-  
 nit intuitus, & suis quæq; meritis prædestinata  
 disponit, πάντ' ἐφορᾷ, καὶ πάντ' ἐπαιέσθαι.

METRUM II.

# Q U I N T U S .

131

## M E T R U M II.

Puro clayum lumine Phæbum  
 Mellusui canit oris Homerus :  
 Qui tamen intima viscera terræ  
 Non valet, aut pelagi radiorum  
 Infirma perrumpere luce.  
 Haud sic magni conditor orbis :  
 Huic ex alto cuncta tuenti  
 Nulla terræ mole resistunt ;  
 Non nox atris nubibus obstat ;  
 Vno mentis cernit in ictu  
 Quæ sint, quæ fuerint, veniantque.  
 Quem quia respicit omnia solus,  
 Verum possis dicere Solem.

## P R O S A III.

T U M ego, en, inquam, difficiliori rursus  
 ambiguitate confundor. Quænam, inquit, ista  
 est ? Jam enim quibus perturbare ; conjecto.  
 Nimum, inquam, adversari, ac repugnare vi-  
 detur, prænoscere universa Deum, & esse ul-  
 lum libertatis arbitrium. Nam si cuncta pro-  
 spicit Deus, neque falli ullo modo potest,  
 evenire necesse est, quod providentia futu-  
 rum esse præviderit. Quare si ab æterno non  
 facta hominum modo, sed etiam consilia,  
 voluntatesque prænoscit, nulla erit arbitrii

K 4

libertas:

ibertas : neque enim vel factum aliud nulum , vel quolibet existere poterit voluntas , nisi quam nescia falli providentia divina præsenferit. Nam si res aliorum , quam providæ sunt , detorqueri valent , non jam erit futuri firma præscientia , sed opinio potius incerta : quod de Deo nefas credere judico. Neque enim illam probo rationem , qua se quidam credunt hunc quæstionis nodum posse dissolvere. Ajunt enim non ideo quid esse eventurum , quoniam id providentia futurum esse prospexerit : sed è contrario potius , quoniam quid futurum est , id divinam providentiam latere non possit : eoque modo necessarium est , hoc in contrariam relabi partem. Neque enim necesse est contingere , quæ providentur ; sed necesse est , quæ futura sunt , provideri. Quasi vero , quæ cujusque rei causa sit , præscientiæ futurorum necessitatis , in futurorum necessitas providentiæ laboretur. At nos illud demonstrare nitamur , quoquo modo sese habeat ordo causarum , necessarium esse eventum præscitarum rerum , etiamsi præscientia futuris rebus eveniendi necessitatem non videatur inferre. Etenim si quispiam sedeât , opinionem quæ eum sedere con-

con-

conjectat, veram esse necesse est: & è conver-  
so rursus, si de quopiam vera sit opinio, quo-  
niam sedet, eum sedere necesse est. In utro-  
que igitur necessitas inest: in hoc quidem se-  
dendi, at vero in altero veritatis. Sed non id-  
circo quisque sedet, quoniam vera est opinio:  
sed hæc potius vera est, quoniam quempiam  
sedere præcessit. Ita cum causa veritatis ex al-  
tera parte procedat, inest tamen communis  
in utraque necessitas. Similia de providentia,  
futurisque rebus ratiocinari oportet. Nam et-  
jam si idcirco, quoniam futura sunt, provi-  
dentur: non vero ideo, quoniam providen-  
tur, eveniunt: nihilo minus tamen à Deo vel  
ventura provideri, vel ptovisa evenire necesse  
est: quod ad perimendam arbitrii libertatem  
solum satis est. Jam vero quam præposterum  
est, ut æternæ præscientiæ temporalium rerum  
eventus causa esse dicatur? Quid est autem  
aliud arbitrari, ideo Deum futura, quoniam  
sunt eventura, providere, quam putare quæ  
olim acciderunt, causam summæ illius esse  
providentiæ? Ad hæc, sicuti, cum quid esse  
scio, id ipsum esse necesse est: ita cum quid  
futurum novi, id ipsum futurum esse necesse  
est. Sic fit igitur, ut eventus præscitæ rei  
ne-

nequeat evitari. Postremo si quid aliquis aliorum, atque sese res habet, existimet, id non modo scientiæ non est, sed est opinio fallax, à scientia veritate longe diversa. Quare si quid ita futurum est, ut ejus certus ac necessarius non sit eventus, id eventurum esse præsciri quæ poterit? Sicut enim scientia ipsa impermixta est falsitati: ita id quod ab ea concipitur, esse aliter atque concipitur, nequit. Ea namque causa est, cur mendacio scientia careat, quod se ita rem quamque habere necesse est, uti eam sese habere scientia comprehendit. Quid igitur? Quonam modo Deus hæc incerta futura prænoscit? Nam si inevitabiliter eventura censet, quæ etiam non evenire possibile est fallitur: quod sentire non modo nefas est, sed etiam voce proferre. At si, uti sunt, ita ea futura esse decernit, ut æque vel fieri ea, vel non fieri posse cognoscat: quæ est hæc præscientia, quæ nihil certum nihil stabile comprehendit? Aut quid hoc refert vaticinio illo ridiculo Tiresiæ? *Quid quid dicam, aut erit, aut non.* Quid etiam divina providentia humana opinione præsteterit, si uti homines, incerta judicat, quorum est incertus eventus? Quod si apud illum rerum omnium certissimum



num fontem nihil incerti esse potest, certus eorum est eventus, quæ futura firmiter ille præscierit, Quare nulla est humanis consiliis, actionibusque libertas; quas divina mens sine falsitatis errore cuncta prospiciens, ad unum alligat & constringit eventum. Quo semel recepto, quantus occasus humanarum rerum consequatur, liquet. Frustra enim bonis, malisque præmia, pœnæve proponuntur, quæ nullus meruit liber ac voluntarius motus animorum. idque omnium videbitur iniquissimum, quod nunc æquissimum judicatur, vel puniri improbos, vel remunerari probos: quos ad alterutrum non propria mittit voluntas sed futuri cogit certa necessitas. Nec vitia igitur, nec virtutes quidquam fuerint, sed omnium meritorum potius mista atque indiscreta confusio. Quodque nihil sceleratius excogitari potest, cum ex providentia rerum omnis ordo ducatur, nihilque consiliis liceat humanis, fit, ut vitia quæque nostra ad bonorum omnium referantur auctorem. Igitur nec sperandi aliquid nec deprecandi ulla ratio est. Quid enim vel speret quisquam, vel etiam deprecetur, quando optanda omnia series inflexa connectit? Auferetur

feretur igitur unicum illud inter homines  
Deumque commercium, sperandi scilicet, ac  
deprecandi. Siquidem iustæ humilitatis pre-  
tio inæstimabilem vicem divinæ gratiæ prome-  
remur: qui solus modus est, quo cum Deo col-  
loqui homines posse videntur illique inac-  
cessæ luci prius quoque quam impetrent, ipsa  
supplicandi ratione conjungi: quæ si recepta  
futurorum necessitate, nihil virum habere  
credantur, quid erit, quo summo illi rerum  
principi connecti, atque adhærere possimus?  
Quare necesse erit humanum genus, uti paulo  
ante cantabas, disseptum, atque disjunctum  
suo fonte fatiscere.

## M E T R U M III.

*Quænam discors fœdera rerum  
Causa resolvit? quis tanta Deus  
Veris statuit bella duobus,  
Ut quæ captivæ singula constant,  
Eadem nolint mista iugari?  
An nulla est discordia veris,  
Semperque sibi certa coherent?  
Sed mens, cecis obruta membris,  
Nequit oppressi luminis igne  
Rerum tenuis noscere nexus.  
Sed cur tanto flagrat amore*

Veri

*Veri sectas reperire notas ?  
 Scitne quod appetit anxia nosse ?  
 Sed quid nota rescire laborat ?  
 Et si nescit quid cæca perit ?  
 Quis enim quidquam nescius optet ?  
 Aut quis valeat nescita sequi ?  
 Quove inveniat , quisve repertam  
 Queat ignarus noscere formam ?  
 An cum mentem cerneret altam,  
 Pariter summam & singula norat ?  
 Nunc membrorum condita nube,  
 Non in totum est oblita sui ,  
 Summamque tenet singula perdens.  
 Igitur quisquis vera requiri,  
 Neutro est habitu, nam neque novit,  
 Nec penitus tamen omnia nescit :  
 Sed , quam retinens meminit , summam  
 Consulit , alte visa re tractans.  
 Ut serratis queat oblitus  
 Addere parteis.*

## P R O S A   I V .

T U M illa , Vetus , inquit , hæc est de  
 providentia querela , à M. Tullio , cum divi-  
 nationem distribuit , vehementer agitata , ti-  
 bique ipsi res diu prorsus , multumque  
 quæsitæ : sed haudquaquam ab illo vestrum  
 hæcenus

hactenus satis diligenter ac firmiter expedita. Cujus caliginis causa est, quod humanae ratiocinationis motus ad divinae praescientiae simplicitatem non potest admoveri; quae si ullo modo cogitari queat, nihil prorsus relinquetur ambigui, quod ita demum patefacere, atque expedire tentabo, si prius ea quibus moveris, expediero. Quæro enim, cur illam solventium rationem minus efficacem putes; quæ quia praescientiam non esse futuris rebus causam necessitatis existimat, nihil impedire praescientia arbitrii libertatem putat. Num enim tualunde argumentum futurorum necessitatis trahis, nisi quod ea quæ praesciuntur, non evenire non possunt? Si igitur praenotio nullam futuris rebus adjecit necessitatem, quod tu etiam paullo ante fatebare, quid est, quod voluntarii exitus rerum ad certum cogantur eventum? Etenim positionis gratia, ut quid consequatur advertas, statuamus nullam esse praescientiam. Num igitur, quantum ad hoc attinet, quæ ex arbitrio eveniunt, ad necessitatem coguntur? Minime. Statuamus iterum esse, sed nihil rebus necessitatis injungere; manebit, ut opinor, eadem voluntatis integra atque absoluta libertas. Sed praescientia,

scientia, inquires tametsi, futuris eveniendi necessitatis non est, signum tamen est, necessario ea esse ventura. Hoc igitur modo, etiam si præcognitio non fuisset, necessarios futurorum exitus esse constaret. Omne etenim signum, tantum quid sit, ostendit non veto efficit quod designat. Quare demonstrandum prius est, nihil non ex necessitate contingere, ut prænotationem signum esse huius necessitatis appareat: alioquin si hæc nulla est, nec illa quidem ejus rei signum poterit esse, quæ non est. Jam vero probationem, firma esse ratione subnixam constat, non ex signis, neque petitis extrinsecus argumentis, sed ex convenientibus, necessariisque causis esse ducendam. Sed quid fieri potest, ut ea non proveniant, quæ futura esse providentur? Quasi vero nos ea, quæ providentia futura esse prænoscit, non eventura credamus: ac non illud potius arbitremur, licet eveniant, nihil tamen ut evenirent, sui natura necessitatis habuisse: quod hinc facile perpendas licebit. Plura etenim dum fiunt, subiecta oculis intuemur: ut ea, quæ in quadrigis moderandis atque flectendis facere spectantur aurigæ: atque ad hunc modum cætera. Num igitur quidquam illorum  
ita.

ita fieri necessitas ulla compellit? Minimè. Frustra enim esset artis effectus, si omnia coacta moverentur. Quæ igitur cum fiunt, earent existendi necessitate, eadem prius quam fiant, sine necessitate futura sunt. Quare sunt quædam eventura, quorum exitus ab omni necessitate sit absolutus. Nam illud quidem nullum arbitror esse dicturum, quod quæ nunc fiunt, prius quam fierent, eventura non fuerint. Hæc igitur etiam præcognita liberos habent eventus. Nam sicut scientia præsentium nihil his, quæ fiunt, ita præscientia futurorum nihil his, quæ ventura sunt, necessitatis importat. Sed hoc, inquis, ipsum dubitatur, an earum rerum, quæ necessarios exitus non habent, ulla possit esse prænotio. Dissonare etenim videntur; putasque, si prævideantur, consequi necessitatem; si necessitas desit, minimè præsciri; nihilque scientia comprehendendi posse, nisi certum. Quod si quæ incerti sunt exitus, ea quasi certa providentur, opinionis constat id esse caliginem, non scientiæ veritatem. Aliter enim ac sese res habeat, arbitrari, ab integritate scientiæ credis esse diversum. Cujus erroris causa est, quod omnia, quæ quisque novit, ex ipsorum tantum  
vi,

vi, atque natura eognosci existimat quæ sciuntur : quod totum contra est. Omne enim quod cognoscitur, non secundum sui vim, sed secundum cognoscentium potius comprehenditur facultatem. Nam ut hoc brevi liqueat exemplo. eandem corporis rotunditatem aliter visus, aliter tactus agnoscit. Ille eminens magens, totum simul jactis radiis intuetur : hic vero cohzrens orbi atque conjunctus, circa ipsum motus ambitum, rotunditatem partibus comprehendit. Ipsum quoque hominem aliter sensus, aliter imaginatio, aliter ratio, aliter intelligentia contuetur, Sensus enim figuram in subjecta materia constituram, imaginatio, vero solam sine materia judicat figuram. Ratio vero hanc quoque transcendit, speciemque ipsam, quæ singularibus inest, universali consideratione perpendit. Intelligentiæ vero celsior oculus existit. Supergressa namque universitatis ambitum, ipsam illam simplicem formam puram mentis acie contuetur. In quo illud maxime considerandum est, quod superior comprehendendi vis amplectitur inferiorem : inferior vero ad superiorem nullo modo consurgit. Neque enim sensus aliquid extra materiam

L

valet,

valet , vel universales species imaginatio con-  
tuetur , vel ratio capit simplicem formam ;  
sed intelligentia quasi desuper spectans , con-  
cepta forma , quæ subsunt , cuncta dijudi-  
cat : sed eo modo , quo formam ipsam , quæ  
nulli alii nota esse poterat , comprehendit.  
Nam & rationis universum , & imaginatio-  
nis figuram , & materiale sensibile cognoscit,  
nec ratione utens , nec imaginatione , nec sen-  
sus , sed illo uno ictu mentis formaliter , ut  
ita dicam , cuncta prospiciens . Ratio quoque  
cum quid universale respicit , nec imagina-  
tione , nec sensibus utens , imaginabilia , vel  
sensibilia comprehendit . Hæc est enim , quæ  
conceptionis suæ universale ita definit : ho-  
mo est animal bipes rationale , quæ cum uni-  
versalis notio sit , tamen imaginabilem , sen-  
sibilemque esse rem nullus ignorat , quod illa  
non imaginatione , vel sensu , sed rationali  
conceptione considerat . Imaginatio quo-  
que tametsi ex sensibus visendi , formandi-  
que figuras sumsit exordium , sensu tamen ab-  
sente sensibilia quæque collustrat , non sensi-  
bili , sed imaginaria ratione iudicandi . Vi-  
desne igitur , ut in cognoscendo cuncta , sua  
potius facultate , quam eorum quæ cognos-  
cun-



cuntur, utantur? Neque id injuria, nam cum omne judicium judicantis actu existat, necesse est, ut suam quisque operam non ex aliena, sed ex propria potestate perficiat.

M E T R U M IV.

*Quondam porticus attulit  
Obscuros nimium senes,  
Qui sensus, & imagines  
E corporibus extyxis  
Credant mentibus imprimi,  
Ut quondam celeri stylo  
Mos est aquore pagine  
Quæ nullas habeat notas,  
Pressas figere litteras.  
Sed mens si propriis vigens  
Nihil motibus explicat,  
Sed tantum patiens jacet  
Notis subdita corporum.  
Cassasque in speculi vicem  
Rerum reddit imagines.  
Vnde hæc sic animis viget  
Cernens omnia notio?  
Quæ vis singula prospicit,  
Aut quæ cognita dividit?*

Quæ divisa recolligit,  
 Alternumque legens iter  
 Nunc summis caput insorit,  
 Nunc desedit in infima,  
 Tum sese referens sibi,  
 Veris falsa redarguit?  
 Hæc est efficiens magis  
 Longe causa potentior,  
 Quam quæ materix modo  
 Impressas patitur notas.  
 Præcedit tamen excitans,  
 Ac vires animi movens,  
 Vivo in corpore passio.  
 Cum vel lux oculos ferit,  
 Vel vox auribus instrepit:  
 Tum mentis vigor excitus  
 Quas intus species tenet,  
 Ad motus similem vocans,  
 Notis applicat exteris.  
 Introrsumque reconditis  
 Formis miscet imagines.

## P R O S A V.

Q U O D si in corporibus sentiendis,  
 quamvis afficiant instrumenta sensuum forin-  
 secus

secus objectæ qualitates animique agentis vigorem passio corporis antecedit, quæ in se actum mentis provocet, excitetque interim quiescentis intrinsecus formas: si in sentiendis, inquam, corporibus animus non passione insignitur, sed ex sua vi subjectam corpori iudicat passionem: quanto magis ea quæ cunctis corporum affectionibus absoluta sunt, in discernendo non objecta extrinsecus sequuntur, sed actum suæ mentis expediunt? Hac itaque ratione multiplices cognitiones diversis ac differentibus cessere substantiis. Sensus enim solus cunctis aliis cognitionibus destitutus immobilibus animantibus cessit: quales sunt conchæ maris, quæque alia saxi hærentia nutriuntur. Imaginatio vero mobilibus belluis, quibus iam inesse fugiendi, appetendive aliquis videtur affectus. Ratio vero humani tantum generis est, sicuti intelligentia sola divini: quo fit, ut ea notitia cæteris præstet quæ suapte natura non modo proprium, sed ceterarum quoque notitiarum subjecta cognoscit. Quid igitur, si ratiocinationi sensus, imaginatioque refragantur, nihil esse illud universale dicentes, quod se se intueri ratio putet? Quod enim sensibile vel

imaginabile est, id universum esse non posse. Aut igitur rationis verum esse iudicium, nec quidquam esse sensibile: aut quoniam sibi notum sit, plura sensibus & imaginationi esse subjecta, inanem conceptionem esse rationis, quæ quod sensibile sit, ac singulare quasi quoddam universale consideret. Ad hæc, si ratio contra respondeat, se quidem & quod sensibile, & quod imaginabile sit in universitatis ratione conspiciere, illa vero ad universitatis cognitionem adspirare non posse: quoniam eorum notio corporaleis figuras non possit excedere. De rerum vero cognitione, firmiori potius, perfectiorique iudicio esse credendum. In huiusmodi igitur lite, nos, quibus tam ratiocinandi, quam imaginandi etiam, sentiendique vis inest, nonne rationis potius causam probaremus? Simile est, quod humana ratio divinam intelligentiam futura, nisi ut ipsa cognoscit, non putat intueri. Nam ita differis, si qua certos, ac necessarios habere non videantur eventus, ea certo eventura præsciri nequeunt. Harum igitur rerum nulla est præscientia, quam si etiam in his esse credamus, nihil erit, quod non ex necessitate proveniat. Si igitur, uti ratio-  
nis

nis participes summus , ita divinæ judicium  
mentis habere possemus , sicut imaginatio-  
nem , sensumque rationi cedere oportere  
judicavimus , sic divinæ sese menti huma-  
nam summittere rationem justissimum cense-  
remus. Quare in illius summæ intelligentiæ  
cacumen , si possumus , erigamur ; illic enim  
ratio videbit , quod in se non potest intueri.  
id autem est , quonam modo etiam quæ cer-  
tos exitus non habent , certa tamen videat ac  
definita prænotio : neque id sit opinio , sed  
summæ potius scientiæ nullis terminis inclu-  
sa simplicitas.

METRUM V.

*Quam variis terras animalia permeant figu-  
ris !*

*Namque alia extento sunt corpore , pulverem-  
que verrunt.*

*Continuumque trahunt vi pectoris incitata sul-  
cum.*

*Sunt quibus alarum levitas vaga , verberetque  
ventos ;*

*Et liquido longi spatia ætheris enatet volatu.*

*Hæc præfisse solo vestigia gressibusque gaudent,*

*Vel virideis campos transmittiere vel subire syl-  
ras.*

*Quæ variis videas licet omnia discrepare formis.  
Prona tamen facies hebetes valet ingravare  
sensus.*

*Vnica gens hominum celsum levat altius cacu-  
men.*

*Atque levis recto stat corpore, despicitq; terras.  
Hæc, nisi terrenus male desipis, admonet figura,  
Qui recto cælum vultu petis, exerisque frontem,  
In sublime feras animum quoque, ne gravata  
pessum,*

*Inferior fidat mens corpore celsus levato.*

P R O S A VI.

Q U O N I A M igitur, uti paulo ante mon-  
stratum est, omne quod scitur, non ex sua, sed  
ex comprehendentium natura cognoscitur,  
intueamur nunc, quantum fas est, quis sit di-  
vinæ substantiæ status, ut quænam etiam scien-  
tia ejus sit, possimus agnoscere. Deum igitur  
æternum esse, cunctorum ratione degentium  
commune iudicium est. Quid sit igitur æter-  
nitas, consideremus. Hæc enim nobis naturam  
pariter divinam, scientiamque paterfecerit.  
Æternitas igitur est, interminabilis vitæ to-  
ta simul & perfecta possessio: quod ex colla-  
tione

tionē temporalium clarius liquet. Nam quid-  
quid vivit in tempore, id præsens ē præteritis  
in futura procedit: nihilque est in tempore  
constitutum, quod totum vitæ suæ spatium  
pariter possit amplecti. Sed crastinum qui-  
dem nondum apprehendit: hesternum vero  
jam perdidit. In hodierna quoque vita non  
amplius vivitis, quam in illo mobili trans-  
itorioque momento. Quod igitur temporis  
patitur conditionem, licet illud, sicut de  
mundo censuit Aristoteles, nec cœperit um-  
quam esse nec desinat, vitæque ejus cum tem-  
poris infinitate tendatur, nondum tamen tale  
est, ut æternum esse jure credatur. Non enim  
totum simul, infinitæ licet vitæ spatium com-  
prehendit, atque complectitur: sed futura non-  
dum transacta jam non habet. Quod igitur  
interminabilis vitæ plenitudinem totam pari-  
ter comprehendit, ac possidet, cui neque fu-  
turi quidquam absit, nec præteriti fluxerit;  
id æternum esse jure perhibetur: idque necesse  
est, ut sui compos præsens sibi semper assistere,  
& infinitatem mobilis temporis habere præ-  
sentem. Unde non recte quidam, qui cum au-  
diunt visum Platoni, mundum hunc nec ha-  
buisse initium temporis, nec habiturū esse de-  
fectum

festum, hoc modo conditori conditum mundum fieri cōtinetur putant. Aliud est enim, per interminabilem duci vitam, quod mundo Plato tribuit; aliud interminabilis vitæ totam pariter complexam esse præsentiam, quod divinæ mentis proprium esse manifestum est. Neque Deus conditis rebus antiquior videri debet temporis quantitate, sed simplicis potius proprietate naturæ. Hunc enim vitæ immobilis præsentarium statum, infinitus ille temporalium rerum motus imitatur; cumque cum effingere, atque æquare non possit, ex immobilitate deficit in motum, & ex simplicitate præsentia decrescit in infinitam futuri, ac præteriti quantitatem; &, cum totam pariter vitæ suæ plenitudinem nequeat possidere, hoc ipso, quod aliquo modo nunquam esse desinit, illud, quod implere atque exprimere non potest, aliquatenus videtur æmulari, alligans se ad qualemcumque præsentiam huius exigui volucrisque momenti; quæ, quoniam manentis illius præsentia quandam gestet imaginem, quibuscumque contigerit, id præstat, ut esse videantur. Quoniam vero manere non potuit, infinitum temporis iter arripuit: eoque modo factum est,



ut continuaret eundo vitam, cuius plenitudinem complecti non valuit permanendo. Itaque si digna rebus nomina velimus imponere, Platonem sequentes, Deum quidem æternum, mundum vero dicamus esse perpetuum. Quoniam igitur omne iudicium secundum sui naturam, quæ sibi subiecta sunt, comprehendit? est autem Deo semper æternus, ac præsentarius status: scientia quoque ejus, omnem temporis supergressa motionem, in suæ manet simplicitate præsentis, infinitaque præteriti, ac futuri spatia complectens, omnia quasi jam gerantur, in sua simplici cognitione considerat. Itaque si præscientiam pensare vellis, quæ cuncta dignoscit, non esse præscientiam, quasi futuri, sed scientiam nunquam deficientis instantis rectius æstimabis. Unde non prævidentia sed providentia potius dicitur, quod porro ab rebus infimis constituta, quasi ab excelso rerum cacumine cuncta prospiciat. Quid igitur postulas, ut necessaria fiant, quæ divino lumine lustrentur, cum ne homines quidem necessaria faciant esse, quæ videant? Num enim quæ præsentia cernis, aliquam eis necessitatem tuus addit intuitus? Minimè. Atqui est divini humanique

que presentis digna collatio, uti vos vestro hoc temporario presenti quidam videtis, ita ille omnia suo cernit æterno. Quare hæc divina prænotio naturam rerum, proprietatemque non mutat, taliaque apud se præsentia spectat, qualia in tempore olim futura provenient: nec rerum judicia confundit; unoque suæ mentis intuitu tam necessario, quam non necessario ventura dignoscit. Sicuti vos cum pariter ambulare in terra hominem conspici- tis & oriri in cælo Solem videtis; quamquam simul utrumque conspectum, tamen discerni- tis; & hoc voluntarium, illud esse necessarium judicatis. Ita igitur cuncta dispiciens divinus intuitus, qualitatem rerum minimè perturbat, apud se quidem præsentium, ad conditionem vero temporis futurarum. Quo fit, ut hæc non sit opinio, sed veritate potius nixa cognitio, cum existiturum quid esse cognoscit, quod idẽ existendi necessitate carere non nesciat. Hæc si dicas, quod eventurum Deus videt, id non evenire non posse: quod autem non potest non evenire, id ex necessitate contingere, neque ad hoc nomen necessitatis adstringas: Fatebor quidẽ rem solidissimæ veritatis, sed cui vix ali- quis nisi divini speculator accesserit. Respon-  
debo

debo namq; idem futurum, cum ad divinā notionem refertur, necessarium; cum vero in sua natura perpenditur, liberū prorsus atq; absolutum videri. Dux sunt etenim necessitates; simplex una, veluti quod necesse est, omnes homines esse mortales; altera conditionis, ut si aliquē ambulare scias, eum ambulare necesse est. Quod enim quisq; novit, id esse aliter ac notū est, nequit. Sed hæc conditio minimè secū illā simplicem trahit. Hanc enim necessitatem non propria facit natura, sed conditionis adjectio. Nulla enim necessitas cogit incedere voluntarie gradientem, quamvis eum tamen, cum graditur, incedere necessarium sit. Eodem igitur modo, si quid providentia præsens videt, id esse necesse est, tametsi nullam habeat naturæ necessitatem. Atqui Deus ea futura, quæ ex arbitrii libertate proveniunt, præsentia contuetur. Hæc igitur, ad intuitum relata divinum, necessaria fiunt per conditionem divinæ notionis: per se vero considerata, ab absoluta naturæ suæ libertate non desinunt. Fiunt igitur proculdubio cuncta, quæ futura Deus esse prænoscit, sed eorum quædam de libero proficiscuntur arbitrio, quæ quamvis eveniant, existendo tamen propriam naturam non amittant: quia

quia priusquam fierent, etiam non evenire potuissent. Quid igitur refert non esse necessaria, cum propter divinæ scientiæ conditionem modis omnibus, necessitatis instar, eveniant? Hoc scilicet, quod ea quæ paulo ante proposui, Sol oriens & gradiens homo, quæ dum fiunt, non fieri non possunt: eorum tamen unum prius quoque quam fieret, necesse erat existere: alterum vero minimè. Ita etiam quæ præsentia Deus habet, præcul dubio existunt: sed eorum hoc quidem de rerum necessitate descendit: illud vero de potestate facientium. Haud igitur injuria diximus, hæc si ad divinam notitiam referantur, esse necessaria; si per se considerentur, necessitatis esse nexibus absoluta, sicuti omne quod sensibus patet, si ad rationem referas, universale est: si ad seipsum respicias, singulare. Sed si in mea, inquires, potestate situm est mutare propositum, evacuabo providentiam, cum, quæ illa prænoscit, forte mutavero. Respondebo. Propositum te quidem tuum posse deflectere; sed quoniam & id te posse, & an facias, quove convertas, præsens providentiæ veritas intuetur, divinam te præscientiam non posse vitare; sicuti præsentis oculi effugere non possis

sis

sis intuitum, quamvis te in varias actiones libera voluntate converteris, Quid igitur inquires? Ex meane dispositione scientia divina mutabitur; ut cum ego nunc hoc, nunc illud velim, illa quoque, noscendi vices alternare videatur? Minime. Omne namque futurum divinus præcurrit intuitus, & ad præsentiam propriæ cognitionis retorquet, ac revocat. nec alternat, ut tu existimas, nunc hoc, nunc illud prænoscendi vices: sed unto istu mutationes tuas manens prævenit, atque completitur. Quam comprehendendi omnia, visendique præsentiam, non ex futurarum proventu rerum, sed ex propria Deus simplicitate sortitus est. Ex quo illud quoque resolvitur, quod paulo ante posuisti, indignum esse, si scientiæ Dei causam futura nostra præstare dicantur. Hæc enim scientiæ vis præsentaria notione cuncta complectens, rebus omnibus modum ipsa constituit, nihil vero posterioribus debet. Quæ cum ita sint, manet intemerata mortalibus arbitrii libertas: Nec iniquæ leges solutis omni necessitate voluntatibus, præmia poenasque proponunt. Manet etiam spectator desuper cunctorum præscius Deus visionisque ejus præsens semper æternitas

tas cum nostrorum actuum futura qualitate  
concurrit, bonis præmia, malis supplicia di-  
spensans. Nec frustra sunt in Deo posite spes,  
precesque, quæ cum rectæ sint, inefficaces er-  
se non possunt. Aversamini igitur vitia, co-  
llyte virtutes, ad rectas spes animum subleva-  
te, humiles preces in excelsa porrigite. Magna  
vobis est, si dissimulare non vultis, necessitas  
indicta probitatis: cum ante oculos agitis ju-  
diciis cuncta cernentis.

F I N I S.

LOCO.

mal  
bon

L O A C O R I U M

ET VERSUM

GRÆCORUM.

*in hisce libris citatorum*

Interpretatio.

LIB. I. PROSA IV.

*Ὀν* πρὸς λύγαν : *id est*, Asinus ad lyram.*Ἐξαΐδης*, μὴ καύθῃς : *id est*, Eloquere, ne occultes intellectui.*Ἐπευθεῖς*, *id est*, sequere Deum.

PROSA V.

*Ἄλλος τις*, &c. *id est*, Sed unus Rex est, unus dominus.

LIB. II. PROSA II.

*Δύο τοὺς πίθους*, *id est*, Duo dolia, malorum quidem unum, alterum autem bonorum.

M

LIB.

## LIB. III. PROSA VI.

Ὡς δὲ αἰ, &c. *id est*, O gloria, gloria, infinitis jam mortalibus tu vitam nequicquam fecisti magnam.

Πάντοθεν, &c. *id est*, Undique in circulis ducis similem acervum.

## LIB. IV. PROSA VI.

Ἀνδρες, &c. *id est*, Viri sacri corpus virtutes ædificavere.

Ἀρραλίον δ' &c. *id est*, Difficile autem est, me sermone explicare, quemadmodum Deus omnia regat, & suâ providentiâ disponat.

## LIB. V. PROSA II.

Πάντ' ἑώρα, &c. *id est*, Omnia vident, & omnia audir.

F I N I S.

Anitum a



Anitii Manlii Torquati

SEVERINI BOETHII

VITA.

*Iul. Martiano Rota Scriptore.*

**A**NITIUS Severinus Boethius, Romanus, & nobilitate majorum & animi dotibus clarus, in ea tempora incidit, quibus Italia, à Barbaris oppressa tenebatur. Natus est enim non ita multis post annis, quam ab Alarico Roma caperetur: floruitque Theodorici regis tempestate. Theodoricus hic à Zenone cum ingentibus copiis missus, ereptam Odoacri Italiam sibi vendicaverat; Ravennæque regni sede locata, cuncta pro libidine administrabat: quod videns Boethius honestis disciplinis animum applicuit, id sibi tantum superesse intelligens, quod homine libero dignum foret. Eruditus itaque Græcis & Latinis litteris ab adolescentia cum esset, quædam primū ex Euclide transtulit; atque ita transtulit, ut & dimetriendi rationes, & alia quædam de suo adjungeret: ac quod nondum Aristotelis ætate repertum fuerat, æquale circulo quadratum astruere docuerit. Arithmeticam post-

ea. Nicomachum, non ut interpres, secutus, sed suo usus iudicio, Latinis verbis reddidit. Et inde Musicam, perplexam & involutam disciplinam, ex optimis quibusque collegit, qua in re & Aristoxeni copiam, & Pythagoræ iudicium expressit. Extat Theodorici regis ad Boethium epistola, quæ & Prolemæi Syntaxin, & Archimedis Mechanicæ ab eo Latinitate donatam affirmat. Verum præludia hæc fuisse crediderim eorum quæ vir tantum mente agitabat. Philosophiam enim Latinis litteris illustrare constituerat, non ut Varro Stoicam, nec ut Tullius Academicam, sed eam quæ cæteras obscuravit ab Aristotele inventam, & à tot præstantibus ingenio viris ætate tam longa celebratam. Id ipse his verbis significat: Ego omne Aristotelis opus, quodcumque in manus venerit, in Romanum stilum vertens, eorum omnium commenta Latina oratione perscribam, ut siquid ex Logicæ artis subtilitate, & ex Moralis gravitate peritæ, & ex Naturalis acumine veritatis ab Aristotele perscriptum est, id omne ordinatum transferam, atque id quodam luminis commentationis illustrem. Igitur Porphyrius, quem Victorinus Apher compendium tranperum

translulerat, explanavit, & eundem à se mox interpretatum novis rursus expositionibus illustravit. Prædicamentis manum admoverat, cum ecce Consul Romæ creatur, hoc ipse suis verbis significat: Etsi nos curæ officii consularis impediunt, quo minus in his studiis omne otium plenamque operam consumimus, pertinere tamen videtur ad aliquam Reipublicæ curam, elucubrata rei doctrina cives instruere. Nec male de civibus meis merear, si, cum prisca hominum virtus, urbium cæterarum, ad hanc unam Rempublicam imperium translulerit, ego ad id saltem quod reliquum est, Græcæ sapientiæ artibus, mores nostræ civitatis instruxero. Quare ne hoc quidem ipsum Consulis vacat officio, cum Romani moris semper fuerit, quod ubicumque gentium pulcherrimum esset, atque laudabile, id magis ac magis imitatione honestare. Hæc ille: ex quibus illud etiam falsum esse convincitur, quod aliqui memoria prodiderunt, Boethium omnia, non pleraque relegatum scripsisse. Ad Consularum autem juvenis pervenit favore principum civitatis. Puerum enim à patre relictum curandum susceperunt, quod & antiqua Manlii Torquati fa-

milia prognatum scirent, & novam Anicii  
 proavi indolem perspectam in ipso haberent.  
 Primo ejus Consulatu, rex Hunnorum & Italiae  
 Odoacer, Phæba Rugorum duce victo captoq;  
 potitus est, sicuti Cassiodorus tradit; qui bis so-  
 lum, cum Symmacho semel, ipsum in Consu-  
 libus nominat. Non solum autem dignitatem  
 hanc ipse adeptus est, sed duos etiam filios  
 suos, quod nunquam antea contigerat, Consu-  
 les eodem tempore vidit, Patricium & Hypa-  
 tium. Anno illo Boethius in curia Theodoricū  
 tum primum Romam accersitum, S. P. Q. R.  
 nomine, magna facundia laudavit, & in circo  
 duorum Consulū medius triumphale con-  
 vivium multitudini exhibuit. Collegam in ul-  
 timo Consulatu Symmachū socerum habuit;  
 cum quo magistratum ita gessit, ut commune  
 bonum privatis amicitiiis præferret. Accidit ut  
 Paulini consularis opes regii satellites appete-  
 rent: hominem ingenuè tutatus est. Albinum  
 falso Cyprianus accusavit: innocentem con-  
 sulare virum ostendit. Acerba fames Cam-  
 paniam urgebat, & acerbiorē coemptionem  
 tyranni procuratores indixerant: eam exigī  
 Consul non sustinuit. Triguillam quōque re-  
 gis domus præpositum multoties ab injuria  
 de-

dejecit, & Conigastum fortunas optimi cuiusque insectantem compescuit. Hisce rebus factum est, ut regis indignationem incurreret, perditorumque delationibus in exilium pelleretur. Accusationis summa hæc fuit. Quod Senatū læsæ majestatis accusaturum prohibuerit: quod ad Anastasium Imperatorem litteras miserit de recuperanda libertate. Delatores perditis moribus homines tres extiterunt. Gaudentius & Opilio, tunc ob innumeras fraudes exilio damnati, Basiliusque pridem à procuratorum domus regis dejectus, obrutusque plurimum. Purgasset facile Severinus objecta crimina, si coram delatores arguendi facultas sibi à Theodorico data fuisset. Sed vel iratus oblatam sibi ultionis occasionem amittere, vel improbus à se excitatam calumniam dissolvere noluit. Absens itaque vir, & innocens, & grandis natu Boethius, malorum conspiratione relegatus est; nec à bonis in patria retentus, Picinum secessit, urbem in insubribus positā, & sibi, à tyranno præscriptam, in quam simul atque venit, quo posteris etiam innocentiam suam cognitam faceret, pulcerrimum illud de Consolatione volumen, Ciceronem imitatus, conscripsit. Nam sicut ille, quo filix desi-

derium levaret, de animorum immortalitate  
disceptans, Tulliam supervivere monstrat,  
ita Severinus de falso & vero bono, deque  
providentia disputat, & omnia voluntate divi-  
na mortalibus evenire declarat. Verum in eo  
opere Cicero carmen non attingit Boethius  
utramque orationem admiscet, atque ita ad-  
miscet, ut facile unicuique ostendat inge-  
nium sibi, quicquid tentasset, nunquam de-  
fuisse. Sed quid naturali philosophia diffici-  
lius? quid Dialectica spinosius? at utramque  
disciplinam sic oratione sua pervagatus est,  
ut abditissima quæque cuivis prompta reddi-  
derit. Neque vero selectum unum aliquod  
argumentum oratione confectatus est, sed  
Philosophia penetralia ingressus, ea Latinis  
nominibus primis referavit, quæ princeps  
Aristoteles de industria pluribus occultave-  
rat. Qua in re optimos quosque consuluit:  
Theophrastum dico, Eudemum, Andronicam  
Aspasium, Herminium, Alexandrum, Syria-  
num, Porphyrium, Themistium; de quo-  
rum sententiis, tanquam honoratus arbiter,  
dijudicat. Attestatur hoc expositio in librum  
Aristotelis de Enunciatione, tam prima duo-  
bus, quam secunda sex libris absoluta: in  
quo.

quorum tertio cum de tribus contingentium modis se melius scripsisse dicat in libris *Physicis*, suspirandum reliquit se naturalem quoque Philosophiam enucleasse. Verum haftenus tam hi desiderantur commentarii, licet fuerint Tarvisium hinc nuper asportati, quam illi, quos in *Analyticen* & *Topicen* emisit. Siquidem & hos ipse citat, & in *Topica* Ciceronis septem libros à se confectos profiterur, opus varium, difficile, eruditum, nec à quocquam antea quam à Victorino frustra tentatum. Platonis Dialogos ipse Latinos facturum se recepit, factos Cassiodorus asseverat. Mirarer quomodo tanta præstare potuerit, nisi divina illa in librum Aristotelis de Interpretatione commentaria biennio scirem ab eo confecta: quod tempus vix evolvendis tot expositoribus satis fuisse videtur, nedum eorum sententiis plerumque controversis, & dijudicandis, & eligendis, & accommodandis. Inter Peripateticos enim celebris est ferme nullus, qui in hunc librum non scripserit: quod & magnopere quidem necessarius sit, & multa doctrina refertus, sed acumine sententiarum & verborum brevitate perobscurus. Commentabatur autem hæc, quo tempore

pore Theodoricus superatis alpihus Clodoveum socerum Francorum regem ingenti praelio profligavit. Cæterum Severinus non tantum in interpretando & exponendo Aristotele versatus est, sed & pleraque etiam ipse veluti procreavit. Horum in numero sunt pulcherrimi illi quatuor de differentiis Topicis libri, quibus Dialecticos locos à Rhetoricis dirimit, & totidè alii de utroque Syllogismo, item de Divisione & Definitione singuli. Nam qui ad Syllogismos categoricos introductorius inscribitur, titulum subornatum habet, cum libri Aristotelis de Enunciatione vel breviarium sit, ut ipse appellat, vel certe idem quod primus de categoricis Syllogismis. Opus quoque de Scholastica disciplina, non titulum modo, sed & elocutionem & inventionem mentitur: aliter enim Boetius scripsisset, si ea de re scribere voluisset. Sed ipsum mittamus, ac de Hebdomadibus aliquid potius in medium afferamus. Sunt autem Hebdomades opera septem partibus distributa; sicuti decem libris Decades, & novem Enneades. Hebdomadas Varro primus inscripsit, deinde hic ipse ex quibus libellis de Substantiæ bono, & alius de Unitate & Uno sumptus est; & reliqua aut edita non sunt,



sunt, quod ea sibi, ut significare videtur, commentatus esset, aut ad nos usque non pervenerunt. Hebdomadas juvenis composuit, velut & de duabus naturis & una persona Christi. Hoc ut ira existimem, ejus verba faciunt: Episcopus (inquit) scriptor epistolæ tamquam valde necessarium cum præterire noluisse, è duabus naturis Christum consistere, & in duabus æqualiter, catholicos credere, novitate dicti percussus, meditabar omnes animo quæstiones. Decretum hoc fuerat concilio Chalcedone celebrato, illiusque Leo Romanus episcopus venerat: cujus epistola Romam missa, cum postea nitentibus acephalis condemnatum jam dogma revocare, pluribus convocatis Romæ legeretur, nec satis jam quid decerneret intelligeretur, ansam Boethio dedit eum librum componendi contra Nestorium, qui duabus naturis personas totidem adjungebat; & Eutycherem, qui unicam naturam & personam tuebatur. Ergo si quis ab Imperatore Leone, qui rejectam sub Martino Nestorii & Eutycheris opinionem fovebat, ad Justinum usque supputet annos, paulo minus quinquaginta deprehendet; quibus de Boethii vita detractis, prima juventutis tempora relinquentur.

Verum

*without beginning*

Verum hæc ut libuerit quisque accipiat, illud certe non admittendum contenderim, Boethium morte præventum Musicam non absolvisse. Nam quod obijciunt aliqui titulos eorum quæ defunt adhuc superesse, id nos in contrariam sententiam potius trahit, absurdum esse existimantes, nondum conscriptis rebus velle nomen imponere. Quod si quid quid imperfectum Severinus reliquit id ipse Theologiam fuisse censuerim: satis enim superque Philosophiam illustraverat. Itaque divina restabant: & jam multum processerat, Augustinum secutus, ut ipse de Trinitate ad Symmachum scribens affirmat: Vobis, inquit, inspiciendum est, an ex beati Augustini scriptis semina rationum in nos venientia, fructus aliquos intulerint. Ex quibus illud etiam conijcere possemus, cur nono demum anno Theodoricus Severinum & Symmachum necarit: an quia senex in opinionem Arii defecit, & inimicus adeo Catholicis evasit, ut eorum templa diruere in Italia voluerit, si Justinus Arianos in Asia non restitueret. Propugnatores autem sani dogmatis cum illas semper, tum præcipue eo tempore, Boethius & Symmachus extiterunt. Quamobrem tyrann.

tyrannus coniectos in carcerem obtruncari  
iussit. Ticini incolæ semper à majoribus tra-  
ditum constanter asseverant. Severinum, cum  
regius spiculator letale vulnus intulisset, utra-  
que manu divulsam caput sustinuisse, inter-  
rogatumque à quonam se percussam existima-  
ret, Ab impiis, respondisse; atque ita cum in  
vicinum templum venisset, & flexis genibus  
ante altare sacra percepisset, post paulum ex-  
pirasse. Extinctus divinos honores à nostris  
consecutus est, quod pro Catholicis contra  
perfidiam Arii mortem sustinuerit. Sunt qui  
scribant ipsum antea Ravennam accessurum,  
prætorioque regis præpositum, mox cum ali-  
quot lenatoribus occisum: quod Symmacho  
potius convenire videtur. Turris enim lateri-  
tio lapide fabrefacta etiamnum Ticini mon-  
stratur, Boethii carcer; sepulcrumque ejus in  
æde beati Augustini visitur, qua parte in adi-  
tum templi ascensus, incipit, hoc Epiraphio  
incisum:

*Moetonia & Latia lingua clarissimus, & qui  
Consul eram, hic perii, missus in exilium.*

*Et quia mors rapuit, probitas me vexit ad  
auras:*

*Et nunc fama viget maxima, vivet opus.*

Circumferetur & aliud Elogium, quo sepulcrum ejus exornabatur, antequam illud à Luitprando Longobardorum rege collocaretur. Ipsum, quia paucis multa continet ad ejus vitam facientia, subjunximus.

*Ecce Boethius adest in caelo magnus, &  
omni*

*Perspectus mundo, mirus habendus homo.*

*Qui Theodorico regi delatus iniquo,*

*Ticini senium duxit in exilio.*

*In qua se mæstum solans dedit urbe libellum;*

*Post ictus gladii, exiit à medio.*

Hic finis viri clarissimi fuit, qui facundia, probitate, doctrina, plurimum excelluit: ultimus omnium qui ex antiquis Romanis aliquid litterarum monumentis consecrarint; primus omnium qui Aristotelicam disciplinam Latinis litteris illustrare coeperint, tantæ apud posteros auctoritatis, ut ab ejus sententiis nulla ferme sit provocatio. Hujus morte magnâ rem amisimus, & frustra à multis postea tentatam, Platonis & Aristotelis concordiam; quam utriusque Philosophiæ perissimus & pollicitus fuerat, & nisi vitam eripissent imbrobi, præstare solus potuisset.

Ultio

Ultio tamen paulo post insecuta est divinitus, nam cœnanti Theodorico, cum piscis caput illatū esset, visus est sibi rex in eo videre Symmachi faciem inferius labrum mordicus apprehendentem, torvisque oculis subinde minitantem: eo spectaculo consternatus tyrannus in morbum incidit, & simulatque quod videret id se vidisse confessus est, expiravit. Ictu sanguinis mortuum sui divulgavit: verum Amalasiumta rei conscia, cum in regno successisset, patris acta contra jus & fas decreta rescidit, & Severini ac Symmachi bona in fiscum redacta, eorum liberis restituit, paucis annis antea quam Belisarius à Justiniano missus, Itali Gothos omnes expulit. Porro Boethii multi fuerint: primus Stoicus, de quo mentionem facit Diogenes in Zenonis vita; secundus Epicureus, quem Plutarchus in Conviviis introducit: tertius Cretensis, Aristotelis studiosus, & vir consularis, à Galeo celebratus. Præter hos alii fuerunt & Philosophi ambo & Peripatetici; unus hic ipse, de quo satis iam dictum est, Patricius Romanus; alter Græcus & antiquior, quem & hic ipse in Porphyrio, & Ammonius atque Simplicius ut Aristotelis interpretem agnoscunt.

scunt. Fuerunt itidem & duo Symmachi, ma-  
 gnæ in litteris existimationis uterque : pri-  
 mus Gratiani & Valentiniani temporibus ;  
 secundus Zenonis & Anastasii. Illius episto-  
 læ circumferuntur, crebraque de eo in Macro-  
 bii Saturnalibus mentio habetur. Huius nihil  
 quidem extat, sed ut Boethii testimonium  
 præteream, Priscianus Cæsariensis de ponde-  
 ribus scribens, sic eum laudat, ut omnes om-  
 nium disciplinarum apices consecutus vide-  
 retur.

F I N I S.

